

邢子昂歌

魏志曰邢顯太祖辟為
兗州從事時人稱之

德行堂堂邢子昂

謝靈運謠

宋書五行志曰陳郡謝靈運有逸才
每出入自扶接者常數人民間謠曰

四人挈衣裾三人捉坐席

蘇宋歌

北史曰宋世軌齊天保中為大理少卿執獄
寬平多所全濟大理正蘇珍之以平幹知名
時人以為二
絕寺中語曰

決定嫌疑蘇珍之視表見裏宋世軌

裴讓之歌

北史曰河中裴讓之
遷王客郎省中語曰

能賦詩裴讓之

陽休之好學愛文藻時人
為之語曰能賦詩陽休之

裴公歌

北史曰裴俠大統中為河北郡守躬履儉素
愛民如子郡舊有漁獵夫三十人以供郡守
俠曰以口腹役人吾所不為也悉罷之又
丁三十人供郡守役俠亦不私並收庸為市
官馬歲時既積馬遂成羣去
職之日一無所取歌之云

肥鮮不食丁庸不取裴公貞惠為世規矩

袁祖謠

北史曰祖瑩與陳郡袁翻
齊名秀出時人為之語曰

京師楚楚表與祖洛陽翩翩祖與袁

崔李歌

隋書曰武城崔儵與頓丘李若俱見稱重時人為之語曰

京師灼灼崔儵李若

于公歌

隋書曰于仲文字次武北周時為遷安太守州刺史屈突尚宇文護之黨也先坐事下獄無敢繩者仲文至郡窮治遂竟其獄蜀中為之語曰

明斷無雙有于公不避強禦有次武

二賀歌

唐書曰賀臨仁越州山陰人在陳與兄德基師事周弘正以文辭稱人為語曰

學行可師賀德基文質彬彬賀德仁

毀怨

輿人誦

一作歌

左傳晉侯宋公齊國歸父崔天秦小子愆次於城濮楚師背鄴而舍晉侯患之聽輿人之

誦曰

鄴戶圭及丘陵險阻名晉侯恐眾畏險故聽其歌誦

原田每每

平聲

舍其舊而新是謀

音媒高平曰原喻晉軍美盛若原田之草每每

然可以謀立新功不足念舊惠

輿人誦

國語曰晉惠公入而背内外之賂輿人誦之

曰惠公獻公庶子夷吾也外秦內里丕也與衆也不歌曰誦

佞之見佞叶稱果喪其田音與詐之見詐叶莊果喪其

賂得國而徃終逢其咎喪田不懲禍亂其興佞謂里丕詐謂秦見

佞見詐俱謂惠公也喪田喪賂謂不得其賂地徃怙也咎謂惠公敗與韓不懲謂丕鄭復欲與秦共納重耳惠公殺之

恭世子誦

國語晉惠公改葬共世子臭達于外國人誦

之曰共世子申生也獻公時申生葬不如禮故改葬之惠公烝於獻公夫人賈君故

申生臭達于外不欲為無禮者所葬也

貞之無報也孰是人斯而有是臭也貞為不聽信

為不誠國斯無刑媮居幸生不更厥貞大命其傾威兮

懷叶胡兮各聚爾有以待所歸兮猗兮違兮心之哀叶

兮歲之二七其靡有微兮若翟公子吾是之依兮鎮

撫國家為王妃兮貞正也以正葬之而不見聽也信心行之不見誠也刑法也言惠公偷竊

居位微幸而生威畏也懷思也言國人畏惠公思重耳也倚歎也違去也二七十四歲也微亡也靡有微者亦亡謂子圍也翟公子指重耳時出居於翟也言重耳當霸諸侯為王妃耦

朱儒誦一作歌

左傳襄公四年邾人莒人伐鄆臧紇救鄆敗

于狐駘國人誦之曰

臧之狐裘叶渠敗我於狐駘叶盈我君小子朱儒是使

之反我君小子朱儒是使

朱儒朱儒使我敗於邾

狐裘大夫之服襄公幼弱故曰小子滅絕短小故曰朱儒

軍中謠

魏畧曰太祖使盧洪趙達撫軍王刺舉軍中語曰

不畏曹公但畏盧洪曹公尚可趙達殺我

孫皓初童謠

文選補遺作揚州歌

晉書五行志曰吳孫皓初童謠按皓尋遷都武昌民泝流供給咸怨毒焉

寧飲建鄴水不食武昌魚寧還建業死不止武昌居

閣道謠

晉書曰潘岳才名冠世為眾所疾泰始十年出為河陽令而閣道不得志時尚書僕射山濤領吏部王濟裴楷等並為帝所親遇岳內非之乃題閣道為謠

閣道東有大牛王濟鞅裴楷鞞和嶠刺促不得休

世說曰山

公以器重朝望年踰七十猶知管時任貴勝年少若和裴王之徒並共宗詠有署閣柱曰閣東有大牛和嶠鞅裴楷鞞王濟剔剔不得休或曰潘尼作之竹林七賢論曰濤之處選非望路絕故貽是言

并州歌

亦見趙書

樂府廣題曰晉汲桑清河貝丘人力能扛鼎殘心少恩六月盛夏重裘累裊使十餘人扇之忽不清涼便斬扇者并州大姓田蘭薄盛斬於平原士女慶賀奔走道路而歌之

士為將軍何可羞六月重裊披狐一作豹裘不識寒暑斷

人頭雄兒田蘭為報讐中夜斬首謝并州

李波小妹歌

魏書曰廣平人李波宗族疆盛殘掠不已公私咸患百姓為之語曰——刺史李安世設

方畧誘波等殺
之州內肅然

李波小妹字雍容，褰裙逐馬如卷蓬。左射右射必疊雙，
婦女尚如此，男子安可逢。

大明中謠

南史曰：大明中有奚顯度者，為員外散騎侍郎，孝武嘗使主領人功，而苛虐無道，動加捶撻，暑雨寒雪不聽暫休，人不堪命。時建康縣考囚或用方材壓額及蹠脛，故民間有此謠。又相戲易及顧付奚度，其暴酷如此。

寧得建康壓額，不能受奚度拍。

將士謠

南史曰：宗越為將，性嚴酷，好刑誅。時王玄謨御下亦少恩，將士為之語曰：

寧作五年徒，不逐王玄謨。玄謨猶尚可，宗越更殺我。

古詩類苑卷之六十九終

古詩類苑卷之五
人音

歸仁山詩集卷之五
人音



國家圖書館, NATIONAL CENTRAL LIBRARY TAIWAN, R.O.C.

古詩類苑卷之七十

國家圖書館 NATIONAL CENTRAL LIBRARY, TAIWAN, R.O.C.

雲間張之象玄超纂輯

俞顯卿子如補訂

張所敬長輿

校正

俞顯謨子昭

王 頴玄跋

參閱

陳 甲伯子

人部

規戒

堯戒

淮南子人間訓堯戒曰

戰戰慄慄日謹一日人莫躓於山而躓於垤叶徒吉反

夏箴

汲冢周書文傳解曰文王受命九年維時暮春在鄙召太子發曰吾語汝所保所守厚德廣惠忠信愛人君子之行夏箴曰

中不容利民乃外次孔飛注夏禹之箴戒書也利在羊次舍于田

夏箴

汲冢周書文傳解曰開望曰土廣無守可襲伐土狹無食可圍竭二禍之來不稱之災天

有四殃水旱饑荒非務積聚何以備之夏箴

曰開望言書名也

小人無兼年之食遇天饑妻子非其有也大夫無兼年之食遇天饑臣妾與馬非其有也國君無兼年之食遇天飢百姓非其有也注古者國家三年耕必有二年之儲非其有言流亡也戒之哉弗思弗行至無日矣有十年之積者五年之積者霸無一年之積者亡

商箴見玉海

呂氏春秋名類篇商箴云

天降災布祥並有其職以言禍福人或召之也

虞箴

左傳曰魏莊子魏謂晉侯曰昔周辛甲之爲

太史命百官箴王闕於虞人之箴曰按古史辛甲武

王時太史也

芒芒禹跡畫爲九州經啓九道叶徒民有寢廟獸有茂

一作草各有攸處德用不擾叶烈在帝夷羿冒于

原獸叶如九反忘其國恤而思其麀牡武不可重去聲用

不恢于夏家叶交獸臣司原敢告僕夫

大正箴

汲冢周書嘗參解曰維四年孟夏之初祈禱於宗廟乃嘗參于太祖既假于太宗少宗少

祕于社太史文刑書九篇以升授太正闕一字

箴太正曰

欽之哉諸正敬功爾頌審二節無思民因順爾臨獄無頗正刑有掇夫循乃德式監不遠以有此人保寧爾國克戒爾服世世是其不殆維公咸若

商銘

國語郭偃曰商之衰也其銘有之謂銘也

嗛嗛之德不足就也不可以矜而祗取憂叶於也嗛嗛

之食不足狃也不能爲膏而祗離咎也嗛猶小也就歸就也食疎也狃

也

武王銘十七章俱見大戴禮

席四端銘四章

安樂必敬前左端銘無行可悔前右端銘一及一側亦不可不志

不志一作以殷監一作所監不遠視爾所代後右端銘

几銘

皇皇惟敬口口生垢口戕口盧氏曰几者人君出令所依故以言語為戒

鑑銘

見爾前盧爾後

盟盤銘

與其溺於人也寧溺於淵叶一均反溺於淵猶可游也溺於

人不可救也救叶居尤反盧曰日知所亡學者之功溺於民庶大人之禍故或以自新取戒或以

游溺為鑑也

楹銘

毋曰胡殘其既將然毋曰胡害叶暇其既將大叶特毋

曰胡傷其既將長真氏曰殘害也斯銘凡三反復蓋人情每忽於竊微而禍亂常生於隱伏

銘之於楹朝夕見之以敬以戒保於未危

杖銘

惡乎危於忿寔惡乎失道於嗜慾惡乎相忘於富貴真氏

曰忿寔怒也大易所貴懲忿窒慾逞忿者有危身之憂縱慾者有失道之辱杖之為物于以自持操之則安全

有賴舍之則顛踣可虞富貴奢淫易忘兢畏於杖為銘是或此義

百詩類苑卷之七

人部

四

三六九

帶銘

火滅脩容慎戒必恭恭則壽

盧曰雖夜解怠其容不可以苟帶於寢先釋故因言

之也王應麟曰非禮勿動闇不欺也莊敬日強壽之基也

履履銘

慎之勞勞則富

盧曰行慎躬勞躬勞終福論慎履亦財不匱也呂氏曰勤勞者立身為善之本

不勤不勞萬事不舉

觴豆銘

食自杖食自杖戒之僇

居妖反

僇則逃

盧曰無求醉飽自杖而已

戶銘

夫名難得而易失無勤弗志而曰我知之乎無勤弗及

而曰我杖之乎擾阻以泥之若風將至必先搖搖

叶夷周反

雖有聖人不能為謀也

一作技盧曰志識也杖立不可就故終失其名也搖搖無所託言有風則先因論人行亦然朱氏曰無勤弗志至擾阻以泥之皆所未詳要必有害於戶者若風將至此謂戶不固閉而動搖也

牖銘

隨天之時以地之財

叶前西反

敬祀皇天敬以先時

盧曰先祭時而

敬齋朱氏曰牖下齋祭之處也真氏曰天實生時地實生財而君用之敢昧自來祀以報本亦必先時匪物是貴將以敬之齊明盛服對越上帝於牖為銘朝夕是戒

劔銘

帶之以為服動必行德行德則興倍德則崩

盧曰以順誅也

弓銘

屈申之義廢興之行無忘自過

盧曰言得時也王應麟曰屈申之義以弓言廢

興之行以身言脩身在知其過

矛銘

造矛造矛少間弗忍終身之羞余一人所聞以戒後世

子孫

朱氏曰此本大戴禮然多闕衍舛誤姑存其舊

武王書銘二十章

以下見困學紀聞并玉海

太平御覽引太公金匱武王曰吾隨師尚父之言因為書銘隨身自誠

書冠

寵以著首將身不正遺為德咎

書履

行必慮正無懷僥倖

書劔

常以服兵而行道德行則福廢則覆

書車

自致者急載人者緩取欲無度自致而反

書鏡

以鏡自照則知吉凶

此與太公陰謀所載鏡銘畧同而彼義完美矣

書門

敬遇賓客貴賤無二

書戶

出畏之入懼之

書牖

闕望審且念所得可思所忘

書鑰

昏謹守深察訛

書硯

石墨相著而黑邪心讒言無得汙白

書鋒

忍之須臾乃全汝軀

書刀

刀利礧礧無為汝開

書井

原泉滑滑連旱則絕取事有常賦斂有節

几銘

以下二章見後漢書崔駰傳注引太公金匱曰吾欲造起用之戒請之以身

安無忘危存無忘亡孰惟二者後必無凶

杖銘

輔人無苟扶人無咎

衣銘

以下三章見後漢書朱穆傳注引太公陰謀

古詩原紀卷之三

人部

七

桑蠶苦女工難得新捐故後必寒

鏡銘

以鏡自照見形容以人自照見吉凶

觴銘

樂極則悲沉湎致非社稷為危

筆銘

以下二章見太平御覽引太公陰謀

毫毛茂茂

叶房反

陷水可脫陷文不活

箠銘

馬不可極民不可劇馬極則躓民極則敗

叶蒲昧反○困學記聞曰

蔡邕銘論謂武王踐祚咨於太師作席几楹杖器楹之銘十有八章參攷金匱陰謀之書則不止於十八章矣

書于篇後俾好古者有攷

金人銘

家語曰孔子觀周入后稷之廟有金人焉三

緘其口而銘其背曰一一孔子既讀斯文也

顧謂弟子曰小子識之此言實而中情而信

古之慎言人也戒之哉無多言多言多敗無多事多事

多患安樂必戒無行所悔勿謂何傷其禍將長勿謂何

害其禍將大勿謂不聞神將伺人焔焔不滅炎炎若何

涓涓不壅終為江河綿綿不絕或成網羅毫末不札將

尋斧柯誠能慎之福之根也口是何傷禍之門也強梁

者不得其死好勝者必遇其敵盜憎王人民怨其上君子知天下之不可上也故下叶音戶之知衆人之不可先也故後叶下五反之温恭慎德使人慕之執雌持下人莫踰之人皆趨彼我獨守此人皆惑之我獨不徙內藏我知不示人技我雖尊高人莫我害江海雖左長於百川以其卑也天道無親常與善人戒之哉

及金人銘

王 粲

君子亮直行不柔辟友賤不耻誨言是益我能發蹤彼用遠迹一言之賜過乎瓊壁末世不敦義與茲易而言匪忠退有其謫

同前

孫 楚

晉太廟有石人焉大張其口而書其曾曰我古之多言人也無少言無少事少言少事則後生何述焉夫唯立言名乃長久胡爲塊然生鉗其口凡夫貪財烈士殉名盜跖爲濁夷柳爲清鮑肆爲臭蘭圃爲馨莫貴澄清莫賤滓穢二者言異歸於一會堯懸諫鼓舜立謗木聽采風謠惟日不足道潤羣生化隆比屋末葉陵遲禮教彌衰承旨則順忤意則違時好細腰宮中皆飢時悅廣額下作細眉逆龍之鱗必陷斯機括囊無咎乃免誅夷顛覆厥德可爲傷悲斯可用戒無妄之時假說周廟於言

爲蚩是以君子追而正之

石人銘

浮休問目集云襄州穀城縣城門外道傍有石人焉刊其腹曰云云疑此亦同太廟金人城穀伯綏之國城門石人銘與此少異

磨甃鞬慎勿言

鞬一作堅西陽雜俎一作摩勿作莫

兩階銅人訓

潘岳

言之有臧託乎多士言之不臧絕之由已無曰莫傳宣于四海無曰莫聞響振萬里樞機之發榮辱之徵怨豈在大纖介是興

語箴

蘇彥

孔子曰余無言又曰天何言哉赫胥之世大庭之治玄風陶鼓率直放志熙熙羣動無欲無事逮于三季奔競茲彰雷動風駭飛辯雲翔戰國紛擾爭霸稱強爾乃遊說縱橫騁技時王銜刃懷毒吐膏示芳利動春露害重冬霜四紀若馳七都翦亡爰茲末俗扇風簸颺先意承旨原情察鄉擯爾籩豆和樂且康

贈第五永箴

高義方

文武將墜乃俾俊臣整我皇綱董此不虔古之君子即戎忘身明其果毅尚其桓桓呂尚七十氣冠三軍詩人

作歌如鷹如鷗天有太一五將三門地有九變丘陵山
川人有計策六奇五間總茲三事謀則咨詢無日已能
務在求賢淮陰之勇廣武是尊周公大聖石碣純臣以
威克愛以義滅親勿謂時儉不正其身勿謂無人莫識
已貞忘富遺貴福祿乃存枉道依合復無所觀先公高
節越可永遵佩藏斯戒以厲終身

清誠

前人

天長而地久人生則不然又不養以福祿全其壽年飲
酒病我性思慮害我神美色伐我命利慾亂我真神明
無聊賴愁毒於衆煩中年棄我逝忽若風過山形氣各

分離一往不復還上士愍其痛抗志凌雲烟滌蕩穢
累邈任自天然退脩清以淨存吾玄中玄澄心剪思慮
泰清不受塵恍惚中有物希微無形端智慮赫赫盡谷
神綿綿存

誠子詩

漢書取前十
可爲東方贊

東方朔

明者處世莫尚于中優哉游哉於道相從首陽爲拙柳
惠爲工飽食安步以仕代農依隱玩世詭時不逢才盡
身危好名得華有羣累生孤貴失和遺餘不匱自盡無
多聖人之道一龍一蛇形見神藏與物變化隨時之宜
無有常家

戒子孫詩

韋玄成

漢書曰元帝即位以玄成為少府遷太子太傅至御史大夫永光中代于定國為丞相數黜十年之間遂繼父相位封侯故國榮當世焉玄成復作詩著復玷缺之難難因以戒示孫子

於肅君子既令儀德服此温恭棣棣其則咨予小子既德靡逮曾是車服荒嫚以隊明明天子俊德烈烈不遂我遺恤我九列我既茲恤惟夙惟夜畏忌是申供事靡情天子我監登我三事顧我傷隊爵復我舊我既此登望我舊階先後茲度漣漣孔懷司直御事我熙我盛羣公百僚我嘉我慶于異卿士非同我心三事惟艱莫我

肯矜赫赫三事力雖此畢非我所度退其罔日昔我之隊畏不此居基庶反今我度茲戚戚其懼唯一作嗟我後人命其靡常靖共爾位瞻仰靡荒慎爾會同戒爾車服無媮爾儀以保爾域爾無我視不慎不整我之此復惟祿之幸於戲後人惟肅惟栗無忝顯位以蕃漢室

在鄒詩

韋孟

微微小子既耆且陋豈不牽位穢我王朝王朝肅清唯俊之庭顧瞻余躬懼穢此征我之退征請于天子天子我恤矜我髮齒赫赫天子明哲且仁懸車之義以洎小臣嗟我小子豈不懷土庶我王寤越遷于魯既去禰祖

惟懷惟顧祁祁我徒戴負盈路爰臯于鄒翳茅作堂翳

同我從一作徒我環築室于墻我既遷逝心存我舊夢我

瀆上立于王朝其夢如何夢爭王室其爭如何夢我王
弼寤其外邦嘆其喟然念我祖考泣滄其漣微微老夫
咨既遷絕洋洋仲尼視我遺烈濟濟鄒魯禮義唯恭誦
習絃歌于異他邦我雖鄙耆心其好而我徒侃爾樂亦
在而

座右銘

嚴遵

夫疾行不能遁影大音不能掩聲默然託蔭則影響無
因常體卑弱則禍患無萌口舌者禍患之門滅身之斧

言語者天命之屬形骸之部出失則患入言失則亡身
是以聖人當言而懷發言而憂如赴水火履危臨深有
不得已當而後言嗜慾者潰腹之矛貨利者喪身之仇
嫉妬者亡軀之害讒佞者刎頸之兵殘酷者絕世之殃
陷害者滅嗣之塲淫戲者殫家之塹嗜酒者窮餒之藪
忠孝者富貴之門節儉者不竭之源吾日三省傳告後
嗣萬世勿遺

同前

崔瑗

無道人之短無說己之長施人慎勿念受施慎勿忘俗
譽不足慕唯仁爲紀綱隱身而後動謗議庸何傷無使

名過實守愚聖所臧柔弱生之徒老氏誠剛強在涅貴
不緇曖曖内含光硜硜鄙夫介悠悠故難量慎言節飲
食知足勝不祥行之苟有恒久久自芬芳

同前

卞蘭

重階連棟必濁汝真金寶滿室將亂汝神厚味來殃艷
色危身求高反墜務厚更貧閑情塞欲老氏所珍周廟
之銘仲尼是遵審慎汝口戒無失人從容順時和光同
塵無謂冥漠人不汝聞無謂幽冥處獨若羣不爲福先
不與禍隣守玄執素無亂大倫常若臨深終始惟純

申三復贊

戴逵

嗜好深則天機淺名利集則純白離如此故識鑒逾昏
驕淫彌太心與慎乖則理與險會然後役智以御險履
險以逃害故陰陽寇其內人力攻其外陰陽結則金石
爲之消人事至則雖智不足賴若然者雖翠幄華堂焉
得而康之列鼎重味焉得而嘗之

度關山

曹操

天地間人爲貴立君牧民爲之軌則車轍馬跡經緯四
極黜陟幽明黎庶繁息於鑠賢聖總統邦域封建五爵
井田刑獄有燔丹書無普赦贖皋陶甫侯宋書作刑何有失
職嗟哉後世改制易律勞民爲君役賦其力舜漆食器

畔者十國不及唐堯采掇不斷世歎伯夷欲以厲俗侈
惡之大儉爲共德許由推讓豈有訟曲兼愛尚同疏者
爲戚

右一曲魏
晉樂所奏

六言十首

嵇康

惟上古堯舜

二人功德齊均不以天下私親高尚簡樸茲順寧濟四
海蒸民

唐虞世道治

萬國穆親無事賢愚各自得志晏然逸豫內忘佳哉爾
時可喜

知慧用

爲法滋章寇生紛然相召不停大人玄寂無聲鎮之以
靜自正

名與身孰親

哀哉世俗徇榮馳騫竭力喪精得失相紛憂驚自是勤
苦不寧

生生厚昭答

金玉滿堂莫守古人安此麓醜獨以道德爲友故能延
期不朽

名行顯患滋

位高勢重禍基美色伐性不疑厚味腊毒難治如何貪人不思

東方朔至清

外以貪汙內貞穢身滑稽隱名不爲世累所撓所欲不足無營

楚子文善仕

三爲令尹不喜柳下降身蒙耻不以爵祿爲己靜恭古惟二子

老萊妻賢名

不願夫子相荆相將避祿隱畊樂道閒居採萍終厲高

節不傾

嗟古賢原憲

棄背膏粱朱顏樂此屢空飢寒形陋體逸心寬得志一世無患

秋胡行四首

本集題曰重作四言詩

嵇康

富貴尊榮憂患諒獨多富貴尊榮憂患諒獨多古人所懼豐屋蔀家人害其上獸惡網羅惟有貧賤可以無他歌以言之富貴憂患多

貧賤易居貴盛難爲工貧賤易居貴盛難爲工耻佞直言與禍相逢變故萬端俾吉作凶思牽黃犬其計莫從

樂府作其歌以言之貴盛難爲工

勞謙寡悔忘信可久安勞謙寡悔忠信可久安天道害

一作惡盈好勝者殘彊梁致災多事一無事字招禍患欲得安

樂獨有無愆集作慙歌以言之忠信可久安

役神者弊極欲疾枯役神者弊極欲疾枯顏回短折不
及童烏縱體淫恣莫不早徂酒色何物今自不辜歌以
言之酒色令人枯

雜詩三首

應璩

細微可不慎隄潰自蟻穴一作隙腴理早從事安復勞鍼

石哲人覩未形愚夫闇明白齒突不見賓焦爛爲上客

思願獻良規江海倘不逆狂言雖寡善猶有如鷄跖一作

脇雞跖食不已齊王爲肥澤

散騎常師友朋疑作朝夕進規獻侍中主喉舌萬機無不

亂尚書統庶事官人乘疑作秉法憲彤管弭納言貂璫表

武弁出入承明廬車服一何煥三寺齊榮秩百僚所瞻

願

少壯面目澤長老顏色麤麤醜人所惡拔白自洗蘇闕

百一詩三首

前人

下流不可處君子慎厥初名高不宿著易用受侵誣前

者隳官去有人適我閭田家無所有酌醴焚枯魚問我

何功德三入承明廬所占於此土是何仁智居文章不
經國筐篋無尺書用等稱才學往往見歎譽避席跪自
陳賤子實空虛宋人遇周客慙媿靡所如

年命在桑榆東岳與我期長短有常會遲速不得辭斗
酒多爲樂無爲待來茲室廣致疑陰臺高來積陽柰何
季世人侈靡在宮墻飾巧無窮極土木被朱光徵求傾
四海雅意猶未康

子弟可不慎慎在選師友師友必長德中才可進誘

丹陽集曰楚國先賢傳百應慶作百一詩譏切時事
漏以示在事者皆怪愕以爲應焚棄之及觀文選所
載濠百一篇畧不及時事又郭茂倩雜體詩載百一
詩五篇皆步所作百篇言馬十侯解音律而以陌上

桑爲鳳將雛二篇傷毀桑二老無以葬妻子而已無
宣孟之德可以調其急三篇言老人自知桑榆之景
斗酒自勞不肯爲子孫積財末篇卽文選所載是也
第四篇似有風諫所謂句欲娛耳目快心樂痕腸我
躬不悅懼安能慮死亡此豈非所謂應焚棄之詩乎
方是詩曹爽事多違法據爲爽長史切諫其失如此
所謂百一者庶幾百
分有一補於爽也

聊作百一體

何遜

靈輒困桑下於陵拾李螬歷齒方嗟賤灸背豈知豪備
畊乏旅力倚市憚劬勞曠日無豆飡方冬缺緼袍清旦
開蓬葦舉目想煎熬樞機慎僕隸媒藥畏朋曹萬途皆
自僻一事豈他衰匆匆昨不定負杖出蓬蒿逢施同溝
壑值設乃糠糟生途稍冉冉逝水日滔滔咸言等木石

誰當出羽毛

遠戍勸戒詩

繁欽

肅將王事集此揚土凡我同盟旣文旣武郁郁桓桓有
規有矩務在和光同塵共垢各竟其心爲國蕃輔閭閻
行行一作行行非法不語可否相濟闕則云補

凡百箴

梁武帝

凡百衆庶爾其聽之事無大小先當熟思思之不熟致
成反覆其心不定不可施令是曰亂常是曰敗政非止
辱身亦喪厥命勿恃爾尊驕慢淫昏勿謂爾貴長夜流
醉日不恒中月盈則虧復邪念正居安思危莫言爾賤

而不受命君子小人本無定性莫言人微而以自輕水
清照淨表直影端近取諸身無假遠觀猗歟哲人勿謂
斯難

君子行

沈約

良御惑燕楚妙察亂澠淄隄傾由漏塞垣隙自危基罌
途或妄踐黨義勿輕持

同前

戴嵩

畫野依德星開鄗對廉水接越稱交讓連樹名君子數
非唯二失升階無三止探旣不疑塵正冠還避李寄言
遠伯玉無爲嗟獨耻



古詩類苑卷之七十終

五十一

古詩類苑卷之七十一

雲間張之象玄超纂輯

俞顯卿子如補訂

張所敬長輿

校正

俞顯謨子昭

王 頴玄弢

叅閱

陳 甲伯子

人部

諷刺

五子歌

夏書太康尸位以逸豫滅厥德黎民咸貳乃盤游無度畋于有洛之表有窮後羿因民弗忍距于河厥第五人御其母以從後于洛之汭五子咸怨述大禹之戒以作歌

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民慄乎若朽索之馭六馬爲人上者柰何不敬訓有之內作色荒外作禽荒甘酒嗜音峻宇雕墻有一于此未或不亡

惟彼陶唐有此冀方今失厥道

左傳作行亂

其紀綱乃底滅

亡

明明我祖萬邦之君有典有則貽厥子孫叶關石和鈞王府則有荒墜厥緒覆宗絕祀叶養里反

嗚呼曷歸予懷之悲萬姓仇予予將疇依鬱陶乎予心顏厚有忸怩弗慎厥德雖悔可追

夏人歌

韓詩外傳云桀爲酒池糟隄縱靡靡之樂一鼓而牛飲者三千人羣臣皆相持而歌尚書大傳曰夏人飲酒醉者持不醉者不醉者持醉者而歌曰盍歸乎薄薄亦大矣伊尹退而

更日覺兮較兮吾大命格兮去不善而從善
何不樂兮薄湯之都也

江水沛叶兮舟楫敗叶兮我王廢兮趣音促歸於薄一作亭

樂兮樂兮四牡躑叶兮六轡沃叶兮去不善而從善何
不樂兮

庚癸歌

左傳魯哀公十三年公會單平公晉定公吳
夫差于黃池吳申叔儀作歌乞糧於公孫有
山氏有山氏對曰梁則無矣粗則有之若登

首山以呼曰庚癸乎則諾註軍中不得出糧故為私隱庚西方

主穀癸北方生水傳言吳子不與土共飢渴所以取亡也

佩玉纒兮余無所繫之昔酒一盛兮余與褐之父睨去聲

崇然服飾備也己獨無以為繫佩言吳王不恤下盛一器也褐寒賤之人言但視不得飲

野人歌

左傳宋朝與衛夫人南子會于洮野人歌之

既定爾婁豬古音遮盍歸吾艾豨婁豬求子豬以喻南子艾豨喻宋朝艾老也豨

音加牡豕也

暇豫歌

國語曰晉優施通于驪姬姬欲害申生而難

里克優施乃飲里克酒中飲優施起舞曰

一里克笑曰何謂苑何謂枯優施曰其母為

夫人其子為君可不謂苑乎其母既死其子

又有謗可不謂枯乎枯且有傷里克懼乃定

中立之計

暇豫之吾吾讀如魚不如鳥鳥人皆集於苑已獨集於枯

暇聞豫樂也吾吾不敢自親之貌言里克欲為暇豫事君之道反不敢自親吾吾然其智魯不如鳥鳥苑茂木也巴里克也喻人皆與夷齊克獨與申生也

去魯歌一作師乙歌

孔子

史記曰孔子相魯齊人遺女樂季桓子受之

三日不聽政郊又不致膳俎于大夫孔子遂

行宿乎屯而師已送曰夫子則非罪孔子曰

吾歌可夫歌曰一一桓子聞之曰夫子罪我

以羣婢故也史記樂書仲尼正樂以誘世作五章以刺時索隱曰孔子詩曰

優哉游哉聊以卒歲此五章之刺

彼婦之口可以出走彼婦之謁可以死敗叶蒲蓋家語

優哉游哉維家語以卒歲王肅曰言婦人之口請謁

出走也仕不遇故且優游以終歲

接輿歌二見

論語楚狂接輿歌而過孔子曰列仙傳曰陸通者楚狂接

輿也好養生遊諸名山嘗遇孔子而歌曰一一後入蜀在峨嵋山中也

鳳兮鳳兮何德之衰往者不可諫來者猶可追已而已而今之從政者殆而殆叶養里切

莊子曰孔子適楚楚狂接輿遊其門曰

鳳兮鳳兮何如德之衰也來世不可待往世不可追也

天下有道聖人成焉謂可以成功天下無道聖人生焉全生而已

方今之時僅免刑焉福輕乎羽叶羽反莫之知載禍重乎

地莫之知避已乎已乎臨人以德叶都本反已止也以德自尊而臨人也

殆乎殆乎畫地而趨叶音促言迷陽迷陽無傷吾行吾

行卻曲無傷吾足困與紕聞曰胡明仲云荆楚有草叢生條野人呼為迷陽其膚多刺故

曰無傷吾行無傷吾足

菜芑歌

史記田常成子與監止俱為左右相相齊簡

公田常心害監止監止幸於簡公權弗能去

於是田常復脩釐子之政以大斗出貸以小

斗收齊人歌之曰

嫗乎菜芑歸乎田成子劉知幾史通曰田常見在而遠呼以謚此之不實昭然可見

蜀國風

華陽國志曰漢安帝時巴郡太守連失道國人風之

明明上天下土是觀帝選元后求定民安孰可不念禍

福由人願君奉詔惟德日親

智士譏語

桓譚新論曰淳于髡至鄰家見其竈突之直而積薪在傍謂曰此且有火使為曲突而徙薪鄰家不聽後果焚其屋鄰家救火乃滅烹羊具酒謝救火者不肯呼髡智士譏之曰一益傷其賤本而貴未也

曲突徙薪無恩澤焦頭爛額為上客

疾邪詩二首

趙壹

壹恃才倨傲為鄉黨所擯後屢抵罪幾至死友人救得免壹作疾邪賦中歌此二詩○詩品曰元叔散憤蘭蕙指斥囊錢苦言切句良亦勤矣斯人也而有斯困悲夫

河清不可俟人命不可延順風激靡草富貴者稱賢文

籍雖滿腹不如一囊錢伊優北堂上翫辭倚門邊

勢家多所宜欬唾自成珠被褐懷金玉蘭蕙化為芻賢者雖獨悟所困在羣愚且各守爾分勿復空馳驅哀哉復哀哉此是命矣夫

引里語

崔寔

政論曰每詔書所欲禁絕雖重懇惻罵詈極筆猶復廢捨終無悛意故里語曰

州郡記如霹靂得詔書但掛壁

桓帝末京都童謠

後漢書五行志曰按易曰拔茅連茹以其彙征吉茅喻羣賢也井者法也于時中常侍管霸蘇康憎疾海內英哲與長樂少府劉翊太常許永尚書柳分尋穆史佚司隸唐珍等代

作唇齒河內宰川詣闕上書汝穎南陽上采
虛譽專作威福甘陵有南北二部三輔尤甚
由是博考黃門北寺始見廢閣茅田一項者
言羣賢多也中有井者言雖阨窮不失其法
度也四方纖纖不可整者言姦慝大熾不可
整理嚙復嚙者京都飲酒相強之辭也言食
肉者鄙不卹王政徒耽宴飲歌呼而已也今
年尚可者言但禁錮也後年饒者陳寶被誅
天下大壞

茅田一項中有井四方纖纖不可整嚙復嚙今年尚可

後年饒

風俗通
作饒

城上烏童謠

後漢書五行志曰桓帝之初京師童謠按此
皆為政貪也城上烏尾畢逋者處高利獨食
不與下共謂人主多聚斂也公為史子為徒
者言蠻夷將畔逆父既為軍吏其子又為卒

徒往擊之也一徒死百乘車者言前一人往
討胡既死矣後又遣百乘車往車班班入河
間者言桓帝將崩乘輿班班入河間迎靈帝
也河間姪女工數錢以錢為室金為堂者靈
帝既立其母永樂太后好聚金以為堂也石
上慊慊春黃梁言永樂唯積金錢慊慊常若
不足吏人春黃梁而食之也梁下有懸鼓我
欲擊之丞卿怒者言永樂主教靈帝使賣官
受錢所祿非其人天下忠篤之士怨望欲擊
懸鼓以求見丞卿主鼓者亦復諂順怒而止
也

城上烏尾畢逋公為史子為徒一徒死百乘車車班班
入河間河間姪女工數錢以錢為室金為堂石上慊慊
春黃梁梁下有懸鼓我欲擊之丞卿怒

蜀國刺

五言詩

入邪

七

華陽國志曰孝桓帝時河南李盛仲和為郡守貪財重賦國人刺之曰

狗吠何諠諠有吏來在門披衣出門應府記欲得錢語窮及請期吏怒反見尤旋步顧家中家中無可與思往往鄰貸鄰人以言遺錢錢何難得今我獨憔悴

桓靈時童謠

後漢書曰桓帝之世更相濫舉人為之謠

舉秀才不知書察孝廉父別居

又見抱朴子

舉秀才不知書舉孝廉父別居寒素清白濁如泥高第

良將怯如鼯譚苑醍醐云泥音涅鼯音篋鼯或音審則泥當音墜古音例無定也晉書作怯如雞

益不得其音而改之

順帝末京都童謠

後漢書五行志曰按順帝即世孝質短祚大將軍梁冀貪樹疏勿以為已功專國號令以瞻其私太尉李固以為清河王雅性聰明敦詩悅禮加以屬親立長則順置善則固而冀建白太后策免固徵蠡吾侯遂即至尊固是月幽斃于獄暴屍道路而太尉胡廣封安樂鄉侯司徒趙戒封亭侯司空袁湯安國亭侯云

直如弦死道邊曲如鉤反封侯

京師謠

後漢黃琬傳云舊制光祿三四省郎以高功九次才德尤異者為茂才異行時權富子弟以人事得舉而貧約守志者以窮迫見遺京師為之謠

欲得不能光祿茂才能乃來切

竈下養

東觀漢紀曰更始在長安中為之語曰

竈下養中郎將爛羊胃騎都尉爛羊頭關內侯

作奏

邯鄲氏笑林曰桓帝時有人辟公府掾者倩人作奏記文人不能為作因語曰梁國豈龔者先善為記文自可為用不煩更作遂從人言寫記文不去龔名姓府公大驚不答而罷歸故時人語曰

作奏雖工宜去龔龔

李鱗甲

江表傳曰諸葛亮表都尉李嚴嚴少為郡職吏用性深越苟利其身鄉里為嚴諺曰

難可狎李鱗甲

幼輿謠

晉紀曰謝鯤王澄之徒慕竹林諸人散首披髮裸袒箕踞謂之八達故鄰家女折其兩齒世為謠曰

任達不已幼輿拆齒

惠帝永熙中童謠

晉書五行志曰惠帝永熙中童謠時楊駿專權楚王用事故言荆筆楊版二人不誅則君臣禮悖故云幾作驢也

二月末三月初荆筆楊版行詔書宮中大人一作馬幾作

貂不足

晉書曰趙王倫僭位諸黨皆登卿相並列大封其餘同謀者咸超階越序不可勝紀至於奴卒廝役亦加爵位每朝會貂蟬盈坐時人諺曰

貂不足狗尾續

蜀人謠二首

晉書曰羅尚字敬之一名仲太康末為荊州刺史及趙甄反于蜀乃假尚節為平西將軍益州刺史尚性貪少斷蜀人謠曰

尚之所愛非邪則佞尚之所憎非忠則正富擬魯衛家
成市里貪如豺狼無復極已

蜀賊尚可羅尚殺我

著布謠

晉書曰齊王冏字景治趙王倫篡位冏起義兵誅之拜大司馬加九錫政皆決之而恣用羣小不復朝覲時人謠曰
一一遂為長沙王所誅

著布袒腹為齊持服

五樓

晉書載記曰慕容越時公孫五樓為侍中尚書專總朝政王公內外無不憚之尚書都令史王儼謠事五樓遷尚書郎出為濟南太守入為尚書左丞時人為之語曰

欲得侯事五樓

王彭祖謠

晉書曰王浚永嘉中進大司馬加侍中大都督督幽冀諸軍事會京洛傾覆浚大樹威令專權橫恣
時童謠曰

幽州城門似藏戶中有伏尸王彭祖有狐踞府門翟雉入聽事

棗郎謠

見王浚傳

十囊五囊入棗郎

棗嵩浚之子婿也浚聞責嵩而不能罪之也

鳳凰歌

宋書五行志曰晉海西公生皇子百姓歌之其歌甚美其音甚微海西公不男使左右向龍與內侍接生子以爲已子

鳳凰生一雛天下莫不喜本言是馬駒今定成龍子

石城謠

南史曰袁粲謀舉兵誅齊高帝褚淵發其謀粲兵敗遇害而淵獨輔政于時百姓語曰

可憐石頭城寧爲袁粲死不作褚淵生

東昏時百姓歌

金陵志曰齊東昏侯卽臺城閱武堂爲芳樂苑山石皆塗以彩色跨池水立紫閣諸樓觀又于苑中立店肆以潘妃爲市令又作土山開渠立埭下苑中時百姓歌云

閱武堂種楊柳至尊屠肉潘妃沽酒

宋時謠

南史曰宋時用人垂實有謠云

上車不落爲著作體中何如作秘書

童謠

南史曰齊高帝輔政袁粲劉彥節王蘊等皆不同而沈攸之又稱兵反粲蘊雖敗攸之尚存卞彬意猶以高帝事無所成乃謂帝曰比聞謠——公頗聞不時蘊居父憂與粲同死故云尸著服也服者衣也孝子不在日代哭者褚子也彬謂沈攸之得志褚彥回當敗故言哭也列管謂蕭也高帝不悅及彬退曰彬自作此

可憐可念尸著服孝子不在日代哭列管暫鳴死滅族

禾絹謠

南史宋明帝時阮佃夫楊運長王道隆皆擅威權言為詔敕郡守令長一缺十除內外混然宮以賄命王阮家富公室中舍人胡母顯專權奏無不可時人語曰——禾絹謂上也

禾絹閉眼諾胡母大張橐

懊儂曲歌

齊王仲雍

南齊書王敬則傳曰敬則絲功封尋陽郡公出為會稽太守明帝既多殺害自以高武舊臣心懷憂恐諸子在都上遣敬則世子仲雍入東安慰之仲雍善彈琴當時新絕江左有蔡邕焦尾琴在土衣庫上勅五日一給仲雍仲雍於御前鼓琴作懊儂曲歌帝愈猜愧後敬則竟以反誅

常歎負情儂郎今果行許

疑即前曲我與歡一首韻語陽秋又有後二句皆闕文也

君行不淨心那得惡人題

南州歌

南史曰江革為尋陽太守清嚴為屬城所憚正直自居不與共籤趙道智坐道智還都啓事誣奏革墮事好酒以瑯琊王曇聰代為行事南州士庶為之語曰

故人不道智新人佞散騎莫知度不度新人不如故

梁童謠

南史曰臨賀王正德與侯景同逆其後梁室傾覆既由正德百姓至聞臨賀郡名亦不欲道童謠一

惡之如此

虎入市不欲見臨賀父子

採蓮諷

江從簡

樂府廣題曰梁太尉從事中郎江從簡年十七有才思時何敬容為宰相從簡為採荷調以刺之敬容攬之不覺嗟賞愛其巧麗

欲持荷作柱荷弱不勝梁欲持荷作鏡荷暗本無光

刺讒詩

陽固

北史曰宣武末中尉王顯當權固每直言其過以此銜固又有人間之顯因奏固免官遂闔門自守作刺讒疾雙幸詩二首

巧佞巧佞讒言興兮營營習習似青蠅今以白為黑在汝口兮汝非蝮蠱毒何厚兮巧佞巧佞一何工矣司閭司忿言必從矣朋黨噂喑自相同矣浸潤之譖傾人壙矣成人之美君子貴焉攻人之惡君子愧焉汝何人斯譖毀日繁予實無罪何騁汝言番番緝緝讒言側入君子好讒如或弗及天疾讒說汝其至矣無妄之禍行將及矣泛泛游鳧弗制弗拘行藏之徒或智或愚維余小子未明茲理毀與行俱言與釁起我其懲矣我其悔矣

豈求人兮思恕在已

疾倖詩

前人

彼諂諛兮人之蠹兮刺促昔粟罔顧耻辱以求媚兮邪
干側入如恐弗及以自容兮志行偏小好習不道朝挾
其車夕承其輿或騎或徒載奔載趨或言或笑曲事親
要正路不由邪徑是蹈不識大猷不知話言其朋其黨
其徒實繁有詭其行有佞其音遽際戚施邪媚是欽既
讒且詬以逞其心是信是任亂是北史作以多其始不
慎末如之何習習宰詬營營無極梁丘寡智王鮒淺識
伊戾息夫異世同力江克趙高甘言似直豎刁上官擅

生羽翬乃如之人僭爽其德豈徒喪邦又亦覆國嗟爾
中下其親其昵不謂其非不覺其失好之有年寵之有
日我思古人心焉若疾百凡君子宜其慎矣覆車其一作
之鑒近可信矣言既備矣事既至矣反是不思維塵及
矣

長安謠

北史曰崔弘度隋仁壽中為太府卿性嚴酷
官屬百工莫敢欺隱時有屈突蓋為武侯車
騎亦嚴刻長
安為之語曰

寧飲三斗醋不見崔弘度寧灸三斗艾不逢屈突蓋

周初童謠

隋書五行志曰周初有童謠按靜帝隋氏之甥既遜位而崩諸舅強盛

白楊樹頭金雞鳴裁一作抵有阿舅無外甥

送別詩

無名氏

楊柳青青著地垂楊花漫漫攪天飛柳條折盡花飛盡

借問行人歸不歸

崔瓊東虛記云此詩作於大業末年實指煬帝巡遊無度縉紳瘁况已甚

下逮閭閻而佞人曲士播弄威福欺君上以取榮貴上二句盡之又謂民財窮窘至是方有五子之歌之憂而

望其返國也

貝州語

隋書庫狄士文授貝州刺史法令嚴肅吏人股戰有京兆韋焜為貝州司馬河東趙達為

清河令二人並苛刻唯長史有惠政時人為

之語曰一一上聞而歎曰士文之暴過於猛

獸竟坐死

刺史羅刹政司馬蝮虵曠長史含笑判清河生喫人

古詩類苑卷之七十一終



國家圖書館, NATIONAL CENTRAL LIBRARY, TAIWAN, R.O.C.



古詩類苑卷之七十二

雲間張之象玄超纂輯

俞顯卿子如補訂

張所敬長輿

校正

俞顯謨子昭

王頴玄弢

參閱

陳甲伯子

人部

諷諫

優孟歌

史記滑稽傳楚相孫叔敖病且死屬其子曰
若貧困若往見優孟居數年其子窮困負薪
逢優孟曰我孫叔敖子也父死時屬我貧困
往見優孟孟卽爲孫叔敖衣冠抵掌談語歲
餘像孫叔敖楚王置酒優孟前爲壽莊王大
驚以爲孫叔敖復生也欲以爲相優孟曰楚
相不足爲也孫叔敖爲楚相盡忠爲廉王得
以伯今死其子貧困負薪以自飲食必如孫
叔敖不如自殺因歌曰——莊王乃召孫叔
敖子而封之浸丘

山居耕田苦難以得令起而爲吏貪鄙者餘財不顧耻
辱身死家室富又恐受賊枉法爲姦觸大罪身死而家
滅貪吏安可爲也念爲廉吏奉法守職竟死不敢爲非
廉吏安可爲也

風雅海篇曰按此無音韻重可而史以
爲歌者不可曉豈當時撰括轉與借歌
聲以成之歟史不能述其音世記其表也又曰劉子玄
譏此事之妄幻然此傳以滑稽名乃優孟自爲寓言耳

忼慨歌

一作是
商歌

文章流別孫叔敖碑曰叔敖臨卒將無棺槨令
其子曰優孟曾許千金貸吾孟故楚之樂長與
相君相善雖言千金實不貸也卒後數幸莊王
置酒以爲樂優孟乃言孫君相楚之功卽忼慨

高歌涕泣數行下若投首王王心感動覺悟問
孟孟具列對即來其子而加封焉

貪吏而可為而不可為廉吏而可為而不可為貪吏而不可為者當時有污名而可為者子孫以家成廉吏而可為者當時有清名而不可為者子孫困窮彼褐而負薪貪吏常苦富廉吏常苦窮叶頻眠反獨不見楚相孫叔敖廉潔不受錢

史記滑稽傳曰孫叔敖病且死屬其子曰貧困往見優孟後其子窮困負薪逢優孟與言孟曰無遠行時楚莊王欲以優孟為相對曰請與婦

人計之三日後優孟來王曰何如曰婦言無為楚相孫叔敖盡忠以治楚楚以得霸今死其子無立錫之地必如孫叔敖不如自殺王乃召孫叔敖子以四百戶奉其祀

諷諫詩

韋孟

漢書曰孟魯國人也家於宋城為楚元王傅傳子夷王及孫士成成荒淫不遵道孟作詩諷諫後遂去位他家又作一篇孟卒于鄭或曰其子孫好事述先人之志而作是也

肅肅我祖國自豕韋黼衣朱紱四牡龍旂彤弓斯征撫寧遐荒總齊羣邦以翼大商迭彼大彭勳績惟光至於

有周歷世會同王叔聽諧實絕我邦我邦既絕厥政斯
逸賞罰之行非繇王室庶尹羣后靡扶靡衛五服崩離
宗周以墜我祖斯微遷于彭城在予小子勤諉呼來許其二切
厥生阨此嫚秦耒耜斯耕悠悠嫚秦上天不寧乃眷南
顧授漢于京於赫有漢四方是征靡適不懷萬國攸平
乃命厥弟建侯于楚俾我小臣惟傅是輔矜矜元王恭
儉靜一惠此黎民納彼輔弼享國漸世垂烈于後乃及
夷王克奉厥緒一作次咨命不永惟王統祀左右陪臣斯
惟皇士如何我王不思守保不惟履冰以繼祖考邦事
是廢逸游是娛犬馬悠悠是放是驅務此鳥獸忽此稼

苗蒸民巨匱我王以媮所弘匪德所親匪俊唯圉是恢
唯諛是信踰踰諂夫譖誇黃髮如何我王曾不是察既
藐下臣追欲縱逸嫚彼顯祖輕此削黜嗟嗟我王漢之
睦親曾不夙夜以休令聞穆穆天子照臨漢書作臨下土
明明羣司執憲靡顧正遐由近殆其怙茲文選作茲怙嗟嗟
我王曷不斯思匪思匪監嗣其罔則彌彌其逸岌岌其
國致冰匪霜致墜匪嫚瞻惟我王時漢書作時靡不練興國
收顛孰違悔過追思黃髮秦繆以霸歲月其徂年其逮
耆於赫漢書作赫君子庶顯于後我王如何曾不斯覽音黃
髮不近胡不時鑒

諷諫詩二首

趙整

高僧傳曰正性好幾諫無所迴避苻堅末年寵惑鮮卑情於治政正因歌諫曰昔聞孟津河堅動容曰是朕也又歌曰北園有一樹堅笑曰將非趙文業耶

昔聞孟津河千里作一曲此水本自清是誰攪令濁拾遺

作亂使濁

北園有一拾遺樹布葉垂重陰外雖饒棘刺內實有赤心

諫歌

前人

晉孝武帝寧康二年冬十二月秦王堅與慕容垂夫人段氏同輦遊于後庭宦官趙整歌曰一一堅改容謝之命夫人下俸

不見雀來入鷺室但見浮雲蔽白日

諷真定公二首

鹿念

北史曰念為真定公元子直國中尉恒勸以忠廉之節嘗賦五言詩一一子直少有令聞念欲善其終故以諷焉

嶧山萬丈樹雕鏤作琵琶由此材高遠絃響藹中華
援琴起何調幽蘭與白雪絲管韻未成莫使絃響絕

示諭

示周祖謝三郎

周續之祖企謝景夷

陶淵明

負病頽簷下終日無一欣藥石有時閑念我意中人相
去不尋常道路邈何因周生述孔業祖謝響然臻道喪

古詩類苑卷十一 人部
向千載今朝復斯聞馬隊非講肆校書亦已勤老夫有所愛思與爾為隣願言誨諸子從我潁水濱

西州直示同員

何遜

日長禁戶倦卽事思短晨漏盡唱聲急此理復傷人矛盾交爲論光壁帶成珍誓將收飲啄得得任心神

入西塞示南府同僚

前人

露清曉風冷天曙江晃一作爽薄雲巖際出初月波中上黯黯連嶂陰騷騷急沫響迴棹急礙浪羣飛爭戲廣伊余本羈客重睽復心賞望鄉雖一路懷歸成二想在昔愛名山自知謹獨往情游乃落魄得性隨怡養年事

以蹉跎生平任浩蕩方還讓夷路誰知羨魚網

示程伯達

胡叟

北史本傳曰叟入沮渠牧健牧健遇之不重叟乃爲詩示所知冀平程伯達其畧曰

羣犬吠新客佞暗排疎賓直途旣已塞曲路非所遵望衛惋祝鮀盼楚悼靈均何用宣憂懷託翰寄輔仁

示封中錄二首

似吃語詩

庾信

貴館居金谷關扃隔藁街冀君見果顧郊間光景佳高階旣激澗廣閣更交柯葛巾久垂角菊逕簡經過

言

大言

梁昭明太子

觀脩鷗其若轍鮒視滄海之如濫觴經二儀而跼蹐跨六合以翱翔

細言

前人

坐臥鄰空塵憑附蟭螟翼越咫尺而三秋度毫釐而九息

大言應令

沈約

隘此大汎庭方知九垓局窮天豈彌指盡地不容足

細言應令

前人

開館尺椳餘築榭微塵裏蝸角列州縣毫端建朝市

大言應令

王錫

欲遊五岳迫不得申杖千里之大鱣橫海之鱗

細言應令

前人

冥冥藹藹離朱不辯其實步蝸角而三伏經針孔而千日

大言應令

王規

俯身望日入下視見星羅八風而爲氣吹四海而揚波

細言應令

前人

針鋒於焉止息髮秒可以翱翔蛟眉深而易阻蟻目曠而難航

大言應令

張纘

河流既竭日月俱騰且羅微物動落雲鵬

細言應令

前人

遨遊蟻目辨輕塵蚊睫成宇蝨如輪

大言應令

殷鈞

一作均字季和陳郡長平人歷東宮學士國子祭酒

噫氣為風揮汗成雨聊灼戴山龜欲持探邃古

細言應令

前人

汎舟毛滴海為政蝸牛國逍遙輕塵上指辰問南北

了語

火燒平原無遺燎

顧愷之

白布纏棺豎旒旒

桓玄

投魚深淵放飛鳥

殷仲堪

危語

矛頭浙米劍頭炊

桓玄

百歲老翁攀枯枝

殷仲堪

井上轆轤臥嬰兒

顧愷之

嘲戲

爾汝歌

孫皓

孫皓字元宗一名彭祖大皇帝孫也景帝崩皓嗣位為晉所滅封歸命侯○世說新語曰

晉武帝問孫皓聞南人好作爾汝歌頗能為不皓正飲酒因舉觴勸帝曰一一帝悔之

昔與汝為鄰今與汝為臣上汝一杯酒令汝壽萬春一作

願汝壽千春

效孫皓爾汝歌

王歆之

南史曰河東王歆之嘗為南康劉邕相素輕邕後歆之與邕俱與元會並坐邕謂歆之曰卿昔見臣今能見勸一杯酒否歆之因勸孫皓歌答之

昔為汝作臣今與汝比肩既不勸汝酒亦不願汝年

嘲友人

李克

同好齊歡愛纏綿一何深子既識我情我亦知子心燕婉歷年歲和樂如瑟琴良辰不我俱中闊似商參爾隔

北山陽我分南川陰嘉會罔克從積思安可任目想妍麗姿耳存清媚音脩晝興永念遙夜獨悲吟逝將尋行役言別泣沾巾願爾降玉趾一顧重千金

嘲府僚詩

何長瑜

宋書曰何長瑜為臨川王記室參軍嘗於江陵寄書與族人何勗以韻語序臨川州府僚之云一一如此五六句輕薄少年遂演而廣之時人十並為品目盡加劇言苦句其文流行臨川怒以白太祖除為廣州曾城令

陸展染鬢一作髮欲以媚側室青青不解久星星行復

出

戲題劉孺手板

梁武帝

南史曰武帝宴壽光殿詔羣臣賦詩時劉孺與張率並醉未成武帝取孺手板題戲之曰張率東南美劉孺洛陽才攬筆便應就何事久遲回

贈何記室聯句不成

江革

龍鱗無復彩鳳翅於茲鍛疇昔似翩翩今辰何乙乙

答江革

何遜

日余乏文幹逢君善草札工拙既不同神氣何由拔

又贈何記室

江革

刻猴雖言巧辨對今知章且欣共卮酒勿道濫衣裳

又答江革

何遜

棘端雖非譬至妙安可量要知同罔象然始見毫芒

嘲劉郎

前人

房櫳滅夜火窻戶映朝光妖女褰帷去躑躅初下牀雀
釵橫曉鬢蛾眉艷宿粧稍聞玉釧遠猶憐翠被香寧知
早朝客差池已鴈行

嘲羅羅

隋煬帝

帝嘗醉遊羅羅殿宮婢羅羅者羅羅羅畏帝如神敢迎帝帝乃嘲之曰

箇人無賴是橫波黛染隆顱簇小蛾幸好畱儂伴成夢
不畱儂往意如何

應詔嘲司花女

虞世南

隋遺錄曰煬帝幸江都洛陽人獻合帶迎輦花帝令御車女袁寶兒持之號司花女時詔

百詩類苑卷七

三四五

世南草勅於帝側寶兒注視久之帝曰昔傳飛燕可掌上舞今得寶兒方昭前事然多慙能今注目於卿卿可便

學畫鴉黃半未成垂肩暎袖太慙生緣慙却得君王惜長把花枝傍輦行

解嘲

邊韶

續漢書邊孝先以文學知名教授數百人韶曰辯曾晝假臥弟子嘲之曰邊孝先腹便便懶讀書但欲眠韶

邊為姓先為字腹便便五經笥但欲眠思經事寐與周公通夢坐與孔子同意師而可嘲出何典記

瑤光寺諺語

世宗宣武皇帝所立椒房學道之所掖庭美人並在其中亦有名族處女來儀此寺永安三年余朱兆入洛縱兵大掠時有秀容胡騎數十人瑤光寺媼穢自後頗獲譏訕京師語曰

洛陽男兒急作學瑤光寺尼奪作婿

詩類苑卷之七十二終



古今圖書集成

人事典

卷一百一十五

三

古詩類苑卷之七十三

雲間張之象玄超纂輯

俞顯卿子如補訂

張所敬長與校正

俞顯謨子昭

王頌玄弢

陳甲伯子

參閱

人部

祖道

祖道應令

王濬

國家圖書館, NATIONAL CENTRAL LIBRARY, TAIWAN, R.O.C.

侯誰在矣東宮誥誥曰保曰傅弘道維新前疑協衡顧
問翼輪豈伊張仲專美前津渙乎唐德欽在四鄰齊軌
上葉永垂清塵

洛水祖王公應詔

何劭

穆穆聖王體此慈仁友于之至通于明神遊宴綢繆情
戀所親薄云餞之于洛之濱嵩崖巖巖洪流湯湯春風
動衿歸鴈和鳴我后饗客鼓瑟吹笙舉爵惟別聞樂傷
情嘉宴既終白日西歸羣司告旋鸞輿整綬我皇重離
頓轡驂駢臨川永歎酸涕沾頤崇恩感物左右同悲

侍皇太子祖道楚淮南二王 王 讚

於明聖晉仰統天緒易以明險簡以識藝文阻研彼羣
慮俾侯授土郁郁二王祗承皇命睹離鑿親觀禮知盛
皇儲降會延于公姓瞻彼行役並憇同林分塗殊軌靡
不迴心

征虜亭祖王少傅

孔法生

昔人鑒殆辱解紱揚歸舫真感屬神慮高興襲天情闕

之馮翊祖道詩

孫 楚

舉翮撫三秦抗我千里目念當隔山河執觴懷慘毒

祖道詩

前人

仰天惟龍御地以驥利有攸往不期而至

祖道征西應詔詩

張華

赫赫大晉奄有萬方陶以仁化曜以天光貳跡陝西實
在我王內飪玉鉉外惟鷹揚四牡揚鑣玄輅振綬庶寮
羣后餞飲洛湄感離嘆悽慕德遲遲

祖道趙王應詔詩

前人

崇選穆穆利建明德一作明明於顯穆親時惟我王稟姿自
然金質玉相光宅舊趙作鎮冀方休寵曲錫備物煥彰
發軔上京出自天邑百寮餞行縉紳具集軒冕峩峩冠
蓋習習戀德惟懷永嘆弗及

祖道畢雍孫劉邊仲潘正叔

陸機

皇儲延髦俊多士出幽遐適值一作遂時來運與子遊承
華執笏崇賢內振纓層城阿畢劉贊文武潘生蒞邦家
感別懷遠人願言歎以差

太尉王公以九錫命大將軍讓公將還京邑祖

餞贈此詩六章

陸雲

列文辟公時惟哲王闡縱絕期平顯幽光內實慎徽緝
熙有臧出紕方慝間督不揚高山峻極天造芒芒
天子念功大典光備肅肅王命宰臣蒞事穆矣淵讓遺
功遂志思我遠猷德音孰嗣

后命既靈王人反旆興言出祖飲餞于邁於旄泱泱輶

軒藹藹和風弭塵清暉映蓋

思樂中陵言觀其川公王戾止有車麟麟伊誰云饗我有嘉賓羽觴舉酌酢爾征人

悠悠征人四牡駢駢發軫北京振策紫微昔乃云來春林方輝歲亦暮止之子言歸道途興戀伏載稱微

聖澤既渥嘉會愔愔庭旅鐘鼓堂有瑟琴飛轡清暉扶桑移蔭視景祗慕揮袂沾襟變彼同栖悲爾異林我有旨酒以歌以吟

大安二年夏四月大將軍出祖王羊二公於城

南堂皇被命作此詩六章 前人

時文惟晋天祚有祥聖宰作弼受言既臧有赫斯庸勳格昊蒼景物台暉棟隆玉堂

惟常思庸大興光迪聖敬遠躋神道玄邈思媚三靈誕膺天篤嘉命既辱王人言告

翼翼王人言告惟慕公輿駕言乃眷斯顧華旂飛藻鳴鸞振路駢駢駟牡噓天載步

我有高夏如雲斯薈彫軒戾止薄言嘉會問誰在宴惟俊惟乂豐俎殷薦獻酌交泰

攸攸昊天南正興言朱明有曄萬葉翠繁昌雲垂天凱風熙顏王臣在此貽宴于權

懸象西頽虞淵納景嘉樂未晞嚴駕已整行矣征人身
乖路永飛驂顧懷華蟬引領遺思北京結轡臺省

送

送應氏詩二首

魏陳思王

步登北邙阪遙望洛陽山洛陽何寂寞宮室盡燒焚垣
墻皆頓擗荆棘上參天不見舊耆老但覩新少年側足
無行徑荒疇不復田游子久不歸不識陌與阡中野何
蕭條千里無人烟念我平常居一作平生氣結不能言
清時難屢得嘉會不可常天地無終極人命若朝霜願
得展嬾婉我友之朔方親昵並集送置酒此河陽中饋

豈獨薄賓飲不盡觴愛至望苦深豈不愧中腸山川阻
且遠別促會日長願為比翼鳥施翮起高翔

送許從詩

李 充

來若迅風歡逝如歸雲征離合理之常聚散安足驚

送桓竟陵

卞 裕

翰城將孰寄懷人應斯蒞餞行陵高阜怡衿睦景氣闕

征虜亭餞王少傅

范廣泉

掛冠東門閭歸褐西唐足結轍塵高衢祖供懸長檠
卿辭輦路疏傅知殆辱素德燭光塵玄軌芳前覺

送盧景宣詩

潘 尼

揚朱焉所哭岐路重別離屈原何傷悲生離情獨哀知
命雖無憂倉卒意低迴歎氣從中發灑淚隨襟頽九重
不常鍵閫闔有時開愧無貯衣獻貽言取諸懷

送二王在領軍府集詩 謝 混

苦哉遠征人將垂萃余室明窻通朝暉絲竹盛蕭瑟樂
酒輟今辰離端起來日

送東陽太守詩 殷仲文

昔人深誠嘆臨水送將離如何祖良遊心事孱在斯虛
亭無留賓東川緬逶迤

於王撫軍座送客 陶淵明

秋日淒且厲百卉具已腓爰以履霜節登高餞將歸寒
氣冒山澤游雲倏無依洲渚思綿邈風來互垂違瞻夕
欲良讌離言聿云悲晨鳥暮來還懸車斂餘暉逝止判
殊路旋駕悵遲遲目送圓舟遠情隨萬化遺

幸中興堂餞江夏王詩 宋孝武帝

送行悵川逝離酌偶歲陰陰雲掩懽緒江山起別心

送盛侍郎餞候亭 鮑 照

霜霧襲冠帶驅駕越城闔北臨出塞道南望入鄉津高
墉宿寒霧平野起秋塵君爲坐堂子我乃負羈人欣悲
豈等志甘苦誠異身結涕園中草憔悴悲此春

和沈右率諸君餞謝文學 謝朓

春夜別清樽江潭復為客嘆息東流水如何故鄉陌重
樹日芬藍芳洲轉如積望望荆臺下歸夢相思夕

餞謝文學離夜 沈約

漢池水如帶巫山雲似蓋澗汨背吳潮潺湲橫楚瀨一
望沮漳水寧思江海會以我徑寸心從君千里外

同前 王融

所知共歌笑誰忍別笑歌離軒思黃鳥分渚夢青莎翻
情結遠旆灑淚與行波春江夜明月還望情如何

同前 劉繪

汀洲千里芳朝雲萬里色悠然在天隅之子去安極春
潭無與窺秋臺誰共陟不見一佳人徒望西飛翼

同前 虞炎

差池鷺始飛羃屨草初輝離人悵東顧遊子愴西歸清
潮已駕渚溽露復沾衣一垂當春聚方掩故園扉

同前 范雲

陽臺霧初解夢渚水裁綠遠山隱且見平沙斷還續分
絃饒苦音別唱多悽曲爾拂後車塵我事東臯粟

同前 蕭琛

執手無還顧別渚有西東荆吳眇何際烟波千里通春

筍一作筍方解籜弱柳向低風相思將安寄悵望南飛鴻

餞謝文學離夜

謝朓

玉繩隱高樹斜漢耿層臺離堂華燭盡別幌清琴哀翻
潮尚知恨客思眇難裁山川不可盡况乃故人杯

同前

江孝嗣

石泉行可照蘭杜向含風離歌上春日芳思徒以空情
遽曉雲發心在夕何終幽琴一罷調清醕誰復同

同前

王侍常

月没高樓曉雲起扶桑時燭筵緩無色行住閱相悲當
軒已疑念况乃清江湄懷人忽千里誰緩鬢徂絲

餞庾仲容

梁昭明太子

梁書曰仲容先為太子舍人後除安成王中
記室當出隨府皇太子以舊恩特降餞宴賜
詩時輩榮之

孫生陟陽道吳子朝歌縣未若樊林華一作舉置酒臨高
殿

餞廬陵內史王脩應令

梁簡文帝

餞行臨上節開筵命羽觴迴池瀉飛棟濃雲垂畫堂疎
槐未合影及日暫流光園梅斂新藻一作艷階蕙結初芳

送柳吳興竹亭集

吳均

平原不可望波瀾千里直夕魚汀下戲暮雨簷中息白

雲時去來青峯復負側躑躅牛羊下晦昧崦嵫色王孫
猶未歸且聽西光匿

同柳吳興何山

湖州山名

集送劉餘杭

前人

王孫重離別置酒峯之畿逶迤川上草參差澗裏薇輕
雲紉遠岫細雨沐山

一作單

衣簷端水禽息窻上野螢飛

君隨綠波遠我逐清風歸

同柳吳興烏亭集送柳舍人

前人

河陽一悵望南浦送將歸雲山離曉暎花霧共依霏流
連百舌哢下上陽禽飛桂舟無淹柅玉軫有離徽願君

嗣蘭杜時採東臯薇

送呂外兵

前人

白雲浮海際明月落河濱送君長太息徒使淚沾巾

餞張惠紹應令

劉孝綽

鮮雲積上月凍雨晦初陽迴風飄淑氣落景煥新光竹
萌始防露桂挺已含芳瑤階變杜若玉沼發攢蔣聖襟
惜岐路曲宴闌蘭堂

送殷何兩記室

王僧孺

掩袖出南浦驅車送上征飄飄曉雲駛漾漾旦潮平不
肖余何惜無貲爾勿輕儻有還書便一言訪死生

錢張孝總應令

庾肩吾

江上早寒生蕭條
鏡管清別筵
開帳殿離舟
卷幔城前
山黃葉起對岸
白沙驚臨渦
同極望竊吹愧才輕

新林送劉之遴

前人

旆轉黃山路舟纒
白馬津送輪時
合幘分驟各背塵
常山喜臨岱隴頭
悲望秦欲持漢中策
還以贈征人

相送

何遜

客心已百念孤遊
重千里江暗雨欲來
浪白風初起

侍宴樂遊苑送張徐州應詔詩

丘遲

詰旦闐闐開馳道
聞鳳吹輕蕙承玉輦
細草藉龍騎風
遲山尚響雨息雲猶積
巢空初鳥飛
荇亂新魚戲
寔爲北門重
匪親孰爲寄
參差別念舉
肅穆恩波被
小臣信多幸
投生豈酬義

侍宴樂遊苑餞呂僧珍應詔 沈約

丹浦非樂戰負重切
君臨我皇秉至德
忘已用堯心
愍茲區宇內
魚鳥失飛沉
推轂二嶠道
揚旆九河陰
超乘盡三屬
選士皆百金
戎車出細柳
餞送遵一作樽上林命

師誅後服授律緩前禽
函輟方解帶
曉武稍披襟
代罪芒山曲
弔民伊水潯
將陪告成禮
待此未抽簪

侍宴樂遊苑餞徐州刺史應詔

前人

沃若動龍驂參差凝鳳管金塘草未合玉池泉將滿

幸玄武湖餞吳興太守任惠 陳後主

寒雲輕重色秋水去來波待我戎衣定然送大風歌

江津送劉光祿不及 陰鏗

依然臨送渚長望倚河津鼓聲隨聽絕帆勢與雲隣泊
處空餘鳥離亭已散人林寒正下葉釣晚欲收綸如何
相背遠江漢與城闈

奉送始興王

前人

良守別承明枉道暫逢迎去帆守錦紵一作歸騎指蘭

城紛糺連山暗瀑浚派水清桂晚花方白蓮秋葉始輕
背飛傷客念臨岐憫聖情分風不得遠何由送上征

送庾羽騎抱

鄭公超

舊宅青山遠歸路白雲深遲暮難爲別搖落更傷心空
城落日影迴池浮雲陰送君自有淚不假聽猿吟

送周尚書弘正二首 庾信

交河望合浦玄菟想朱鳶共此無期別知應復幾年
離期定已促別淚轉無從惟愁郭門外應足數株松



國家圖書館, NATIONAL CENTRAL LIBRARY, TAIWAN, R.O.C.

古詩類苑卷之七十三終

古詩類苑卷之七十三終
八音
三十三
馬

古詩類苑卷之七十四

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王 頰玄弢叅閱

陳 甲伯子

人部

別

別詩四首

蘇武

肉緣枝葉結交亦相因四海皆兄弟誰爲行路人况
我遠和柯與子同一身昔爲鴛與鴦今爲參與辰昔者
常相近邈若胡與秦惟念當乖離思情日以新鹿鳴思
野草可以喻嘉賓我有一尊酒欲以贈遠人願子畱斟
酌敘此平生親

結髮爲夫妻恩愛兩不疑歡娛在今夕燕婉及良時征
夫懷往路起視夜何其基音參辰皆已沒去去從此辭行
役在戰場相見未有期握手一長歎淚爲生別滋努力
愛春華莫忘歡樂時生當復來歸死當長相思玉堂新

別妻

黃鵠一遠別千里顧徘徊胡馬失其羣思心常依依何
况雙飛龍羽翼臨當乖幸有絃歌曲可以喻中懷請爲
遊子吟泠泠一何悲絲竹厲清聲慷慨有餘哀長歌正
激烈中心愴以摧欲展清商曲念子不得歸俛仰內傷
心淚下不可揮願爲雙黃鵠送子俱遠飛

燭燭晨明月馥馥我

補註曰當作秋

蘭芳芬馨良

一作長

夜發隨

風聞我堂征夫懷遠路遊子戀故鄉寒冬十二月晨起
踐嚴霜俯觀江漢流仰視浮雲翔良友遠別離各在天
一方山海隔中州相去悠且長嘉會難再遇歡樂殊未

央願君

一作

崇令德隨時愛景光

與蘇武詩三首

李陵

詩品曰李陵詩其原出於楚辭文多悲怨者之流陵名家子有殊才生命不諧身喪使陵不遭辛苦其文亦何能至此

良時不再至離別在須臾屏營衢路側執手野踟躕仰視浮雲馳奄忽互相踰風波一失所各在天一隅長當從此別且復立斯須欲因晨風發送子以賤軀攜手上河梁遊子暮何之徘徊蹊路側悵悵不能辭行人難久留各言長相思安知非日月弦望自有時

乃力

德皓首以為期

嘉會難再遇三載為千秋臨河濯長纓念子

一作

悵悠

悠遠望悲風至對酒不能酬行人懷往路何以慰我愁獨有盈觴酒與子結綢繆

別歌

李陵

漢書曰昭帝即位數年匈奴與漢和親漢使求蘇武等單于許武還李陵置酒賀武曰異域之人一別長絕因起舞而歌並下數行遂與武決

徑萬里兮度沙漠為君將兮奮匈奴路窮絕兮矢刃摧士衆滅兮名已隕老母已死雖欲報恩將安歸

擬蘇李詩十首

李陵錄別詩八首

無名氏

有鳥西南飛，矚矚似蒼鷹。朝發天北隅，暮聞日南陵。欲

寄一言去，一作託之牋綵繒。因風附輕翼，以遺心蘊蒸。

鳥辭路悠長，羽翼不能勝。意欲從鳥逝，駑馬不可乘。

爍爍三星列，拳拳月初生。寒涼應節至，蟋蟀夜悲鳴。晨

風動喬木枝，葉日夜零遊。子暮思歸塞，耳不能聽遠望。

正蕭條，百里無人聲。豺狼鳴後園，虎豹步前庭。遠處天

一隅苦困獨，零丁親人隨。風散歷歷如流星，三萍離不

結。思心獨屏營，願得萱草枝，以解饑渴情。

寂寂君子坐，奕奕合衆芳。溫聲何穆穆，因風動馨香。清

言振東序，良詩著西庠。乃命絲竹音，列席無高唱。悲意

何慷慨，清歌正激揚。長哀發華屋，四坐莫不傷。

晨風鳴北林，熠燿一作熠燿東南飛。願言所相思，日暮不垂

帷。明月照高樓，想見餘光輝。玄鳥夜過庭，髮髯能復飛。

褰裳路踟躕，彷徨不能歸。浮雲日千里，安知我心悲。思

得瓊樹枝，以解長渴饑。

陟彼南山隅，送子淇水陽。爾行西南游，我獨東北翔。猿

馬顧悲鳴，五步一徬徨。雙鳧相背飛，相遠日已長。遠望

雲中路，想見來圭璋。萬里遙相思，何益心獨傷。隨時愛

景曜，願言莫相忘。

鍾子歌南音，仲尼嘆歸與。戎馬悲邊鳴，遊子戀故廬。陽

鳥歸飛雲蛟龍樂潛居人生一世間貴與願同俱身無
四凶罪何爲天一隅與其苦筋力必欲榮薄軀不如及
清時策名於天衢

鳳凰鳴高岡有翼不好飛安知鳳凰德貴其來見稀
紅塵蔽天地白日何冥冥微陰盛殺氣淒風從此興招
搖西北指天漢東南傾嗟爾穹廬子獨行如履冰短褐
中無緒帶斷續以繩瀉水置瓶中焉辨淄與澠巢父不
洗耳後世有何稱

升菴詩話云見
脩文殿御覽

蘇武答詩二首

童童拙生柳寄根河水泥連翩遊客子于冬服涼衣去

家千里餘一身常渴饑寒夜立清庭仰瞻天漢湄寒風
吹我骨嚴霜切我肌憂心常慘戚晨風爲我悲瑤光游
河遠行願支荷一作
去何遲仰視雲間星忽若割長帷低頭
還自憐盛年行已衰依依戀明世愴愴難久懷

雙鳧俱北飛一鳧獨南翔子當留斯館我當歸故鄉一
別如秦胡會見何詎與愴恨切中懷不覺淚沾裳願子
長努力言笑莫相忘

古文苑題
別李凌

見挽船士兄弟辭別詩

魏文帝

舍我故鄉客將適萬里道妻子牽衣袂落淚沾懷抱

離友詩二首

并序

魏陳思王

鄉人有夏侯威者少有成人之風余尚其為人與之
昵好王師振旅送余於魏邦心有眷然為之隕涕乃
作離友之詩其辭曰

王旅遊兮背故鄉彼君子兮篤人綱
勝余行兮歸朔方
馳原隰兮尋舊疆車載奔兮馬繁驤
涉浮濟兮泛輕航
迄魏都兮息蘭房
展宴好兮惟樂康

涼風肅兮白露滋
木感氣兮條葉辭
臨淶水兮登重基
折秋華兮采靈芝
尋永歸兮贈所思
感離隔兮會無期
伊鬱悵兮情不怡
本集止載前一首今考藝文附入○
初學記載二句云日匿景兮天微陰
經迢路兮造北林
此別有一首也

別詩二首

應 瑒

朝雲浮四海日暮歸故山
行役懷舊土悲思不能言
悠悠涉千里未知何時旋

浩浩長河水九折東北流
晨夜赴滄海海流亦何抽
遠適萬里道歸來未有由
臨河累一作太息五內懷傷憂

同前

卞 裕

余弟適東邁眷戀將乖情
離別信吾事悽心相纏嬰

別歌

熊 甫

晉書曰錢鳳為王敦鎧曹叅軍知敦有不臣
之心相與朋搆專弄威權叅軍熊甫諫敦不
聽遂去歸
臨別歌曰

五言集卷第十四
八十五
六
三十七
宋
徂風颺起蓋山陵氛霧蔽日玉石焚往事既去可長嘆
念別惆悵復會難

離親詠

夏侯湛

剖符今南荆辭親今遐征發軔今皇京夕臻今泉亭撫
首今內顧按轡今安步仰戀今後塗俯歎今前路既感
物以永思今且歸身乎懷抱苟違親以從利今匪曾閔
之攸寶視微榮之瑣瑣今知吾志之愈小獨申愧於一
心兮慙報德之彌少

與廬陵王紹別

宋孝武帝

連歲分離心今茲幸良集信宿窮晨暮開顏披所載未

盡歡娛懷已傷岐路及舳艫引江介飛舟已情料
徒旅戒園樂流景入遲遲分手念泫泫登路泣

代收淚就長路

宋南平王鑠

聳轡高陵曲揮袂廣川濱黃塵昏白日悲風一作起浮
雲蕭條萬里別契濶三秋分時往從朝露年來驚夕氤
徘徊去芳節依遲從遠軍

夜集嘆乖

謝惠連

詩人詠踟躕搔首歌離別誠哉曩日歡展矣今夕切吾
生赴進令質明卽行轍在貧故宜言嚮子保溫惠暑用
書諸紳久要亮有誓

與孔曲阿別詩

前人

淒淒乘蘭秋言餞千里舟塗屈雲陽邑邑宰有昔遊行
人雖念路爲爾暫淹留

豫章行

前人

軒帆遡遙路薄送瞰遐江舟車理殊緬密友將遠從九
里樂同潤二華念分峯集歡豈今發離嘆自古鍾促生
靡緩期迅景無遲蹤緇髮迫多素憔悴謝華芊婉婉寡
畱晷窈窕閉淹龍如何阻行止憤愠結心曾旣微達者
度歡戚誰能封願子保淑慎良訊代微容

王撫軍庾西陽集別時爲豫章太守庾被徵還

東

集曰謝還豫章庾被徵還都
王撫軍送至盆口南樓作

謝瞻

祗召旋北京守官反五官南服方舟析舊知對筵曠明
牧舉觴矜飲餞指途念出宿來晨無定端別晷有成速
頽陽照通津夕陰曖平陸榜人理行臚輶軒命歸僕分
手東城闈發擢西江奧離會雖相雜逝川豈往復誰謂
情可書盡言非尺牘

代東門行

鮑照

傷禽惡弦驚倦客惡離聲離聲斷客情賓御皆涕零涕
零心斷絕將去復還訣一息不相知何況異鄉別遙遙

征駕遠杳杳，白日晚居人。掩閨臥行子，夜中飯野風。吹
草一作木行子心腸斷，食梅常苦酸。衣葛常苦寒，絲竹
徒滿座。憂人不解顏，長歌欲自慰。彌起長恨端。

與伍侍郎別

前人

民生如野鹿，知愛不知命。飲齧具攢聚，翹陸歛驚迸。傷
我慕類心，感爾食苹性。漫漫鄢郢途，渺渺淮海逕。子無
金石質，吾有犬馬病。憂樂安可言，離會孰能定。欽哉慎
所宜，砥德乃為盛。貧游不可忘，久交念敦敬。

與荀中書別

前人

勞舟厭長浪，疲旆倦行風。連翩感孤志，契濶傷賤躬。親
交篤離愛，眷戀置酒終。敷文勉征念，發藻慰愁容。思君
吟涉洧，撫已謠渡江。慙無黃鶴翅，安得久相從。願遂宿
知意，不使舊山空。

和傅大農與僚故別

前人

絕節無緩響，傷鴈有哀音。非同年歲意，誰共集作別離異
心。伊昔謬通塗，一作望冠屣預人林。浮江望南嶽，登潮窺
海陰。孰謂游居淺，慕美久相深。萋萋春草秀，嚶嚶喜候
禽。辰物盡明茂，尊盛獨幽沈。之子安所適，我方栖舊岑。
墜歡豈更接，明愛邈難尋。

別王丞僧孺

謝朓

首夏實清和餘春滿郊甸花樹雜爲錦月池皎如練如
何當此時別離言與宴畱雜已鬱紆行舟亦遙衍非君
不見思所悲思不見

與江水曹至干濱戲

前人

山中上芳月故人清樽賞遠山翠百重迴流映千丈花
枝聚如雪蕪絲散猶網一作垂藤散似網別後能相思何嗟異
封壤

別詩

張融

白雲山上盡清風松下歇欲識離人悲孤臺見明月

蕭諮議西上夜集

王融

徘徊將所愛惜別在河梁衿袖三春陽江山千里長寸
心無遠近邊地有風霜勉哉勤歲暮敬矣事容光山中
殊未憚杜若空自芳

生別離

梁簡文帝

別離四弦聲相思雙笛引一去十三年復無好音信

傷離新體新一作雜

前人

傷離復傷離別後情鬱紆悽悽隱去棹憫憫愴還途感
感意不申轉顧獨霑襟前驅經御宿後騎歷河漣胡香
翼還憶清笳送後塵落日斜飛蓋餘暉承畫輪柳影長
噴路槐枝深隱人桂宮夕掩銅龍扉甲館宵垂雲母幃

七言詩卷之七十四 人部
靡靡月色上的的夜螢飛草香襲余袂露灑沾人衣帶
堞凌城雲亂聚排枝度葉鳥爭歸盆中浮一作綠蟻不能
酌琴間玉徽調別鶴別鶴千里別離聲絃調軫急心自
驚試起登南樓還向華池遊前時篠生今欲合近日栽
荷尚不抽猶是銜杯共賞處今茲對此獨生愁登樓望
曖曖山川自分態偃師雖北連環轅已南背遠聽寂無
聞遙瞻目有閔含毫意不迷長嘆情無賴

春別應令四首

梁元帝

昆明夜月光如練上林朝花色如霞朝花夜月動春心
誰忍相思不相見

門前楊柳亂如絲直置佳人不自持適言新作裂紈詩
誰悟今成織素辭

日暮徙倚渭橋西正見流月與雲齊若使月光無近遠

應照離人今暝一作夜啼

試看機上交龍錦還瞻庭裡合歡枝映日通風影珠幔
飄花拂葉度金池不聞離人當重合唯悲合罷會成離

別詩二首

前人

別罷花枝不共攀別後書信不相關欲覓行人寄消息

衣一作依

常潮水暝應還

三月桃花合面脂五月新油好煎澤莫復臨時不寄人

謾道江中無估客

別席中兵

朱超道

數年共棲息一旦各聯翩莫論行近遠終是隔山川長
波漫不極高岫鬱相連急風亂還鳥輕寒靜暮蟬扁舟
已入浪孤帆漸逼天停車對空渚悵集作長望轉依然

別劉孝先

前人

疲痾積未瘳伏枕倦長愁復念夜分首江上值徂秋陰
凝變遠色落葉泛寒流繁霜積曉纜輕水繞夜舟屢踞
出兔苑引領望龍樓勿念荆臺側無爲戚情遊

應劉豫章別

江淹

清塵播嶠岫遠

被脩

代高行乃厲天俗

熊擘明懋散

才賢裂

分

堯甸音於

時秋永永江漢起殘烟獵獵風剪樹颯颯露傷蓮霞出
海中雲水發江上泉浸淫泉懷浦泛濫雲辭山洲渚一
揚袂殞意元氣前願效卷施草春華冬復堅

與崔錄事別兼敘攜手

何遜

去夏予回首言乃重行行今春遊瓜蒞訪子猶武城暫
別年愈半同歸月未盈復道中寒食彌留曠不平道術
旣爲務謹棕苦未并及爾沈痾愈值茲秋序明石磧泐
江靜沙流繞岸清川平看鳥遠水淺見魚驚逝將窮履

歷方欲恣逢迎何言聚易散鄉棹爾孤征我本倦遊客
心念似懸旌聞離常骨涕是別盡淒清一作情况此忘懷
地相愛猶弟兄脉脉畱南浦悠悠返上京欲鑷星星鬢
因君示友生

見征人分別

前人

淒淒日暮時親賓俱竚立征人拔劍起兒女牽衣泣候
騎出蕭關追兵赴馬邑且當橫行去誰論裹屍入

與胡興安夜別

前人

居人行轉軾客子暫維舟念此一筵笑分爲兩地愁露
濕寒塘草月映清淮流方抱新離恨獨守故園秋

車中見新林分別甚盛

前人

金谷賓遊盛青門冠蓋多隔林望行幃下阪聽鳴珂於
時春未歇麥氣始清和還入平原逕窮巷可張羅

別王謙

吳均

巖光不逐世流轉任飛蓬欲還天台嶺不狎甘泉宮離
歌玉絃絕別酒金卮空儻遺故人念僕在東山東

別夏侯故章

前人

白馬黃金羈青驪紫絲鞚新知關山別故人河梁送置
此一函書爲余達雲夢

征客

前人

公卿來悵別葭聲在狹斜玉樽浮雲蓋朱輪流水車
中懸明月劍杪照蓮花

別范安成

沈約

生平少年日分手易前期及爾同衰暮非復別離時
勿言一樽酒明日難重持夢中不識路何以慰相思

別蕭諮議

宗夬

別酒正參差垂情將陸離悵馬臨桂苑憫默瞻華池
輕雲流惠采時雨亂清漪眇眇追蘭逕悠悠結芳枝
眷言終何託心寄方在斯

同前

任昉

離燭有窮輝別念無終緒岐言未及申離目已先舉
揆景巫衡阿臨風長楸浦浮雲難嗣音徘徊悵誰與
儻有關外驛聊訪狎鷗渚

別詩二首

范雲

洛陽城東西長作經時別昔去雪如花今來花似雪
孤烟起新豐侯鴈出雲中草低金城霧木下玉門風
別君河初滿思君月屢空折桂衡山北摘蘭沅水東
蘭摘心焉寄桂折意誰通

壽陽還與親故別

吳均

故人來送別帳酒臨行汗露繁秋色慢氣愴噫聲煎鴈

渡重華國葉亂洞庭天復有向隅淚中腸皆涕漣但願
千丈松結景雲之峯山高日華早枝多風彩重我還愛
芳杜君住揖驪龍

秋日別庾正員

徐陵

征途愁轉旆連騎慘停鑣朔氣凌疎木江風送上潮青
雀離帆遠朱鷺別路遙唯有當秋月夜夜上河橋

別毛永嘉

前人

願子厲風規歸來振羽儀嗟余今老病此別空長離白
馬君來哭黃泉我詎知徒勞脫寶劍空掛隴頭枝

別南海賓化侯

江總

石關通越井瀟澗邇靈洲此地何遼夐羣英逐遠遊高
才袁彥伯令譽許文休悠焉值君子復此映芳猷嶠函
多險澁星壇壯環周分岐泣世道念別傷邊秋斷山時
結霧平海若無流驚鷺一羣起哀猿數處愁是日送歸
客爲情自可求終謝能鳴鴈還同不繫舟其如江海泣
惆悵徒離憂

別袁昌州二首

前人

河梁望隴頭分手路悠悠徂年若驚電別日欲成秋黃
鵠飛飛遠青山去去愁不言雲雨散更似東西流
客子嘆途窮此別異西東關山嗟墜葉岐路憫征蓬別

鶴聲聲遠愁雲處處同

別永新侯

前人

送君張掖郡分悲函谷關欲知腸斷絕浮雲去不還

賦得攜手上河梁應詔

前人

早秋天氣涼分手關山長雲愁數處黑木落幾枝黃鳥歸猶識路流去不知鄉秦川心斷絕何悟是河梁

別陸子雲

王褒

解纜出南浦征棹且凌晨還看分手處唯餘送別人中流搖蓋影邊江落騎塵平湖開曙日細柳發新春滄波不可望行雲聊共因

別王都官

前人

連翩瀾流客悽愴惜離羣東西御溝水南北會稽雲河橋兩堤絕橫岐數路分山川遙不見懷袖遠相聞

別張洗馬樞

庾信

別席慘無言離悲兩相顧君登蘇武橋我見楊朱路關山負雪行河水乘冰渡願子著朱鳶知余在玄菟

別周尚書弘正

前人

扶風石橋北面谷故關前此中一分手相逢知幾年黃鵠一反顧徘徊應愴然自知悲不已徒勞減瑟絃

重別周尚書二首

前人

陽關萬里道不見一人歸唯有河邊鴈秋來南向飛
河橋兩岸絕橫岐數路分山川遙不見懷袖遠相聞

別宋常侍

尹式

遊人杜陵北送客漢川東無論去與住俱是一飄蓬秋
鬢含霜白衰顏倚酒紅別有相思處啼鳥雜夜風

別徐永元秀才

孔紹安

金湯既失險玉石乃同焚墜葉還相覆落羽更爲羣豈
謂三秋節重傷千里分促離絃易轉幽咽水難聞欲識
相思處山川間白雲

別周記室

王

五里徘徊鶴三聲斷絕猿何言俱失路相對泣離樽別
意悽無已當歌寂不喧貧交欲有贈掩涕竟無言

別蔡參軍

庾抱

人世多飄忽溝水易西東今日歡娛盡何年風月同悲
生萬里外恨起一杯中性靈如未失南北有征鴻

別詩

鄭蜀賓

隋長壽年中有鄭州鄭蜀賓風流名士頗善
五言蹉跎鄉閭不求聞達垂掛冠選授江左
一尉臨去賓友祖饗至上東門留別曰
酒酣自詠聲調哀感合坐嗚咽卒於官時人
比之劉
庶之

畏途方萬里生涯近百年不知將白首何處入黃泉



古詩類苑卷之七十四終

古詩類苑卷七十四

七

古詩類苑卷之七十五

雲間張之象玄超纂輯

俞顯卿子如補訂

張所敬長輿

俞顯謨子昭 校正

王 頴玄弢 叅閱

陳 甲伯子

人部

送別

北芒送別王世胄詩

潘 岳



朱鑣旣揚四轡旣整駕言餞行告離芒嶺情有遷延日
無餘影迴轅南翔心焉北騁

送別王宣城

鮑照

發郢流楚思涉淇興與衛情旣逢青春獻復值白蘋生廣
望周千里江郊謁微明舉爵自惆悵歌管爲誰清穎陰
騰前藻淮陽流昔聲樹道慕高華屬路佇深磬

送從弟道秀別

前人

參差生密念躑躅行思悲思戀光景密念盈一作歲
時歲時多阻折光景乏安怡以此苦風情日夜驚懸旗
登山臨朝日揚袂別所思浸淫旦潮廣瀾漫宿雲滋天

吟懼先發路遠常早辭備詩後相憶杯酒今無持游子
苦行役冀會非遠期

臨溪送別

謝朓

悵望南浦時徙倚北梁步葉上涼風初日隱輕霞暮荒
城迴易陰秋溪廣難渡沫泣豈徒然君子行多露

答任殿中宗記室王中書別 梁武帝

武帝初仕齊爲隨王鎮西諮議參軍隨
王鎮荆州帝赴鎮時同列以詩送別

問我去何節光風正悠悠蘭華時未晏舉袂徒離憂緩
客承別酒鳴琴和好仇清宵一已曙貌爾泛長洲眷言
無歌緒深情附還旋音流

別蕭諮議

王延

霏雲承永夜，皓燭驚離軒。
執酒愴誰與，舉袖默無言。
忍茲君爲別，如此歲方暄。
年深北岫時，鳥思南國園。
江上愁別日，階下樹芳蓀。

別蕭諮議前夜以醉乖例今晝由醒敬應教

蕭琛

落日總行轡，薄別在江干。
遊客無淹期，晨川有急瀾。
分手信云易，相識誠獨難。
之子兩特達，伊余日盤桓。
俟我式微歲，共賞階前蘭。

送別

梁簡文帝

行行異沂海

海一作沂

依依別路岐，水苔隨纜聚。
岸柳拂舟

垂石菌生懸，葉江槎流臥。
枝燭盡悲宵，去酒滿惜將離。
無錫舅相送，銜涕別

江淹

心遠路已迴，意滿辭未陳。
曾風漂別葢，北雲竦征人。
杯酒憐歲暮，志氣非上春。
若無孤鳥還，瀝泣何所因。

送別

范雲

東風柳線長，送郎上河梁。
未盡樽前酒，妾淚已千行。
不愁書難寄，但恐鬢將霜。
望懷白首約，江上早歸航。

送沈記室夜別

前人

桂水澄夜氛，楚山清曉雲。
秋風兩鄉怨，秋月千里寒。

枝寧共採霜猿行獨聞捫蘿正意我折桂方思君

送別友人

沈約

君東我亦西銜悲涕如霰浮雲一南北何由展言宴方
作異鄉人贈子同心扇遙裔發海鴻連翻出簷燕春秋
更去來參差不相見

送別於建興苑相逢

庾肩吾

相逢小苑北停車問苑中梅新雜柳故粉白映綸紅去
影背斜日香衣臨上風雲流階漸黑米開池半通去馬
船難駐啼鳥曲未終眷然從此別車西馬復東

東西門行

此以應詔
爲贈之作

劉孝威

廣津寒欲歇聯檣密纜收天高匪近岫江濶少方舟
餞淚留神眷離欵切私儔佇變齊兒俗當傳楚獻囚徒然
頒並命祗慙思如抽

相逢狹路間

此亦賦
別之詩

劉孺

送君追遐路路狹暖朝霧三危上蔽日九折杳連雲枝
交憶不見聽靜吹纔聞豈伊歎道遠亦迺泣塗分况茲
別親愛情念切離羣

送別不及贈何殷二記室

朱記室

憑軾徒下淚裁書路已賒遠鼓依林響連檣倚岸斜山
開雲吐氣風憤浪生花卽此余傷別何倫爾望家二君

勗琬琰無使沒泥沙

送常司馬別

何遜

送別臨曲渚征人幕前侶離言雖欲繁離思終無緒
憫分手畢蕭蕭行帆舉舉帆越中流望別上高樓予起
南枝怨子結北風愁邈邈山蔽日洶洶浪隱舟隱舟邈
已遠徘徊落日晚歸衢並駕奔別館空筵卷想子斂眉
去知予銜淚返銜淚心依依薄暮行人稀曖曖入塘港
蓬門已掩扉簾中看月影竹裏見螢飛螢飛飛不息獨
愁空轉側北窻倒長簾南鄰夜聞織棄置勿復陳重陳
長歎息

新亭送別應令

徐陵

鳳吹臨伊水時駕出河梁野燎村田黑江秋岸荻黃隔
城聞上鼓迴舟隱去檣神襟愛一作憂遠別流睇極清漳

賦得隴頭送征客

周弘正

朝霜侵漢草流沙度隴飛一聞流水曲行住兩霑衣

送別裴儀同

王褒

河橋望行旅長亭送故人沙飛似軍幕蓬卷若車輪邊
衣苦霜雪愁一作秋貌損風塵行路皆兄弟千里念相親

應令

庾信

望別非新館開舟卽舊灣浦喧征棹發亭空送客還路

塵猶向水征帆獨背關

入關故人別

王褒

百年餘古樹千里聞黃塵關山行就近相看成遠人

送晉熙公別

尹式

太行君失路扶搖我退飛無復紅顏在空持一作將白首

歸色移三代服塵化兩京衣道窮方識命事去乃知非

西候追孫楚南津送陸機雲薄鱗逾細山高翠轉微氣

隨流水咽淚逐斷絃揮但令寸心密隨意尺書稀

送別秦王學士江溢

劉夢予

南史江總長子溢仕陳歷中書黃門侍郎人吟詩爲秦三文學子

百年風月意一旦死生分客心還送客悲我復悲君

送別

魯范

去留雖有異失路與君同何如拔心草還逐斷根蓬

送別

陳子良

落葉聚還散征禽去不歸以我窮途泣沾君出塞衣

同前

釋智才

鏡中辭舊識灞岸別新知年來未應老祇爲數經離

送蔡君知入蜀二首

知一作却

孔德紹

金陵已去國銅梁忽背飛失路遠相送他鄉何日歸

靈關九折險蜀道二星遙乘楂若有便希泛廣陵潮

贈竇蔡二記室入蜀

陳政一作

崑山積良寶大厦構衆材馬卿委官去鄒子背淮來風
流信多美朝夕豫平臺逸翮獨不羣清才復適上六輔
昔推名二江今振嚮通響英華雖外發磨琢終內朗四海
奮羽儀清風久播馳馳沈鬱材難厠青山翻易阻回首
望烟霞誰知暮儔侶飄然不繫舟爲情自可求若奉西
園夜浩想北園愁無因逐萍藻從爾泛清流

送金竟陵入蜀

崔信明

金門去蜀道王壘望長安豈言千里遠方尋九折難西
上君飛蓋東歸我挂冠猿聲出峽斷月彩落江寒從今

與君別花月幾新殘

宴別

餞別

梁簡文帝

行樂出南皮讌饌臨華池籜解篁開節花暗鳥迷枝窻
陰隨影度水色帶風移徒命銜杯酒終成憫別離

侍宴餞湘東王應令

庾肩吾

陳王從遊士高宴入承華並載同連璧雕文類簡沙落
猿時動樹墜雪暫搖花念此離筵促方愁別路賒

侍宴餞湘州刺史張續

前人

洞庭資善政層城送遠離九歌揚妙曲八桂動芳枝雨

足飛春殿雲峯入夏池郢路方遼遠湘山轉蔽虧何當
好風日極望長沙垂

侍宴餞東陽太守蕭子雲

前人

東部資良守北宮敦獻酬新枝漸接樹故凍欲含流早
花少餘雪春寒極晚秋徒嗟白岸遠空想赤松遊

同前

張纘

仲月發初陽輕寒帶春序淥池解餘凍丹霞霽新雨良
守謁承明徂舟戒蘭渚皇儲惜將邁金樽留宴醕

侍宴餞張孝總應令

庾肩吾

層臺臨迴漲耿耿晴烟上欲送分符人翻似河隄望寒

雲暗積水秋雨蒙重嶂別念動神襟華文切離貺慙無
寡和曲空陪郢中唱

侍宴餞陸倕應令

蕭子範

儲皇餞離送廣命傳羽觴侍遊追曲水開宴等清漳新
泉已激浪初卉始含芳雨罷葉增綠日斜樹影長

侍宴餞新安太守蕭幾應令

劉孺

芝殿延藁景畫室寫油雲玄覽多該洽聖思究前聞微
密探精義優游妙典墳飲餞參多士言贈賦新文

侍宴離亭應令

劉孝綽

輶轅東北望江漢西南承羽旗映日移鏡吹臨風警令

王愨追送纚舟宴俄頃掩袂眺征雲銜杯惜餘景首燕
徒有心局步何由騁

侍宴餞庾於陵應詔

前人

皇心眷將遠帳餞靈芝側是日青春獻林塘多秀邑芳
卉疑綸組嘉樹似雕飾遊綵綴鶯領光風送綺翼下輦
朝既盈留宴景將旻高辨競談端奇文爭筆力伊臣獨
無伎何用奉吹息

侍宴餞張惠紹應詔

前人

滄池誠自廣蓬山一何峻麗景花上鮮油雲葉裏潤風
度餘芳滿鳥集新條振餞言班俊造光私獎輜去徒然

謬反隅何以窺重仞

餞別自解

陳樂昌公主

今日何遷次新官對舊官笑啼俱不敢方信作人難

贈別

與殷晉安別

并序

陶淵明

殷先作晉安南府長史掾因居潯陽後作太尉叅軍
移家東下作此以贈

遊好非久長

一作少長

一過盡殷勤信宿酬清話益復知爲

親去歲家南里薄作少時鄰負杖肆游從淹留忘宵晨
語默自殊勢亦知當垂分未謂事已及興言在茲春飄

飄西來風悠悠東去雲山川千里外言笑難爲因才華
不隱世江湖多賤貧脫有經過便念來存故人

贈傅都曹別

鮑照

輕鴻戲江潭孤鴈集洲沚邂逅兩相親緣念共無已風
雨好東西一隔頓萬里追憶栖宿時聲容滿心耳落日
川渚寒愁雲繞天起短翮不能翔徘徊烟霧裏

贈別新林

吳均

僕本幽并兒抱劍事邊陲風亂青絲絡霧染黃金羈天
子旣無賞公卿竟不知去去歸去來還傾鸚鵡盃氣爲
故交絕心爲新知開但令寸心是何須銅雀臺

發湘州贈親故別三首

前人

相送出江潯淚下沾衣襟何用敘離別臨岐贈好音敬
通才如此君山學復深明哲遂無賞文華空見沈古來
非一日無事更勞心

雲生曉靄靄花落夜霏霏問余何意別蒼言倦遊歸徒
勞易水布空負洛陽衣懷金無人別抱玉遂成非安得
久留滯商山饒白薇

君留朱門裏我至廣江濱城高望猶見風多聽不聞流
蘋方繞繞落葉向一作向紛紛無由得共賞山川間白雲

贈王桂楊別三首

前人

昔聞楊伯起拖金

一作玉

振清風高華積海外名實滿山

東自有五都相非無四世公臨窻驚白日倚匣曳輕虹
願持鷓鴣羽歲暮依梧桐

客子慘無歡送別江之干白雲方渺渺黃鳥尚關關糾
紛巫山石合沓洞庭瀾行衣侵曉露征舫犯夜湍無因
停合浦見此去一作玄珠還

樹響浹山來猿

一作溪

聲繞岫急旅帆風飄揚行巾露沾

濕深浪闇蕪葭濃雲沒城邑不見別離人獨有相思泣

贈鮑春陵別

前人

落葉思紛紛蟬聲猶可聞水中千丈月山上萬重雲海

鴻來倏去林花合復分所憂別離意白露下霑裙

贈常記室黯別

何遜

故人儻送別停車一水東去帆若不見試望白雲中促
膝今何在銜杯誰復同水夜看初月江晚泝歸風無因
生羽翰千里暫排空

與沈助教同宿湓口夜別

前人

我爲潯陽客戒旦乃西游君隨春水駛鷄鳴亦動舟共
泛湓之浦旅泊次城樓華燭已消半更人數唱籌行人
從此別去去不淹留

與蘇九德別

前人

宿昔夢顏色咫尺思言偃疑作何況杳來期各在天一
面踟躇暫舉酒倏忽不相見春草似青袍秋月如團扇
三五出重雲當知我憶君萋萋若被逕懷抱不相聞

贈江長史別

前人

二紀歷茲辰投分敦遊處况事兼年德宴交無爾汝中
歲多乖違由來難具敘及君相藩牧伊予客梁楚出國
乃參差會歸同處所以茲篤惠好何用忘羈旅重得申
平生何年更睽阻籠禽恨跼促逸翮超容與餞道出郊
垆把袂臨州渚長飈落江樹秋月照沙渚遠送子應歸
棹開帆欲舉離舟謹未極別至悲無語安得生羽毛從

君入宛許

贈洗馬袁朗別

江總

賈誼登朝日終軍對奏年校文升廣內撫劍入崇賢奇
才殊艷逸將別更留連驅車命鏡管拱坐面林泉池寒
稍下鴈木落久無蟬露浸山扉月霜開石路烟高談無
與慰遲爾報華篇

贈別

庾信

藏啼留送別拭淚強相參誰言畜衫袖長代手中洽

同前

孫萬壽

昔我遊雲閣及爾謬同官高步參師友長裾接綺紈索

居方十載相思勞萬端不言今夕遇得盡故人歡酒隨
彭澤至琴卽武城彈高齊屏餘熱珍簾宿輕寒葉落霜
威重賞疎月色殘將歸動離恨彌傷行路難

酬別

酬聞人侍郎別三首

吳均

悵然心不樂萬里向悠悠凌朝憇枉渚薄暮遵江洲君
住青門上我發霸陵頭相思自有處春風明月樓一作明月

清風樓

整棹北川湄迴首望城邑林疎風至少山高雲度急共
懷萬里心各作千行泣欲見終無緣思君空佇立

舉首川之折

當作沂

離鴻四向飛子憐三湘薛

說文薛與薛同莎也

我憶五陵薇但使同嘉遁何必共輕肥思君美如玉不
覺淚沾衣

酬別江主簿屯騎

前人

有客告將離贈言重蘭蕙泛舟當泛濟結交當結桂濟
水有清源桂樹多芳根毛公與朱亥俱在信陵門趙瑟
鳳凰柱吳醵金罍樽我有北山志留連爲報恩夫君皆
逸翮搏景復凌鸞白雲閒海樹秋日暗平原寒蟲鳴趨
趨落葉飛翻翻何用贈分首自有北堂萱

酬別

前人

故人杯酒別天清，明月亮露下寒葭。中風起秋江，上衣

染潺湲泣。一作淚棹犯參差浪，七首直千金。七寶雕華裝

側亮反生離何用表，賴此持相餉。

任洛州酬薛文學見贈別 庾信

子居河之曲，英彥本連蹤。鹽形或變虎，鼎氣乍成龍。若
人承載德，宮墻定數重。五衢開辯路，四照起文烽。白余
濫推轂，民願始天從。上洛分都尉，弘農開附庸。羊腸連
九阪，熊耳對雙峯。白石仙人芋，青林隱士松。北梁送孫
楚，西堤別葛龔。故人倘書札，黎陽土足封。

留別

征西官屬送於陟陽侯作詩 孫楚

晨風飄岐路，零雨被秋草。傾城遠追送，餞我千里道。三
命皆有極，咄嗟安可保。莫大於殤子，彭聃猶爲夭。吉凶
如糾纏，憂喜相紛繞。五臣作擾天地爲我爐，萬物一何小。達
人垂大觀，誠此苦不早。乖離卽長衢，惆悵盈懷抱。孰能
察其心，鑒之以蒼昊。齊契在今朝，守之與偕老。

奉辭鎮西應教 王融

未學謝能筭，高義幸知遊。雷庭叅辨真，梁苑豫才鄒。徘徊
迴歲光，晚搖落江樹。秋風旗縈別，浦霜瑄迥遙州。

與尚書同僚詩 傅咸

非望之寵謬加于已猥授非據奄司萬里煌煌朱軒服
驥驟驟曄曄初星肅肅臣僕暉光顯赫衆目所屬斯之
弗稱匪榮伊辱質弱尚父受任鷹揚德非樊仲王命是
將百城或違無能有匡一州之矜將弛其綱得意忘言
言在意後夫惟神交可以長久我心之孚有盈于缶與
子偕老豈曰執手出司萬里一作牧彼朔濱服冕乘軒
六轡既均威風先邁百城肅震

古詩類苑卷之七十五終



古詩類苑卷之七十六

雲間張之象玄超纂輯

俞顯卿子如補訂

張所敬長興

俞顯謨子昭 校正

王 頰玄弢 參閱

陳 甲伯子

人部

遊覽

遊覽二首

陳 琳

國家圖書館 NATIONAL CENTRAL LIBRARY, TAIWAN, R.O.C.

高會時不娛羈客難爲心殷懷從中發悲感激清音投
觴罷歡坐逍遙步長林蕭蕭山谷風默默一作黯黯天路陰
惆悵忘旋反歎欷涕沾襟一作巾
節運時氣舒秋風涼且清閒居心不娛駕言從友生翺
翔戲長流逍遙登高城東望看疇野廻顧覽園庭嘉木
凋綠葉芳草織紅榮騁哉日月逝年命將西傾建功不
及時鐘鼎何所銘收念還房寢慷慨詠墳經庶幾及君
在立德垂功名

同前

棗據

矯足登雲閣相伴步九華徙倚憑高山仰攀桂樹柯延
首觀神州廻睛盼曲阿芳林挺脩幹一歲再三花何以
濟不朽噓吸漱朝霞重巖吐神溜傾觴挹涌波恢恢大
道間人事足爲多

於南山往北山經湖中瞻眺 謝靈運

朝旦發陽崖景落憩陰峯舍舟眺廻渚停策倚茂松側
逕旣窈窕環洲亦玲瓏俛視喬木杪仰聆大壑淙石橫
水分流林密蹊絕蹤解作竟何感升長皆丰容初篁苞
綠籜新蒲含紫茸海鷗戲春岸天鷄弄和風撫化心無
厭覽物眷彌重不惜去人遠但恨莫與同孤遊非情歎
賞廢理誰通

遊山

謝朓

託養因支離乘閒遂疲蹇語默良未尋得喪云誰辯幸
蒞山水都復值清冬緬凌厓必千仞尋谿將萬轉堅峭
既峻嶒廻流復宛澶杳杳雲竇深淵淵石溜淺傍眺鬱
築勞還望森柵梗荒隩被歲莎崩壁帶苔蘚巖狹叫層
巘鷗鳧戲沙衍觴賞聊自觀卽趣咸已展經目惜所遇
前路欣方踐無言蕙草歇畱垣芳可塞尚子時未歸那
主思自免永志昔所欽勝迹今能選寄言賞心客得性
良爲善

遊東田

前人

戚戚苦無棕攜手共行樂尋雲陟累榭隨山望菌閣遠
樹曖阡阡生烟紛漠漠魚戲新荷動鳥散餘花落不對
芳春酒還望青山郭

應令

梁簡文帝

蠡浦急兮川路長白雲重兮出帝鄉平原忽兮遠極目
江甸阻兮羈心傷樹廬岳兮高且峻瞻派水兮去泱泱
遠烟生兮含山勢風散花兮傳馨香臨清波兮望石鏡
瞻鶴嶺兮睇仙莊望邦畿兮千里曠悲遙夜兮九廻腸
顧龍樓兮不可見徒送目兮淚沾裳

暮遊山水應令賦得磧字

庾肩吾

餘春屬清夜西園恣遊歷入逕轉金輿開橋通畫鷁細
藤初上援新流漸酒噴雲峯沒城柳電影開巖壁

闕

遊望

王筠

晨登黃馬坡遙望白龍堆風威盡撩折路險車輪摧

和宇文內史春日遊山

庾信

遊客值春輝金鞍上翠微風逆花迎面山深雲濕衣鴈
持一足倚猿將兩臂飛戍樓侵嶺路山村落獵圍道士
仙人下令威煮丹於此地居然未肯歸

遊山

前人

聊登玄圃殿更上增城山不知高幾里低頭看世間唱

歌雲欲聚彈琴鶴欲舞洞底百重花山根一片雨婉婉
藤倒垂亭亭松直豎

和宇文京兆遊山

前人

小苑禁門開長楊獵客來懸知畫眉罷走馬向章臺澗
寒泉反縮山晴雲倒回能飢自舐掌鴈驚獨銜枚美酒
餘杭醉一作芙蓉即奉盃

河曲遊

盧思道

魏文帝與吳質書曰
時駕而遊北遵河曲

鄴下盛風流河曲有名遊應徐託後乘車馬踐芳洲丰
茸鷄樹密遙裔鶴烟稠日上疑高蓋雲起類重樓金羈

自沃若蘭棹成夷猶懸匏動清吹采菱轉艷謳還珂響
金埒歸袂拂銅溝唯畏三春晚勿言千載憂

眺望

自礪山東望震澤

鮑照

瀾漫潭洞波合沓崢嶸雲漲島遠不測岡澗近難分幽
篁愁暮見思鳥傷夕聞以此藉沈痾栖迹別人羣結言
非盡書有念豈敷文

晚登三山還望京邑

謝朓

灞涘望長安河陽視京縣白日麗飛甍參差皆可見餘
霞散成綺澄江靜如練一作暄鳥覆春洲雜英滿芳甸

去矣方滯淫懷哉罷歡宴佳期悵何許淚下如流霰有
情知望鄉誰能鬢不變

北寺寅上人房望遠岫翫前池

王筠

安期遂長往交甫稱高讓遠跡入滄溟輕舉馳昆閬良
幽心獨善兼且情由放豈若尋幽棲卽目窮清曠激水
周堂下屯雲塞檐向閑牖聽奔濤開牕延疊嶂前階復
虛泐瀟遙成洲漲雨點散圓文風生起斜浪游鱗互澆
漣羣飛皆唳吭蓮葉蔓田田菱花動搖漾浮光曜庭廡
流芳襲帷帳匡坐足忘懷詎思江海上

古詩類苑卷之七十一 八部
早出巡行矚望山海

前人

王生臨廣隰潘子望洪河同軫懷歸思俱興年逝歌曰
余異二子承睫淚滂沱剖符瀛海外結綬層山阿因心
畱惻憫怨已息煩苛繕築循時隙興動藉民和高門惟
壯麗修雉亦駢羅層樓亦攀陟複道亦經過昧日清音
上風氣入織羅雲起垂天翼水動連山波奔濤延瀾汗
積翠遠嵯峩鄉關屢迴曲還顧杳蹉跎曾微肅肅羽望
路空如何

日夕望江山贈魚司馬

何遜

湓城帶湓水湓水縈如帶日夕望高城耿耿青雲外城

中多宴賞絲竹常繁會筦聲已流悅弦聲復淒切歌黛
慘如愁舞腰凝欲絕仲秋黃葉下長風正騷屑早鴈出
雲歸故燕辭檐別晝悲在異縣夜夢還洛汭洛汭何悠
悠起望西南樓一作登西樓的的帆向浦團團月映一作隱洲
誰能一羽化輕舉逐飛浮

和侯司空登樓望鄉

陰鏗

懷土臨霞觀思歸想石門瞻雲望鳥道對柳憶家園寒
田穫裏靜野日燒中昏信美今何益傷心自有源

登武昌岸望

前人

遊人試歷覽舊跡已丘墟巴水縈非字楚山斷類書荒

古詩類苑卷之十六 人部
城高仍落古柳細條踈烟蕪遂若此當不爲能居

和洗掾登城南坂望京邑 袁 朗

二華連陌塞九隴統金方奧區稱富貴重險擅雄強龍
飛灞水上鳳集岐山陽神臯多瑞跡列代有興王我后
膺靈命爰求宅茲土宸居法太微建國資天府玄風隔
黎庶德澤浸區宇醒醉各相扶謳歌從聖主南登少陵
岸還望帝城中帝城何鬱鬱佳氣迺葱葱金鳳凌綺觀
璇題敞蘭宮複道東西合交衢南北通萬國朝前殿羣
公議宣室鳴珮舍早風華蟬曜朝日柏梁宴初罷千鍾
歡未畢端拱肅巖廊思賢聽琴瑟逖迤萬雉列隱軫千

閭布飛薨夾御溝曲臺臨上路處處歌鐘鳴喧闐車馬
度日落長楸間含情兩相顧是月冬之季陰寒晝不開
驚風四面集飛雪千里迴狐白登廊廟牛衣出草萊詎
知韓長孺無復重燃灰

言反江陽寓目灞浹贈易州陸司馬

王 冑

遊人賣藥罷徐步反江干行吟灞陵岸迴首望長安晨
華照城闕參差復鬱盤千門含日麗萬雉映霞丹雲開
承露掌吹動相風竿遊童輕薄少鮮服鷄鷄冠花開傅
粉晏塵起副車韓屢投雙飛劍曾操兩色丸挂玉要遊

女彈珠落矯翰信美非吾樂何事久盤桓欲動南登詠
還謠北上難眷言思舊友徂遠路漫漫燕陲望楚服天
際與雲端棹發吳濤上荆歌易水寒十年阻風月萬里
別金蘭心期竟何許懷抱日摧殘容華冉冉謝衣帶朝
朝寬盛憲寧延壽劉琨自少歡宿昔均取捨同波豈異
瀾贈言不盡意擲筆起長歎

和張丞奉詔於江都望京口 孫萬壽

回首觀濤處極望滄海湄流波去無限喬木不勝悲蓬
萊雖已變池塘尚所思歸飛路窮此悵望情難持吾生
乃民季疇日佐藩維尚想西園夕猶懷北固時城邑纒
辨處風烟忽何之歧予未能已顧歎空遲遲

臨泛

越人歌

劉向說苑曰鄂君子皙泛舟於新波之中乘
青翰之舟張翠蓋會鐘鼓之音畢榜柁越人
擁楫而歌於是鄂君乃揄脩袂行而擁之舉

繡被而覆之 鄂君楚王
母弟也

今夕何夕兮搴洲中流今日何日兮得與王子同舟蒙
羞被好兮不訾詬耻心幾煩而不絕兮得知王子山有
木兮木有枝心說君兮君不知

淋池歌 亦見三輔黃圖

漢昭帝

拾遺記曰昭帝始元元年穿淋池廣千步東引太液之水池中植分芰荷一莖四葉狀如駢蓋花葉離萎芬馥之氣微十餘里宮人貴之每遊宴出入必皆含嚼或剪以為衣或折以蔽日以為戲弄帝時命水嬉以文梓為船木蘭為柂刻飛鸞翔鶴飾於船首隨風輕漾畢景忘歸乃至通夜使宮人歌曰

秋素景兮泛洪波揮纖手兮折芰荷涼風淒淒揚棹歌
雲光開曙月低河萬歲為樂豈云多

江上泛歌

夏侯湛

悠悠兮遠征倏倏兮暨南荆南荆兮臨長江臨長江兮
討不庭江水兮浩浩長流兮萬里洪浪兮雲轉陽侯兮

奔起驚翼兮垂天鯨魚兮岳峙糜蕪紛兮被皋陸脩竹
鬱兮翳崖趾望江之南兮邀日桂林桂枝翳鬱兮鷓鴣
揚音凌波兮願濟舟楫不具兮江水深沈嗟迴盼於北
夏何歸軫之難尋

汎南湖至石帆

謝惠連

軌息陸塗初柂鼓川路始漣漪繁波漾參差層峯峙蕭
疎野趣生逶迤白雲起登陟苦跋涉躡盼樂心耳即翫
翫有竭在興興無已

泛舟橫大江二首

梁簡文帝

魏文帝飲馬長城窟行曰
泛舟橫大江討彼犯荆虜

滄波白日暉遊子出王畿旁望重山轉前觀遠帆稀廣
水浮雲吹江風引夜衣旅鴈同洲宿寒鳧夾浦飛行客
誰多病一作當念早旋歸

隴西四戰地羽檄歲時聞護羌擁漢節校尉立元勳石
門留鐵騎冰城息夜軍洗兵逢驟雨送陣出黃雲沙長
無止泊水脉屢縈分當思勒彝鼎無用想羅裙
悠悠懸旆旌知向隴西行減竈驅前馬銜枚進後兵沙
飛朝似暮雲起夜疑城廻山時阻路絕水亟稽程往年
郵支服今歲單于平方歡凱樂盛飛蓋滿西京

賦得泛舟橫大江

張正見

大江脩且濶揚舲度廻磯波中畫鷁涌帆上錦花飛舟
移歷浦月權舉濕春衣王孫定若遠詎待送將歸

與錢玄智汎舟

前人

高門事休沐朝野恣逢迎還乘一作金谷水俱望洛陽
城舟移津女渡楫動渭橋橫風高鴈已落雨霽水還清
葉盡桐門淨花秋菊岸明欲奏江南曲聊習棹歌行

後湖泛舟

前人

上苑奢行樂滄池聊薄遊汎荷分蘭權沈槎觸桂舟殘
虹收度雨缺岸上新流欲知有高趣長楊送麥秋

別韋諒賦得江湖汎別舟

前人

千里潯陽岸三翼木蘭船鷓鴣汎青鳥後鷄鳴白鷺前酒
花没淺纜帶葉動深船不言朝夕水獨自限神仙

賦得桂楫泛河中

沈君攸

黃河曲注通千里濁水分流引八川仙查逐源終未極
蘇亭一作漢帝遺跡上難遷眇眇雲根侵遠樹蒼蒼水氣合
遙天波影雜霞無定色湍文觸岸不成圓赤馬青龍一作驪
交出浦飛雲蓋海遠凌烟蓮舟渡沙轉不礙桂楫距
浪弱難前風急金烏翅自轉汀長錦纜影微懸榜人欲
歌先扣柂津吏猶醉彊持船河堤極望今如此行杯落
葉詎虛傳

晚景遊泛懷友

蕭鈞

龍開依御溝鳳轄轉芳洲雲峯初辨夏麥氣早迎秋山
翠餘烟積川平晚照收浪隨文鷁轉渡逐彩鴛浮風花
轉未落岩泉咽不流一辭金谷苑空想一作思竹林遊

奉和濬池初成清晨臨泛

庾信

千金高堰合百頃浚源開翻逢積翠一作草浪更識昆明
灰猿嘯風還急鷄鳴潮卽來時看青雀舫遙逐桂舟一作
洲迴

奉和泛江

前人

春江下白帝畫舸向黃牛錦纜回沙磧蘭橈避荻洲濕

花隨水泛空巢逐樹流建平船梯下荆門戰艦浮岸社
多喬木山城足迴樓日落江風靜龍吟迴上游

望江南八闋

隋煬帝

海山記曰煬帝開地周二百里為西苑內為十六院聚石為山鑿池為五湖四海又鑿北海周迴四十里中有三山效蓬萊方丈靈洲上皆臺榭迴廊水深數丈開溝通五湖北海盡通行龍鳳舸帝多泛東湖因製湖上曲穿江南八闋云○西溪叢語曰望江南者朱崖李太尉鎮關西日為亡姬謝秋娘所作後進入教坊

湖上月偏照列仙家水浸寒光鋪枕簟浪攪晴影走金
蛇偏稱泛靈槎○光景好輕彩望中斜清露冷浸銀兔
影西風吹落桂枝花開宴思無涯

湖上柳烟裡不勝垂宿霧洗開明媚眼東風搖弄好腰
肢烟雨更相宜○環曲岸陰覆畫橋低線拂行人春晚
後絮飛晴雪暖風時幽意更依依

湖上雪風急墮還多輕片有時敲竹戶素華無韻入澄
波望外玉相磨○湖水遠天地色同和仰面莫思梁苑
賦朝來且聽玉人歌不醉擬如何

湖上草碧翠浪通津脩帶不為歌舞緩濃鋪堪作醉人
茵無意襯香衾○晴霽後顏色一般新遊子不歸生滿
地佳人遠意寄青春留咏卒難伸

湖上花天水浸靈芽淺蘂水邊勻玉粉濃苞天外剪明

霞只在列仙家○開爛熳插髮若相遮水殿春寒幽冷
艷玉軒晴照暖添華清賞思何賒

湖上女精選正輕盈猶恨乍離金殿侶相將盡是採蓮
人清唱謾頻頻○軒內好嬉戲下龍津玉管朱絃聞盡
夜踏青闌草事青春玉輦從羣真


湖上酒終日助清歡檀板輕聲銀甲緩醅浮香米玉蛆
寒醉眼暗相看○春殿晚仙艷奉杯盤湖上風光真可
愛醉鄉天地就中寬帝主正清安

湖上水流遶禁園中敘日暖搖清翠動落花香暖衆紋
紅蘋未起清風○閒縱目魚躍小蓮東泛泛輕搖蘭棹
穩沈沈寒影上仙宮遠意更重重

古詩類苑卷之七十六終



國家圖書館, NATIONAL CENTRAL LIBRARY, TAIWAN, R.O.C.



古詩類苑卷之七十七

雲間張之象玄超纂輯

俞顯卿子如補訂

張所敬長輿

校正

俞顯謨子昭

王 頴玄弢

參閱

陳 甲伯子

人部

古詩

古詩十九首

無名氏

國家圖書館, NATIONAL CENTRAL LIBRARY, TAIWAN, R.O.C.

鍾嶸詩品曰古詩體源出於國風陸機所擬十四首文溫以麗意悲而遠驚心動魄可謂幾乎一字千金其外去者日以疎四十五首雖多哀怨頗為總雜舊疑是建安中曹王所製客從遠方來橘柚垂華實亦為驚絕矣人代冥滅而清音獨遠悲夫

行行重行行與君生別離相去萬餘里各在天一涯道
路阻且長會面安可知一作期胡馬依北風越鳥巢南枝

相去日已遠衣帶日已緩浮雲蔽白日遊子不顧返思
君令人老歲月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當窻牖娥
娥紅粉粧纖纖出素手昔為倡家女今為蕩子婦蕩子
行不歸空牀難獨守王嘉作
枚乘

青青陵上柏磊磊澗中石人生天地間忽如遠行客斗
酒相娛樂聊厚不為薄驅車策駑馬遊戲宛與洛洛中
何鬱鬱冠帶自相索長衢羅夾巷王侯多第宅兩宮遙
相望雙闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令
德唱高言識曲聽其真齊心同所願含意俱未伸人生
寄一世奄忽若飈塵何不策高足先據要路津無為守
窮賤軼軻長苦辛

西北有高樓上與浮雲齊交疏結綺窻阿閣三重堦上
有絃歌聲音響一何悲誰能為此曲無乃杞梁妻清商

隨風發中曲正徘徊一彈再三歎慷慨有餘哀不惜歌
者苦但傷知音稀願爲雙鴻鵠善作鳴鶴奮翅起高飛玉臺作枚

乘

涉江采芙蓉蘭澤多芳草采之欲遺誰所思在遠道還
顧望舊鄉長路漫浩浩同心而離居憂傷以終老玉臺作枚

乘

明月皎夜光促織鳴東壁玉衡指孟冬補註云當作秋衆星何
歷歷白露霑野草時節勿復易秋蟬鳴樹間玄鳥逝安
適昔我同門友高舉振六翮不念攜手好棄我如遺跡
南箕北有斗牽牛不負軛良無磐石固虛名復何益

冉冉孤生竹結根泰山阿與君爲新婚兔絲附女蘿兔
絲生有時夫婦會有宜千里遠結婚悠悠隔山陂思君
令人老軒車來何遲傷彼蕙蘭花含英揚光輝過時而
不采將隨秋草萎君亮執高節賤妾亦何爲樂府載此○文心雕

龍曰孤竹一篇傳毅之辭

庭中有奇樹綠葉發華滋攀條折其榮將以遺所思馨
香盈懷袖路遠莫致之此物何足貴但感別經時玉臺作枚

乘

迢迢牽牛星皎皎河漢女纖纖擢素手札札弄機杼終
日不成章泣涕零如雨河漢清且淺相去復幾許盈盈

古詩類列卷十七
一水間脉脉不得語

玉臺作
枚乘

迴車駕言邁悠悠涉長道四顧何茫茫東風搖百草所
遇無故物焉得不速老盛衰各有時立身苦不早人生
非金石豈能長壽考奄忽隨物化榮名以爲寶

東城高且長逶迤自相屬迴風動地起秋草萋已綠四
時更變化歲暮一何速晨風懷苦心蟋蟀傷局促蕩滌
放惜志何爲自結束燕趙多佳人美者顏如玉被服羅
裳衣當戶理清曲音響一何悲絃急知柱促馳情整巾
帶沈吟聊躑躅思爲雙飛燕銜泥巢君屋

玉臺作
枚乘

驅車上東門遙望郭北墓白楊何蕭蕭松柏夾廣路下

有陳死人杳杳卽長暮潛寐黃泉下千載永不寤浩浩
陰陽移年命如朝露人生忽如寄壽無金石固萬歲更
相送賢聖莫能度服食求神仙多爲藥所誤不如飲美

酒被服紈與素

樂府載此作驅
車上東門行

去者日以

五臣
作已

疎來者日以親出郭門直視但見丘與

墳古墓犁爲田松柏摧爲薪白楊多悲風蕭蕭愁殺人
思還故里閭欲歸道無因

生年不滿百常懷千歲憂晝短苦夜長何不秉燭遊爲
樂當及時何能待來茲愚者愛惜費但爲後世嗤仙人
王子喬難可與等期

稟凜歲云暮，螻蛄夕鳴悲。涼風率已厲，遊子寒無衣。錦
衾遺洛浦，同袍與我違。獨宿累長夜，夢想見容輝。良人
惟古歡，枉駕惠前綏。願得常巧笑，攜手同車歸。既來不
須臾，又不處重闈。亮無晨風翼，焉能凌風飛。眄睐以適
意，引領遙相睎。徙倚懷感傷，垂涕沾雙扉。

孟冬寒氣至，北風何慘慄。愁多知夜長，仰觀衆星列。三
五明月滿，四五蟾兔缺。客從遠方來，遺我一書札。上言
長相思，下言久離別。置書懷袖中，三歲字不滅。一心抱
區區，懼君不識察。

客從遠方來，遺我一端綺。相去萬餘里，故人心尚爾。文
彩雙鴛鴦，裁爲合歡被。著掌品反以長相思，緣以結不解。
以膠投漆中，誰能別離此。

明月何皎皎，照我羅牀幃。憂愁不能寐，攬衣起徘徊。客
行雖云樂，不如早旋歸。出戶獨徬徨，愁思當告誰。引領
還入房，淚下沾裳衣。玉臺作枚乘

古詩五首

上山採蘼蕪，下山逢故夫。長跪問故夫，新人復何如。新
人雖言藝文作云好，未若故人姝。顏色類相似，藝文云其色似相類手
爪不相如。新人從門入，故人從閣去。叶丘於切新人工織縑，

故人工織素。叶孫粗切織縑日一匹，織素五丈一作尺。餘將縑

來比素

藝文云持
纒將比素

新人不如故

四坐且莫誼願聽歌一言請說銅爐器崔嵬象南山上
枝似松柏下根據銅盤雕文各異類離婁自相聯誰能
爲此器公輸與魯班朱火然其中青烟颺其間從風入
君懷四坐莫不歡香風難久居空令蕙草殘

悲與親友別氣結不能言贈子以自愛道遠會見難人
生無幾時顛沛在其間念子棄我去新心有所歡結志
青雲上何時復來還

穆穆清風至吹我羅衣裾青袍似春草長條隨風舒朝
登津梁山褰裳望所思安得抱柱信皎日以爲期

蘭若生春陽涉冬猶盛滋願言追昔愛情欸感四時美
人在雲端天路隔無期夜光照玄陰長歎念玉臺
作戀所思
誰謂我無憂積念發狂癡玉臺作
枚乘

古詩三首

橘柚垂華實乃在深山側聞君好我甘竊獨自彫飾委
身玉盤中歷年冀見食芳菲不相投青黃忽改色人儻
欲我知因君爲羽翼

十五從軍征八十始得歸道逢鄉里人家中有阿誰遙
望是君家松柏冢壘壘兔從狗竇入雉從梁上飛中庭
生旅穀井上生旅葵烹穀持作飯采葵持作羹羹飯一

時熟不知貽阿誰出門東向望淚落沾我衣

亦見梁鼓角橫吹辭

○吳兢曰此詩晉宋入樂奏之首增四句名紫騮馬十五從軍征以下古詩也

新樹蘭蕙葩雜用杜蘅草終朝采其華日暮不盈抱采之欲遺誰所思在遠道馨香易銷歇繁華會枯槁嘿嘿何所言臨風送懷抱

古詩二首

採葵莫傷根傷根葵不生結交莫羞貧羞貧友不成
甘瓜抱苦蒂美棗生荆棘利傍有倚刀貪人還自賊

古絕句四首

藁砧今何在山上復有山何當大刀頭破鏡飛上天

葛常

之云藁砧砧也謂夫也山上復有山出也大刀頭刀上環也破鏡言半月當還也此詩格非當時有釋之者後人豈能曉哉○過庭詩話曰山上復有山何當大刀頭此虎謎之祖子美歸心折大刀明用此意

日暮秋雲陰江水清且深何用通音信蓮花玳瑁簪
菟絲從長風根莖無斷絕無情尚不離有情安可別
南山一樹桂上有雙鴛鴦千年長交頸歡慶不相忘

古意

和王友德元古意二首

王融

遊禽暮知返行人獨未歸坐銷芳草氣空度明月輝
嘯容入朝鏡思淚點春衣巫山彩雲沒淇上綠楊稀
待君竟不至秋鴈雙雙飛

古詩類苑卷十一
霜氣下盟津秋風度函谷念君悽以寒當軒卷羅縠織
手廢裁縫曲鬢罷膏沐千里不相聞寸心鬱紛蘊平聲况
復飛螢夜木葉亂紛紛

古意二首

梁武帝

飛鳥起離離驚散忽差池嗷嘈繞樹上翩翩集寒枝既
悲征役久偏傷壠上兒寄言閨中妾此心詎能知不見
松蘿上葉落根不移

當春有一草綠花復垂枝云是忘憂物生在北堂陞飛
飛雙蛺蝶低低兩差池差池低復起此芳性不移飛蝶
雙復隻此心人莫知

同前

梁元帝

妾在成都縣願作高唐雲樽中石榴酒機上蒲萄一作
停梭還斂色何時勸使君

同前

沈約

挾琴叢臺下徙倚愛容光佇立日已暮戚戚苦人腸露
葵已堪摘淇水未沾裳錦衾無獨暖羅衣空自香明月
雖外照寧知心內傷

同前七首

吳均

雜虜寇銅鞮征役去三齊扶山剪疏勒傍海掃沈黎劍
光夜揮電馬汗晝成泥何當見天子畫地取關西

匈奴數欲盡僕在玉門關蓮花穿劍鏢秋月掩刀環春
機思一作鳴窈窕夏鳥鳴一作思綿蠻中人坐相望狂夫終
未還

西都盛冠蓋九達塵霧塞中有惡少年伎能專自得玉
鞭蓮花劍金莖流星勒聊爲路傍人寫鞚長楸北

賤妾思不堪採桑渭城南帶減連枝繡髮亂鳳凰一作

管花舞依長薄蛾一作鵝飛愛綠潭無由報君信流涕向

春蠶英華題云和蕭沈馬
古意○一作採桑

妾本倡家女出入魏王宮既得承瑠輦亦在更衣中蓮
花銜青雀寶粟鈿金蟲猶言不得意流涕憶遼東

何處報君書隴右五岐路淚研兔枝墨筆染鵝毛素碧

浮盂渚水香下洞庭路應歸遂不歸芳春空擲度

妾家橫塘北發艷小長干花釵玉宛轉珠繩金絡統一作

九羃屨縣丹一作青鳳透迤搖白團誰能分見此含恨不

能言一作誰堪久見
此含恨不相看

古意贈王中書融

范雲

攝官青鎖闥遙望鳳凰池誰云相去遠脉脉阻光儀岱
山饒靈異沂水富英奇逸翮凌北海搏飛出南皮遭逢
聖明後來棲桐樹枝竹花何莫莫桐葉何離離可栖復
可食此外亦何爲豈知鷓鴣者一粒有餘貲

古意應蕭信武教

王樞

朝取飢蠶食夜縫千里衣復聞南陌上日暮採蓮歸青
苔覆寒井紅藥間青薇人生樂自極良時徒見違何由
及新燕雙雙還共飛

古意報袁功曹

江淹

從軍出隴北長望陰山雲涇渭各異流恩情於此分故
人贈寶劍鏤以瑤華文一言鳳獨立再說鸞無羣何得
晨風起悠哉凌翠氛黃鸝去千里垂涕爲報君

古體雜意

劉孝威

朝日大風霜寄事足交傷葉落枝柯淨常自起蒸張

古曲

陳後主

桂鉤影桂枝開紫綺袖逐風迴日明珠色偏亮葉盡衫
香更來

古意二首

顏之推

十五好詩書二十彈冠仕楚王賜顏色出入章華裏作
賦凌屈原讀書誇左史數從明月讌或侍朝雲祀登山
摘紫芝泛江採綠芷歌舞未終曲風塵暗天起吳師破
九龍秦兵割千里狐兔穴宗廟霜露沾朝市壁入邯鄲
宮劍去襄城水未獲殉陵墓獨生良足耻憫憫思舊都
惻惻懷君子白髮闚明鏡憂傷沒余齒

寶珠出東國美玉產南荆隋侯曜我色卞氏飛吾聲已
加明稱物復飾夜光名驪龍旦夕駭白虹朝暮生華彩
燭兼乘價值詎連城常悲黃雀起每畏靈蛟迎千刃安
可捨一毀難復營昔爲時所重今爲時所輕願與濁泥
會思將垢石并歸真川岳下抱潤潛其榮

古詩類苑卷之七十七終

古詩類苑卷之七十八

雲間張之象玄超纂輯

俞顯卿子如補訂

張所敬長輿

校正

俞顯謨子昭

王 頴玄弢

參閱

陳 甲伯子

人部

擬古

擬行行重行行

陸 機

國家圖書館, NATIONAL CENTRAL LIBRARY, TAIWAN, R.O.C.

悠悠行邁遠戚戚憂思深此思亦何思思君微與音
微日夜離緬邈若飛沈王鮪懷何岫晨風思北林遊子
眇天末還五臣作遠期不可尋驚飈褰反信歸雲難寄音係
立想萬里沈憂萃我心攬衣有餘帶循形不盈衿去去
遺情累安處撫清琴

同前

宋南平王鑠

眇眇陵長道遙遙行遠之迴車背京里玉臺作邑揮手從此
辭堂上流塵生庭中綠草滋寒蠶翔水曲秋兔依山基
芳年有華月佳人無還期日夕涼風起對酒長相思悲
發江南調憂委子衿詩臥覺明燈晦坐見輕紈緇淚容

不可飾幽鏡難復治

一作持

願垂薄暮景照妾桑榆時

擬青青河畔草

陸機

靡靡江離草熠熠一作耀耀生河側皎皎彼姝女阿那當軒
織粲粲妖容姿灼灼美顏色良人遊不歸偏棲獨隻翼
空房來悲風中夜起歎息

同前

宋南平王鑠

淒淒含露臺蕭蕭迎風館思女御櫺軒哀心一作聲徹雲
漢端撫悲絃泣獨對明燈嘆良人久遙役耿介終昏旦
楚楚秋水歌依依採菱彈

同前

鮑令暉

言類卷之十一
八
裏裏臨窻竹藹藹垂門桐灼灼青軒女泠泠高堂一作臺
中明志逸秋霜玉顏掩春紅人生誰不別恨君早從戎
鳴絃慙夜月紺黛羞春風

同前

荀晷

熒熒山上火若若隔隴左隴左不可至精爽通寤寐寤
寐衾幃同忽覺在他邦他邦各異邑相逐不相及迷墟
在望烟木落知冰堅升朝各自進誰肯相攀牽客從北
方來遺我端弋綈命僕開弋綈中有隱起王士禛讀隱
珪辭苦聲亦悽上言各努力下言長相懷

青青河畔草

王融

容容寒烟起翹翹望行子行子殊未歸寤寐君一作容
輝夜中心愛促覺後阻河曲河曲萬里餘情交襟袖疎
珠露春華返璿霜秋照一作桂晚入室怨蛾眉情歸為誰
婉

擬青青河畔草

沈約

漠漠牀上塵心中憶故人故人不可憶中夜長歎息歎
息想容儀不言長別離別離稍已久空牀寄杯酒

擬青青河畔草轉韻體為人作其人識節工歌

何遜

春蘭

一作園

日應好折花望遠道秋夜苦復長抱枕向空

牀吹臺一作樓下促節不言於此別歌筵掩團扇何時一
相見絃絕猶依軫葉落纔下枝卽此雖云別方我未成
離

擬青青陵上柏

陸機

冉冉高陵蘋習習隨風翰人生當幾時譬彼濁水瀾戚
戚多滯念置酒宴所歡方駕振飛轡遠遊入長安名都
一何綺城闕鬱盤桓飛閣纓虹帶層臺冒雲冠高門羅
北闕甲第椒與蘭俠客控絕景都人驂玉軒遨遊放情
願慷慨爲誰歎

同前

鮑照

涓涓亂江泉綿綿橫海烟浮生旅昭世空事歎華年書
翰幸閒暇我酌子縈絃飛鑣出荆路鶩服指秦川渭濱
富皇居鱗館匝河山與童唱秉椒擢女歌采蓮字愉鸞
閣上窈窕鳳楹前娛生信非謬安用求多賢

擬今日良宴會

陸機

閑夜命權友置酒迎風館齊僮梁甫吟秦娥張女彈哀
音繞棟宇遺響入雲漢四座咸同志羽觴不可筭高談
一何綺蔚若朝霞爛人生無幾何爲樂常苦宴譬彼伺
晨鳥揚聲當及旦曷爲恒憂苦守此貧與賤

擬西北有高樓

前人

高樓一何峻迢迢

善作茗茗

峻而安綺窻出塵冥飛陛躡雲

端佳人撫琴瑟纖手清且閑芳氣隨風結哀響馥若蘭

玉容誰能

五臣作得

顧傾城在一彈佇立望日昃躑躅再三

歎不怨佇立久但願歌者歡思駕歸鴻羽比翼雙飛翰

冉冉孤生竹

拾遺作擬古

何偃

流萍依清源孤鳥宿深址蔭幹相經縈風波能終始草

生有日月婚年行及紀思欲侍衣裳關山分萬里徒作

春夏期空望良人軌芳色宿昔事誰見過時美涼鳥臨

秋竟歡願亦云已豈意倚君恩坐守零落耳

擬庭中有奇樹

陸機

歡友蘭時往迢迢匿音微虞淵引絕景四節逝若飛芳

草久已茂佳人竟不歸躑躅遵林渚惠風入我懷感物

戀所歡采此欲貽誰

擬迢迢牽牛星

前人

昭昭清漢暉粲粲光天步牽牛西北迴織女東南顧華

容一何冶揮手如振素怨彼河無梁悲此年歲暮跂彼

無良緣睨焉不得度引領望大川雙涕如霑露

擬東城一何高

古詩日東城高且長

前人

西山何其峻層曲鬱崔嵬零露彌天墜蕙葉憑林衰寒

暑相因襲時逝忽如頽三閭結飛轡大羞嗟落揮曷爲

牽世務中心若有違京洛多妖麗玉顏侔瓊蕤閑夜撫
鳴琴惠音清且悲長歌赴促節哀響逐高徽一唱萬夫
歎再唱梁塵飛思爲河曲鳥雙游澧水湄

擬涉江采芙蓉

前人

上山採瓊蘂窮谷饒芳蘭采采不盈掬悠悠懷所歡故
鄉一何曠山川阻且難沈思鍾萬里躑躅獨吟歎

擬明月皎夜光

前人

歲暮涼風發昊天肅明明招搖西北指天漢東南傾朗
月照閒房蟋蟀吟戶庭翻翻歸鴈集嘒嘒寒蟬鳴嘒昔
同宴友翰飛戾高冥服美改聲聽居愉遺舊情織女無

機杼大梁不架楹

擬孟冬寒氣至

宋南平王鑠

白露秋風始秋風明月初明月照高樓露落

一作白露

皎玄

除迨及涼風起行見寒林疎客從遠方至贈我千里書
先敘懷舊愛末陳久離居一章意不盡三復一作幅情有
餘願遂平生志無使甘言虛

擬客從遠方來

鮑令暉

客從遠方來贈我漆鳴琴木有相思文絃有別離音終
身執此調歲寒不改心願作陽春曲宮商長相尋

同前

謝惠連

古詩類苑卷七十一 人部 六
客從遠方來贈我鵠文綾貯以相思篋緘以同心繩裁
爲親身服著以俱寢興別來經年歲歡心不可凌瀉酒
置井中誰能辯斗升合如杯中水誰能判淄澠

擬明月何皎皎

陸機

安寢北堂上明月入我牖照之有餘輝攬之不盈手涼
風繞曲房寒蟬鳴高柳踟躕感節物我行永已久游宦
會無成離思難常守

同前

宋南平王鑠

落宿半遙城浮雲藹層闕玉宇來清風羅帳延秋月結
思想伊人沈憂懷明發誰爲客行久屢見流芳歇河廣

川無梁山高路難越

擬蘭若生朝陽

陸機

嘉樹生朝陽疑霜封其條執心守時信歲寒終不彫美
人何其曠灼灼在雲霄隆想彌年月長嘯入飛颺引領
望天末譬彼向陽翹

擬古九首

陶淵明

榮榮窻下蘭密密堂前柳初與君別時不謂行當久出
門萬里客中道逢嘉友未言心先一作相醉不在接盃酒
蘭枯柳亦衰遂令此言負多謝諸少年相知不忠厚意
氣傾人命離隔復何有

辭家夙嚴駕當往志一作無終問君今何行非商復非

戎聞有田子春節義為士雄斯人久已死鄉里習其風

生有高世名既沒傳無窮不學狂馳子直在百年中

仲春邁時雨始雷發東隅衆蟄各潛駭草木縱橫舒翻

翻新來燕雙雙入我廬先巢故尚在相將還舊居自從

分別來門庭日荒蕪我心固匪石君情定何如

迢迢百尺樓分明望四荒暮作歸雲宅朝為飛鳥堂山

河滿目中平原獨茫茫古時功名士慷慨爭此場一旦

百歲後相與還北邙松柏為人伐高墳互低昂頽基無

遺主遊魂在何方榮華誠足貴亦復可憐傷

東方有一士被服常不完三旬九遇食十年著一冠辛

苦無此比常有好看顏我欲觀其人晨去越河關青松

夾路生白雲宿簷端知我故來意取琴為我彈上絃驚

別鶴下絃操孤鸞願留就君住從今至歲寒

蒼蒼谷中樹冬夏常如茲年年見霜雪誰謂不知時厭

聞世上語結友到臨淄稷下多談士指彼決吾疑裝束

既有日已與家人辭行行停出門還坐更自思不怨道

里長但畏人我欺萬一不合意永為世笑之伊懷難具

道為君作此詩

日暮天無雲春風扇微和佳人美清夜達曙酣且歌歌

竟長歎息持此感人多皎皎一作明明雲間月灼灼葉中華
豈無一時好不久當如何

少時

一作年

壯且厲撫劍獨行遊誰言行遊近張掖至幽

州飢食首陽薇渴飲易水流不見相知人惟見古時丘
路邊兩高墳伯牙與莊周此士難再得吾行欲何求
種桑長江邊三年望當採枝條始欲茂忽值山河改柯
葉自摧折根株浮滄海春蠶既無食寒衣欲誰待本不
植高原今日復何悔

紹古辭七首

鮑照

橘生湘水側非陋人莫傳逢君金華宴得在玉几前三

川窮名利京洛富妖妍恩榮難久持隆寵易衰偏觀席
妾悽愴覩翰君泫然徒抱忠孝志猶爲葑菲遷

昔與君別時蠶妾初獻絲何言年月駛寒衣已擣治縹
繡多廢亂篇帛久塵緇離心壯爲劇飛念如懸旗石席
我不爽德音君勿欺

瑟瑟涼海風竦竦寒山木紛紛羈思盈慊慊夜絃促訪
言山海路千里歌別鶴絃絕空咨嗟形音誰賞錄辛苦
異人狀美貌改如玉徒畜巧言鳥不解心欵曲

孤鴻散江嶼連翩遵渚飛含嘶衡桂浦馳顧河朔畿攢
攢勁秋木昭昭淨冬暉窻前滌歡爵帳裏縫舞衣芳歲

猶自可日夜望君歸

憑檻翫夜月迴眺出谷雲還山路已遠往海不及羣徘徊清淮汭顧慕廣江濱物情垂喜歇守操古難聞三越豐少姿容態傾動君

開黛覩容

一作朝

顏臨鏡訪遙塗君子事河源彌祀闕還

書春風掃地起飛塵生綺疏文袿爲誰設羅帳空卷舒不怨身孤寂但念星隱隅

暖歲節物早萬萌迎春達春風夜嫵媚春霧朝晻靄軟蘭葉可采柔桑條易捋怨咽對風景悶瞽守閨闔天傳愁民命舍生但契濶憂來無行伍歷亂如覃葛

學古

鮑照

北風十二月雪下如亂巾實是愁苦節惆悵憶

一作情

親會得兩少妾同是洛陽人嬛綿好眉目閑麗美腰身凝膚皎若雪明淨色如神驕愛生盼矚聲媚起朱唇衿服雜縱纒首飾亂瓊珍調絃俱起舞爲我唱梁塵人生貴得意懷願待君申幸值嚴冬暮幽夜方未晨齊衾久兩設角枕已雙陳願君早休息畱歌待三春

擬古八首

前人

魯客事楚王懷金襲丹素旣荷主人恩又蒙令尹顧日

宴罷朝歸輿

一作鞍

馬塞衢路宗黨生光輝

一作華

賓僕遠

傾慕富貴人所欲道得亦何懼南國有儒生迷方獨淪
誤伐木清江湄設且守龜兔

十五諷詩書篇翰靡不通弱冠參多士飛步游秦宮側
覩君子論預見古人風兩說窮舌端五車摧筆鋒羞當
白璧貺耻受聊城功晚節從世務乘障遠和戎解佩襲
犀渠卷裘奉盧弓始願力不及安知今所終

幽并重騎射少年好馳逐羶帶佩雙鞬象弧插彫服獸
肥春草短飛鞚越平陸朝遊鴈門上暮還樓煩宿石梁
有餘勁驚雀無全目漢虜方未和邊城屢翻覆畱我

白羽將以分符

選作竹
虎

鑿井北陵隈百丈不及泉生事本瀾漫何用獨精堅幼
壯重寸陰衰暮及輕年放駕息朝歌提爵止中山

一作
仙

日夕登城隅周迴視洛川街衢積凍草城郭宿寒烟繁
華悉何在宮闕久崩填空謗齊景非徒稱夷叔賢

伊昔不治業倦遊觀五都海岱饒壯士蒙泗多宿儒結
髮起躍馬垂白對講書呼我升上席陳鱣發瓢壺管仲
死已久墓在西北隅後面崔嵬者桓公舊塚廬君來誠
旣晚不覩崇明初玉琬徒見傳交友義漸踈

束薪幽篁裏刈黍寒澗陰朔風傷我肌號鳥驚思心歲
暮井賦訖程課相追尋田租送函谷獸藁輸上林河涓

水未開關隴雪正深
咎擊官有罰呵辱吏見侵
不謂乘軒意伏櫪還至今

河畔草未黃胡鴈已矯翼
秋螢扶戶吟寒婦成夜織去

歲征人還流傳舊相識
聞君上隴時東望久歎息
宿昔

改衣帶朝旦玉臺作旦暮
異容色念此憂如何
夜長愁更多

明鏡塵匣中瑤琴生網羅

蜀漢多奇山仰望與雲平
陰崖積夏雪陽谷散秋榮
朝

朝見雲歸夜夜聞猿鳴
憂人本自悲孤客易傷情
臨堂

設樽酒畱酌思平生
石以堅為性君勿慙一作素誠

學陶彭澤體

鮑照

長憂非生意短願不須多
但使尊酒滿朋舊數相過
秋風七八月清露潤綺羅
提瑟當戶坐歎息望天河
保此無傾動寧復滯風波

學劉公幹體五首

前人

欲宦乏王事結主遠恩私
為身不為名散書徒滿帷
連

冰上冬月披雪拾園葵
聖靈燭區外小臣良見遺

曠曠寒野霧蒼蒼陰山柏樹迴
霧縈集山寒野風急歲

物盡淪傷孤貞為誰立
賴樹自能貞不計迹幽澀

胡風吹朔雪千里度龍山
集君瑤臺上飛舞兩楹前
茲

晨自為美當避艷陽天一作艷陽桃李節皎潔不妍

荷生綠泉中碧葉齊如規迴風蕩流霧珠水逐條垂處
炳此金塘藻耀君王池不愁世賞絕但畏盛明移藝文作張華

白日正中時天下共明光北園有細草當晝正含霜垂
榮頓如此何用獨芬芳抽琴爲爾歌絃斷不成章

擬阮公夜中不能寐

前人

漏分不能臥酌酒亂繁憂惠氣憑夜清素景緣隙流鳴
鶴時一聞千里絕無儔佇立爲誰久寂寞空自愁

學阮步兵體

王素

沈情發遐慮紆鬱懷所思髣髴聞簫管鳴鳳接羸姬聯

綿共雲翼嬾婉相攜持寄言芳華士寵利不常期涇渭
分清濁視彼谷風詩

和琅邪王依古

王僧達

少年好馳俠宦遊關源既踐終古跡聊訊一作興亡
言隆周爲藪澤皇漢成山焚久沒離宮地安識壽陵園
仲秋邊風起孤蓬卷霜根白日無精景黃沙千里昏顯
軌莫殊轍幽塗豈異魂聖賢良已矣抱命復何怨

古詩類苑卷之七十八終



國家圖書館, NATIONAL CENTRAL LIBRARY, TAIWAN, R.O.C.

古詩類苑卷七十八

人部

十一

志

古詩類苑卷之七十九

雲間張之象玄超纂輯

俞顯卿子如補訂

張所敬長與

校正

俞顯謨子昭

王 頴玄弢

參閱

陳 甲伯子

人部

擬古

擬古

梁昭明太子

古詩類苑卷之七十九 人部

國家圖書館 NATIONAL CENTRAL LIBRARY, TAIWAN, R.O.C.



晨風被庭槐夜露傷堦草霧苦瑤池黑霜凝丹墀皓疏
條索無陰落葉紛可掃安得紫芝術終然獲難老

戲作謝惠連體十三韻 梁簡文帝

雜葢映南庭庭中光景媚可憐枝上花早得春風意春
風復有情拂幔且開楹盈盈一作開楹開碧烟拂幔復垂蓮
偏使紅花散飄揚落眼前眼前多無况參差鬱相望珠
繩翡翠帷綺幕芙蓉帳香烟出窻裏落日斜階上日影
去遲遲節華咸在茲桃花紅若點柳葉亂如絲絲條轉
暮光影落暮陰長春燕雙雙舞春心處處揚酒滿心聊
足萱枝愁不忘

效古 沈約

可憐桂樹枝單雄憶故雌歲暮異栖宿春至猶別離山
河隔長路路遠絕容儀豈云無可玉臺作我匹寸心終不移
傲古 范雲

寒沙四面平飛雪千里驚風斷陰山樹霧失交河城朝
驅左賢陣夜薄休屠營昔事前軍幕令逐嫖姚兵失道
刑既重遲留法未輕所賴今天子漢道日休明

學古贈丘永嘉征還 何遜

龍馬魚腸劍躩蹠起風塵結客葱河返喧喧動四隣入
墟猶憶舊德卷復疑新窺見應門出遙識下機人相悲

淚欲下離別方自陳

學古三首

前人

長安美少年羽騎暮連翩玉羈瑪瑙勒金絡珊瑚鞭陣
雲橫塞起赤日下城圓追兵待都護烽火望祁連虎落
夜方寢魚麗曉復前平生不可定空信蒼浪天

鞏洛上東門薄暮川流側渾渾車馬道行人不相識日
夕棲鳥遠浮雲起新色寸心空延佇對面何由卽飛輪
倘易去易去因風力

昔隨張博望辭帝長楊宮獨好西山勇思爲北地雄十
年事河外雪一作雲鬢別關中季月邊秋重巖野散寒蓬

日隱龍城霧塵起玉關風全孤君已復半菽我猶空欲
因上林鴈一見平陵桐

擬古

王叔之

客從北方來言欲到交趾遠行無他貨惟有鳳凰子百
金我不欲千金難爲市闕

同前二首

一作代榮祐
作鏡臺

王融

花蒂今何在亦是林下生何當垂髮髻團扇雲間明
鏡臺今何在寸身正相隨何當碎聯玉雲上壁已虧

同前

何思澄

故交不可忘猶如蘭桂芳新知雖可悅不異茱萸香妾

古詩類苑卷七十九 人音
有鳳凰曲無非陌上桑薦君君不御抱瑟自悲涼

擬吳均體應教

紀少瑜

庭樹發春輝遊人競下機却匣擎歌扇開箱擇舞衣桑
菱不復惜看花遽將夕自有專城居空持迷上客

效阮公詩十五首

集作效古

江淹

歲暮懷感傷中夕弄清琴戾戾曙風急團團明月陰孤
雲出北山宿鳥驚東林誰謂人道廣憂慨自相尋寧知
霜雪後獨見松竹心

十年學讀書顏華尚美好不逐世間人關鷄東郊道富
貴如浮雲金玉不為寶一且鷄一作鷄鳴巖霜被勁草

志氣多感失淚下沾懷抱

白露淹庭樹秋風吹羅衣忠信主不合辭意將訴誰獨
坐東軒下鷄鳴夜已稀總駕命賓僕遵路起旋歸天命
誰能見人蹤信可疑

飄飄恍惚中是非安所之大道常不驗金火每如斯忼
慨少淑貌便媚多令辭宿昔秉心誓靈明將見期願從
丹丘駕長弄華池滋

陰陽不可知鬼神惟杳冥暫試武帝貌一見李后靈同
情淪異物有體入無形賢聖共草昧仁智焉足明變化
未有極恍惚誰能精

若木出海外本自丹水陰羣帝共上下鸞鳥相追尋千
齡猶旦夕萬世更浮沈豈與異鄉士瑜瑕論淺深
夏后乘兩龍高會在帝臺榮光河雒出白雲蒼梧來侍
御多賢聖升降有羣才四時有變化盛明不徘徊高陽
邈已遠竚立誰語哉

昔余登大梁西南望洪河時寒原野曠風急霜露多仲
冬正慘切日月少精華落葉縱橫起飛鳥時相過搔首
廣川陰懷歸思如何常願反初服閑步潁水阿

宵月輝西極女圭映東海佳麗多異色芬葩有竒采綺
縞非無情光陰命誰待不與風雨變長共山川在人道
則不然消散隨風改

少年學擊劍從師至幽州燕趙兵馬地唯見古時丘登
城望山水平原獨悠悠寒暑有往來功名安可留

擾擾當途子毀譽多埃塵朝生與馬間夕死衢路濱藜
藿應見棄勢位乃爲親華屋爭結綬朱門競彈巾徒羨
草木利不愛金碧身至德所以貴河上有丈人

華樹曜北林芬芳空自宣秋至白雲起蟪蛄號庭前中
心有所思虛堂獨浩然安坐詠琴瑟逍遙可永年
假乘試行遊北望高山岑翩翩征鳥翼蕭蕭松柏陰感
時多辛酸覽物更傷心性命有定理禍福不可禁唯見

雲際鵠江海自追尋

夕雲映西山蟋蟀吟桑梓零露被百草秋風吹桃李君子懷苦心感慨不能止駕言遠行遊驅馬清河涘寒暑更進退金石有終始光色俯仰間英艷難久恃

至人貴無爲裁魂守寂寥唯有馳騫士風塵在一朝輿馬相跨躍賓從共矜驕天道好盈缺春華故秋凋不知北山民商歌弄場苗

雜體三十首

并序

江淹

夫楚謠漢風旣非一骨魏製晉造固亦二體譬猶藍朱成彩雜錯之變無窮宮角爲音靡曼之態不極故

蛾眉詎同貌而俱動於魄芳草寧共氣而皆悅於魂不其然歟至於世之諸賢各滯所迷莫不論甘而忌辛好丹而非素豈所謂通方廣恕好遠兼愛者哉乃及公幹仲宣之論家有曲直安仁士衡之評人立驕抗况復殊於此者乎又貴遠賤近人之常情重耳輕目俗之恒蔽是以邯鄲託曲於李奇士季假論於嗣宗此其效也然五言之興諒非曷古但關西鄴下旣已罕同江外江南頗爲異法故玄黃經緯之辨金碧浮沈之殊僕以爲亦各具選作合其美兼善而已今作三十首詩教其文體雖不足品藻淵流庶亦無乖商榷

云爾

古離別

遠與君別者乃至鴈門關黃雲蔽千里遊子何時還送
君如昨日簷前露已團不惜蕙草晚所悲道里寒君在
天一涯妾身長別離願一見顏色不異瓊樹枝兔絲及
水萍所寄終不移

李都尉陵從軍

樽酒送征人踟躕在親宴日暮浮雲凝握手淚如霰悠
悠清水川嘉魴得所薦而我在萬里結友一作不相見
袖中有短書願寄雙飛鷺

班婕妤詠扇

紈扇如圓一作月出自機中素畫作秦王女乘鸞向烟
霧彩色世所重雖新不代故竊悲涼風至吹我玉階樹
君子恩未畢零落委中路

魏文帝曹丕遊宴

置酒坐飛閣逍遙臨華池神飈自遠至左右芙蓉披綠
竹夾青水秋蘭被幽崖月出照園中冠珮相追隨客從
南楚來爲我吹參差淵魚猶伏浦聽者未云罷高文一
何綺小儒安足爲肅肅廣殿陰雀聲愁北林衆賓還城
邑何用慰我一作心

陳思王曹植贈友

君王禮英賢不恡千金璧雙闕指馳道朱宮羅第宅從容冰井臺清池映華薄涼風盪芳氣碧樹先秋落朝與佳人期日夕望青閣寒裳摘明珠徙倚拾蕙若眷我二三子辭義麗金釵延陵輕寶劍季布重然諾處富不忘貧有道在葵藿

劉文學禎感懷

蒼蒼山中桂團團霜露色霜露一何緊桂枝生自直橘柚在南國因君為羽翼謬蒙聖主私託身文墨職丹綵既已過敢不自雕飾華月照芳池列坐金殿側微臣固

受賜鴻恩良未測

王侍中粲懷德

伊昔值世亂秣馬辭帝京既傷蔓草別方知杖杜情嶠函蕩選作復丘墟冀闕緬縱橫倚棹泛涇渭日暮山河清蟋蟀依素選作野巖風吹枯莖鶴鷁在幽草客子淚已零去鄉三選作十載幸遭天下平賢主降嘉賞金貂服玄纓侍晏出河曲飛蓋遊鄴城朝露竟幾何忽如水上萍君子篤恩選作惠義柯葉終不傾福履既所綏千載垂令名

嵇中散康言志

言類苑卷七十九
人部
三
曰余不師訓潛志去世塵遠想出宏域高步超常倫靈
鳳振羽儀戢景西海濱朝食琅玕實夕飲玉池津處順
故無累養德乃入神曠哉宇宙惠雲羅更四陳哲人貴
識義大雅明庇身莊生悟無爲老氏守其真天下皆得
一名實久相賓咸池饗爰居鐘鼓或愁辛柳惠善直道
孫登庶知人寫懷良未遠感贈以書紳

阮步兵藉詠懷

青鳥海上遊鸞斯蒿下飛浮沈不相宜羽翼各有歸飄
飄可終年一作極沉一作泥養安是非朝雲乘變化光耀世
所希精衛銜木石誰能測幽微

張司空華離情

秋月映簾櫳懸光入丹墀佳人撫鳴琴清夜守空帷蘭
徑少行迹玉臺生網絲庭樹發紅彩閨草含碧滋延佇
整綾一作羅綺萬里贈所思願垂湛露惠信我皎日期
潘黃門岳述哀

青春速天機素秋馳白日美人歸重泉悽愴無終畢殯
宮已肅清松柏轉蕭瑟俯仰未能弭尋念非但一撫襟
悼寂寞恍然若有失明月入綺窻髣髴想蕙質銷憂非
萱草永懷寄夢寐夢寐復冥冥何由覲爾形我慙北海
術爾無帝女靈駕言出遠山徘徊泣松銘雨絕無還雲

華落豈留英日月方代序寢興何時平

陸平原機羈宦

儲后降嘉命恩紀被微身明發眷桑梓永嘆懷密親流
念辭南澁銜忽別西津驅馬遵淮泗旦夕見梁陳服義
追上列矯迹廁宮臣朱轍咸髦士長纓皆俊民契濶承
華內綢繆踰歲年日暮聊總駕逍遙觀洛川殂歿多拱
木宿草凌寒烟遊子易感慨躑躅還自憐願言寄三鳥
離思非徒然

左記室思詠史

韓公淪賣藥梅生隱市門百年信荏苒何爲選作苦心

竟當學衛霍將建功在河源珪組賢君眄青紫明主恩
終軍才始達賈誼位方尊金張服貂冕許史乘華軒王
侯貴片義公卿重一言太平多懽娛飛蓋東都門顧念
張仲蔚蓬蒿滿中園

張黃門協苦雨

丹霞蔽陽景綠泉涌陰渚水鶴巢層甍山雲潤柱礎有
泮興春節愁霖貫秋序燮燮涼葉奪戾戾颶風舉高談
翫四時索居慕儔侶青苕一作苦一作日夜黃芳蕤成宿楚歲
暮百慮一作憂交無以慰延佇

劉大尉琨傷亂

皇晉遘陽九天下橫氛霧秦趙值薄蝕幽并逢虎據伊
余荷寵靈感激狗馳鴛雖無六奇術冀與張韓遇寧戚
扣角歌桓公遭乃舉荀息冒嶮難實以忠貞故空令日
月逝愧無古人度飲馬出城濠北望沙漠路千里何蕭
條白日隱寒樹投袂既憤懣撫枕懷百慮功名惜未立
玄髮已改素時哉苟有會沿亂惟冥數

盧郎中謏感交

大厦須異材廊廟非庸器英俊著世功多士濟斯位眷
顧成綢繆乃與時髦匹姻媾久不虧契濶豈但一逢厄
既已同處危非所恤常慕先達槩觀古論得失馬服爲
趙將疆場得清謚信陵佩魏印秦兵不敢出慨無握中
策徒慙素絲質羈旅去舊京一作感遇踰琴瑟自顧非
杞梓勉力在無逸更以畏友朋濫吹乖實名

郭弘農璞遊仙

崦山多靈草海濱饒竒石偃蹇尋青雲隱淪駐精魄道
人讀丹經方士煉玉液朱霞入窻牖曜靈照空隙傲睨
摘木芝陵波採水碧眇然萬里遊矯掌望烟客永得安
期術豈愁濛汜迫

孫廷尉綽雜述

太素既已分吹萬著形兆寂動苟有原因謂殤子天道

喪涉千載津梁誰能了思乘扶搖翰卓然凌風矯靜觀
尺捶義理足未嘗少罔罔秋月明憑軒詠堯老浪迹無
蚩妍然後君子道領畧歸一南山有綺皓交臂久變
化傳火乃薪草疊疊玄思清曾中去機巧物我俱忘懷
可以狎鷗鳥

許徵君詢自敘

張子闇內機單生蔽外象一時排冥筮泠然空中賞遣
此弱喪情資神任獨往採藥白雲隈聊以肆所養丹葩
曜芳蕤綠竹陰閑敞茗茗寄意勝不覺凌虛上曲櫺激
鮮飈石室有幽響去矣從所欲得失非外獎至哉操斤
客重明固已朗五難既灑落超迹絕塵網

殷東陽仲文興臚

晨遊任所萃悠悠蘊真趣雲天亦遼亮時與賞心遇青
松挺秀萼惠色出喬一作芳樹極眺清波深緬映石壁素
瑩情無餘滓拂衣釋塵務求仁既自我玄風豈外慕直
置忘所宰蕭散得遺慮

謝僕射混遊覽

信矣勞物化憂襟未能整薄言遵郊衢總轡出臺省淒
淒節序高寒寥心悟永時菊耀巖阿雲霞冠秋嶺眷然
惜良辰徘徊踐落景卷舒雖萬緒動復歸有靜曾足迫

言類文卷七十九 人音
桑榆歲暮從所秉舟壑不可攀忘懷寄匠郢

陶徵君潛田居

種苗在東臯苗生滿阡陌雖有荷鉏倦濁酒聊自適日
暮巾柴車路闇光已夕歸人望烟火稚子候簷隙問君
亦何爲百年會有役但願桑麻成蠶月得紡績素心正
如此開逕望三益

謝臨川靈運遊山

江海經邇迴山嶠備盈缺靈境信淹留賞心非徒設平
明登雲峯杳與廬霍絕碧障長周流金潭恒澄徹洞林
帶晨霞石壁映初晰乳竇既滴瀝丹井復寥泝崑崙轉
奇秀崑崙還相蔽赤玉隱瑤溪雲錦被沙汭夜聞猩猩
啼朝見鼯鼠逝南中氣候暖朱華凌白雪幸遊建德鄉
觀奇經禹穴身名竟誰辨圖史終磨滅且泛桂水潮映
月遊海滢攝生貴處順將爲智者說

顏特進延之侍宴

太微凝帝宇瑤光正神縣揆日祭書史相都麗聞見列
漢構仙宮開天製寶殿桂棟留夏飈蘭橈停冬霰青林
結冥濛丹巘被五臣作披葱蒨山雲備卿藹池卉具靈變重
陽集清氛下輦降玄宴驚望分寰隊曬曠盡都甸氣生
川岳陰烟滅淮海見中坐溢朱組步欄造瓊弁禮登佇

言類苑卷七十九
睿情樂閔延皇眇測恩躋踰逸泐牒惜浮賤承榮重兼

金

選作榮重
魏兼金

巡華過盈瑱敢飾輿人詠方慙淥水薦

謝法曹惠連贈別

昨發赤亭渚今宿浦陽汭方作雲峯異豈伊千里別芳
塵未歇席零選作淚猶在袂入聲停艫望極浦弭棹阻風

雪風雪既經時夜永起懷思汎濫北湖遊茗亭南樓期
點翰詠新賞開表瑩所疑摘芳愛氣馥拾藥憐色滋色
滋畏沃若人事亦銷鑠子衿怨勿往谷風誚輕薄共秉
延州信無慙仲路諾靈芝望三秀孤筠情所托所托已
殷勤祇足攪懷人今行嶢嶮外銜思至海濱覲子杳未

儻欵睇在何辰雜珮雖可贈疏華竟無陳無陳心惰勞
旅人豈遊遨幸及風雪霽青春滿江臯解纜候前侶還
望方鬱陶烟景若離遠未響寄瓊瑤

王微君微養疾

窈藹瀟湘空翠澗澹無滋寂歷百草晦歛吸鷓鴣悲清
音往來遠月華散前墀煉藥矚虛幌汎瑟臥遙帷水碧
驗未贖金膏靈詎溜集作詎
能溜北渚有帝子蕩瀆不可期
悵然山中暮懷痾屬此詩

袁太尉淑從駕

宮廟禮哀敬粉邑道嚴玄恭潔由明祀肅駕在祈年詔

古詩類文卷十九
徒登季月戒鳳藻行川雲旆象漢徙宸網擬星懸朱權
麗寒渚金鉸映秋山羽衛藹流景綵吹震沈淵辨詩測
京國履籍鑿都鄜氓謠響玉律邑頌被丹弦文軫薄桂
海聲教燭冰天和惠頌上笏恩渥浹下筵幸侍觀洛後
豈慕巡河前服義方無沫展歌殊未宣

謝光祿莊郊遊

肅舫出郊際徙樂逗江陰翠山方藹藹青浦正沈沈涼
葉照沙嶼秋榮冒水潯風散松架險雲鬱石道深靜默
集作然鏡絲野四睇亂層岑氣清知鴈引露華識後音雲
裝信解黻烟駕可辭金始整丹泉術終覲紫芳心行光

自容裔無使弱思侵

鮑參軍照戎行

豪士枉尺璧宵人重恩光徇義非爲利執羈輕去鄉孟
冬郊祀月殺氣起嚴霜戎馬粟不暖軍士冰爲漿晨上
城臯坂磧礫皆羊腸寒集作雲陰籠白日大谷晦蒼蒼息
徒稅征駕倚劍臨八荒鷦鷯不能飛玄武伏川梁鏃翻
由時至感物聊自傷豈儒守一經未足識行藏

休上人怨別

西北秋風至楚客心悠哉日暮碧雲合佳人殊未來露
彩方泛艷月華始徘徊寶書爲君掩瑤瑟詎能開相思

巫山渚悵望陽雲臺膏鑪絕沈燎綺席生浮埃桂水日
千里因之平生懷

古詩類苑卷之七十九終

古詩類苑卷之八十

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頰玄弼參閱

陳 甲伯子

人部

雜興

雜詩二首

孔融

巖巖鍾山首赫赫炎天路高明曜雲門遠景灼寒素昂
昂累世士結根在所固呂望老匹夫苟爲因世故管仲
小囚臣獨能建功祚人生有何常但患年歲暮幸托不
肖軀且當猛虎步安能苦一身與世同舉厝由不慎小
節庸夫笑我度呂望尚不希夷齊何足慕

遠送新行客歲暮乃來歸入門望愛子妻妾向人悲聞
子不可見日已潛光輝孤墳在西北常念君來遲褰裳
上墟丘但見蒿與薇白骨歸黃泉肌體乘塵飛生時不
識父死後知我誰孤魂遊窮暮飄緇安所依人生圖享
息爾死我念追俛仰內傷心不覺淚沾衣人生自有命
但恨生日希

同前二首

魏文帝

漫漫秋夜長烈烈北風涼展轉不能寐披衣起彷徨
作彷徨忽已久白露沾我裳俯視清水波仰看明月光
天漢回西流三五正縱橫草蟲鳴何悲孤鴈獨南翔鬱
鬱多悲思緜緜思故鄉願飛安得翼欲濟河無梁向風
長歎息斷絕我中腸

西北有浮雲亭亭如車蓋惜哉時不遇適與飄風會吹
我東南行行行至吳會吳會非我鄉安得久畱滯棄置

古詩集卷之八十一 人言
勿復陳客子常畏人

同前七首

魏陳思王

高臺多悲風朝日照北林之子在萬里江河迴且深方
舟安可極離思故難任孤鴈飛南游過庭長哀吟翹思
慕遠人願欲托遺音形影忽不見翩翩傷我心
轉蓬離本根飄颻隨長風何意迴颺舉吹我入雲中高
高上無極天路安可窮類此游客一作流宕子捐軀遠從戎
毛褐不掩形薇藿常不充去去莫復道沈憂令人老
西北有織婦綺縠何續紛明晨秉機杼日昃不成文太
息終長夜悲嘯入青雲委身守空閨良人行從軍自期

三年歸今已歷九春飛一作臺鳥遶樹翔噉噉鳴索群願
爲南流景馳光見我君

南國有佳人容華若桃李朝游江北岸夕宿瀟湘沚時

俗薄朱顏誰爲發皓齒俛一作俯仰歲將暮榮耀難持久

僕夫早嚴駕吾將遠行游遠游欲何之吳國爲我仇將

騁萬里途東路安足由江介多悲風淮泗馳急流願欲

一輕濟惜哉無方舟閒居非吾志甘心赴國憂

飛觀百餘尺臨牖御橈軒遠望周千里朝夕見平原烈

士多悲心小人媮自閒國讐亮不塞甘心思喪元拊劔

西南望思欲赴太山絃急悲聲發聆我慷慨言

攬衣出中閨逍遙步兩楹間房何寂寞綠草被堦庭空
室一作自生風百鳥翩南征春思安可忘憂戚與我并
佳人在遠道妾身單且繁歡會難再遇芝蘭不重榮人
皆棄舊愛君豈若平生寄松爲女蘿依水如浮萍齋身
奉衿帶朝夕不墮傾儻終顧盼恩一作儻能永副我中
情

同前

王粲

日暮遊西園冀寫一作我憂思情曲池揚素波列樹敷丹
榮上有特栖鳥懷春向我鳴褰袵欲從之路險不得征
徘徊不能去佇立望雨形風颺揚塵起白日忽已冥回

身入空房託夢通精誠人欲天不違何懼不合并

同前四首

前人

吉日簡清時從君出西園方軌策良馬金驅厲中原北
臨清漳水西看栢楊山回翔遊廣囿逍遙波水間

列車息衆駕相伴綠水湄幽蘭吐芳烈芙蓉發紅暉百
鳥何續翻振翼羣相追投網引潛魚詩文作鯉強弩下高飛

白日已西邁歡樂忽忘歸

聯翮飛鸞鳥獨遊無所因毛羽照野草哀鳴入層雲我
尚假羽翼飛覩耳形身願及陽春會交頸違殷勤

鷲鳥化爲鳩遠竄江漢邊遭遇風雲會託身鸞鳳間天

姿既否戾受性又不閑邂逅見逼迫俛仰不得言

同前五首

徐幹

沉陰結愁憂愁憂爲誰興念與君相別各在天一方良會未有期中心摧且傷不聊憂食食慊慊常飢空端坐而無爲髣髴君容光

峩峩高山首悠悠萬里道君去日已遠鬱結令人老人生一世間忽若暮春草時不可再得何爲自愁惱每誦昔鴻恩賤軀焉足保

浮雲何洋洋願因通我辭飄飄不可寄徙倚徒相思人離皆復會君獨無反期自君之出矣明鏡暗不治思君

如流水何有窮已時

以下三首王臺作雜詩藝文作室思按宋孝武自君之出矣題云歲

室思當以藝文爲正

慘慘時節盡蘭華凋復零喟然長嘆息君期慰我情展轉不能寐長夜何繇繇躡履起出戶仰觀三星連自恨志不遂泣涕如涌泉
思君見巾櫛以盆我勞勤安得鴻鸞羽覲此心中人誠心亮不遂搔首立悁悁何言一不見復會無因緣故然比目魚今隔如參辰

同前

繁欽

世俗有險易時運有盛衰老氏和其光遽瑗貴可懷

關

同前

劉禎

職事相一作煩填委文墨紛消散馳翰未暇食日昃不知
晏沉迷簿領書田田自昏亂釋此出西城登高且遊觀
方塘含白水中魚與鴈安得蕭蕭羽從爾浮波瀾

同前二首

阮瑀

臨川多悲風秋日苦清涼客子易為戚感一作對此用哀
傷攬衣起躑躅上觀心與房三星守故次明月未收光
鷄鳴當何時朝晨尚未央還坐長嘆息憂憂安可忘
我行自凜秋季冬乃來歸置酒高堂上友朋集光輝念
當復離別涉路險且夷思慮益惆悵決下沾裳衣

同前

稽康

微風清扇雲氣四除皎皎亮月麗于高隅興命公子携
手同車龍驥翼翼揚鑣踟躕肅肅宵征造我友廬光燈
吐輝華幔長舒鸞觴酌醴神鼎烹魚絃超子野歎過綿
駒流詠太素俯讚玄虛孰克英賢與爾剖符

同前

何劭

秋風乘夕起明月照高樹閑房來清氣廣庭發暉素靜
寂愴然歎惆悵選詩作出遊顧仰視垣上草俯察階下露
心虛體自輕飄颻若仙步瞻彼陵上柏想與神人遇道
深難可期精微非所慕勤思終遙夕未言寫情慮

同前三首

傅玄

志士惜日短愁人知夜長攝衣步前庭仰觀南鴈翔玄
景隨形運流響歸空房清風何飄颻微月出西方繁星
衣一作依青天列宿自成行蟬鳴高樹間野鳥號東廂纖
雲時髣髴渥露沾我裳良時無停景北斗忽低昂常恐
寒節至凝氣結爲霜落葉隨風摧一絕如流光

閑夜微風起明月照高臺清響呼不應玄景招不來厨
人進藿茹有酒不盈杯安貧福所與富貴爲禍媒金玉
雖高堂於我賤蒿萊

鵲巢丘城側雀乳空井中居不附龍鳳常畏蛇與蟲依
賢義不恐近暴自當窮

同前

棗據

吳寇未殄滅亂象侵邊疆天子命上宰作蕃於漢陽開
國建元士玉帛聘賢良子非荆山璞謬登和氏塲羊質
服虎文燕翼假鳳翔旣懼非所任怨彼南路長千里旣
悠邈路次限關梁僕夫罷遠涉車馬困山岡深谷下無
底高巖暨穹蒼豐草停滋潤霧露沾衣裳玄林結陰氣
不風自寒涼顧瞻情感切惻愴心哀傷士生則懸弧有
事在四方安得恒逍遙端坐守閨房引義割外情內感
實難忘

同前三首

張華

晷度隨天運四時互相承東壁正昏中洞陰寒節升繁
霜降當夕悲風中夜興朱火青無光蘭膏坐自凝重衾
無暖氣挾纒如懷冰伏枕終遙昔寤言莫予應未思慮
崇昔慨然獨拊膺

逍遙遊春空

宮一作

容與淥池阿白蘋開素葉朱草茂丹

華微風搖蒹若增波動芰荷榮彩曜中林流馨入綺羅
王孫遊不歸脩路邈以遐誰與翫遺芳佇立獨咨嗟
荏苒日月運寒暑忽流易同好逝不存迢迢遠離析房
櫳自來風戶庭無行迹葦葭生牀下蛛蝥網四壁懷思

豈不隆感物重鬱積遊鴈比翼翔歸鴻知接翼來哉彼
君子無愁徒自隔

同前

左思

秋風何冽冽

五臣作烈烈

白露爲朝霜柔條旦夕勁綠葉日

夜黃明月出雲崖皦皦流素光披軒臨前庭嗷嗷晨鴈
翔高志局四海塊然守空堂壯齒不恒居歲暮常慨慷

同前二首

張翰

暮春和氣應白日照園林青條若總翠黃華如散金嘉
卉亮有觀顧此難久耽延頸無良塗頓足託幽深榮與
壯俱去賤與老相尋歡樂不照顏慘愴發謳吟謳吟何

言美卷之八
嗟及古人可慰心

東鄰有一樹三紀裁可拱無花復無實亭亭雲中竦
禽不爲巢短翮莫肯任忽有一飛鳥五色雜英華一鳴
衆鳥至再鳴衆鳥羅長鳴搖羽翼百鳥互相和

同前十首

張協

秋夜涼風起清氣蕩暄濁蜻蛚吟階下飛蛾拂明燭君
子從遠役佳人守螢獨離居幾何時鑽燧忽改木房櫳
無行迹庭草萎以綠青苔依空牆蜘蛛網四屋感物多
所懷沈憂結心曲

大火流坤維白日馳西陸浮陽映翠林迴飈扇綠竹飛

雨灑朝蘭輕露栖叢菊龍蟄暄氣凝天高萬物肅弱條
不重結芳蕤豈再馥人生瀛海內忽如鳥過目川上之
歎逝前脩以自勗

金風扇素節丹霞啟陰期騰雲似涌煙密雨如散絲寒
花發黃采五臣秋草含綠滋閑居玩萬物離羣戀五臣
所思案無蕭氏牘庭無貢公基高尚遺王侯道積自成
基至人不嬰物餘風足染時

朝霞迎白日丹氣臨暘善作谷翳翳結繁雲森森散雨
足輕風摧勁草凝霜竦高木密葉日夜踈叢林森如束
疇昔歎時遲晚節悲年促歲暮懷百憂將從季主卜

昔我資章甫聊以適諸越行行入幽荒歐五臣駱從祝
髮窮年非所用此貨將安設瓠齏夸與璠魚目笑明月
不見郢中歌能否居然別陽春無和者巴人皆下節流
俗多昏迷此理誰能察

朝登魯陽關狹路峭且深流澗萬餘丈園木數千尋咆
虎響窮山鳴鶴聒空林淒風爲我嘯百籟坐自吟感物
多思情在險易常心竭來戒不虞挺轡越飛岑王陽驅
九折周文走岑峯經阻貴勿遲此理著來今

此鄉非吾地此郭非吾城羈旅無定心翩翩如懸旌出
覩軍馬陣入聞鞞鼓聲常懼羽檄飛神武一朝征長鉞

鳴鞘中烽火列邊亭捨我衡門衣更被縵胡纓昔懷
微志帷幕竊所經何必揮干戈堂上有奇兵折衝樽俎
間制勝在兩楹巧遲不足稱拙速乃垂名

迷職投邊城羈束戎旅間下車如昨日望舒四五圓借
問此何時胡蝶飛南園流波戀舊浦行雲思故山闔越
衣文虵胡馬願度燕風土安所習由來有固然

結宇窮岡曲耦耕幽藪陰荒庭寂以閑幽一作岫峭且
深淒風起東谷有滄興南岑雖無筭畢期膚寸自成霖
澤雉登壘雉寒猿擁條吟溪壑無人跡荒楚鬱蕭森投
耒循岸垂時聞樵採音重基可擬志迴淵可比心養真

尚無爲道勝貴陸沉游思竹素園寄辭翰墨林

墨畎躍重淵商羊僂野庭飛廉應南箕豐隆迎號屏雲
根臨八極雨足灑四溟霖瀝過二旬散漫亞九齡階下
伏泉涌堂上水衣生洪潦浩方割人懷昏墊情沈液漱
陳根綠葉腐秋莖里無曲突煙路無行輪聲環堵自頽
毀垣閤不隱形尺燼重尋桂紅粒貴瑤瓊君子守固窮
在約不爽貞雖榮田方贈慙爲溝壑名取志於陵子比
足五臣黔婁生作之

同前

張協

太昊啟東節春郊禮青祇鷹化日夜分雷動寒暑離飛

澤洗冬條浮飈解春澌采虹纓高雲文虬鳴陰池和氣
扇九垓蒼生衍四垂時至萬寶成化周天地移

同前

王讚

朔風動秋草邊馬有歸心胡寧久分析靡靡忽至今王
事離我志殊隔過商參昔往鶴鷓鳴今來蟋蟀吟人情
懷舊鄉客鳥思故林師洎久不奏誰能宣我心

同前三首

楊方

獨坐空室中愁有數千端悲響答愁歎哀涕應苦言玉臺
作心彷徨四顧望白日入西山不覩佳人來但見飛鳥還
飛鳥亦何樂夕宿自作群

飛黃銜長轡翼翼回輕輪俯涉淥水澗仰過九層山脩
途曲且險秋草生兩邊黃華如杳金白華如散銀青敷
羅翠采絳葩象赤雲爰有承露枝紫榮合素芬扶踈重
清藻布翹芳且鮮目爲豔采回心爲奇色旋撫心悼孤
客俯仰還自憐踟躕向壁歎攬筆作此文

南鄰

三臺
作林

有奇樹承春挺素華豐翹被長條綠葉蔽朱

柯因風吐微音芳氣入紫霞我心羨此木願徙著予家

夕得遊其下朝得弄其葩爾根深且堅

藝文類
聚作固

予宅淺

且洿移植良無期歎息將如何

同前二首

陸冲

命駕遵長途綿邈途難尋我行亦何艱山川阻且深
淥澤無夷軌重巒有層陰零雨淹中路玄雲蔽高岑俯悼
孤行獸仰嘆偏翔禽空谷回悲響流風漂哀音羈旅淹
畱久悵望愁我心

肆觀野原外放心希太和景嶽造天漢豐林冒重阿清
芬乘風散豔藻映淥波

同前十一首

陶淵明

人生無根蒂飄如陌上塵分散逐風轉此已非常身落
地爲一作流
落成兄弟何必骨肉親得懽當作樂斗酒聚比

鄰盛年不重來一日難再晨及時當勉勵歲月不待
人

古詩類苑卷之八十一 人語
白日淪西河素月出東嶺遙遙萬里輝蕩蕩空中景風
來入房戶夜中枕席冷氣變悟時易不眠知夕未欲言
無子和揮杯勸孤影日月擲人去有志不獲騁念此懷
悲悽終曉不能靜

榮華難久居盛衰不可量昔爲三春藻今作秋蓮房嚴
霜結野草枯悴未遽央日月有環周我去不再陽眷眷
往昔時憶此斷人腸

丈夫志四海我願不知老親戚共一處子孫還相保觴
絃騎朝日罇中酒不燥緩帶盡歡娛起晚眠常早孰若
當世士米炭滿懷抱百年歸丘壟用此空名道

憶我少壯時無樂自忻豫猛志逸四海騫翮思遠翥荏
苒歲月頽此心稍已去值歡無復娛每每多憂慮氣力
漸衰損轉覺日不如壑舟無須臾引我不得住前途當
幾許未知止泊處古人惜寸陰念此使人懼

昔聞長者言掩耳每不喜柰何五十年忽已親此事求
我盛年歡一毫無復意去去轉欲遠此生豈再值傾家
時作樂竟此歲月駛有子不畱金何用身後置

日月不肯遲四時相催迫寒風拂枯條落葉掩長陌弱
質與運頽玄鬢早已白素標挿人頭前途慚就窄家爲
逆旅舍我如當去客去去欲何之南山有舊宅

代耕本非望所業在田桑躬親未曾替寒餒常糟糠豈
期過滿腹但願飽粳糧御冬足大布麤絺以應陽正爾
不能得哀哉亦可傷人皆盡獲宜拙生失其方理也可
柰何且爲陶一觴

遙遙從羈役一心處兩端掩淚汎東逝順流追時遷日
沒星與昴勢翳西山巔蕭條隔天涯惆悵念長一作常食
慷慨思南歸路遐無由緣關梁難虧替絕音寄斯篇
閑居執蕩志時駛不可稽驅役無停息軒裳逝東崖沉
陰擬薰麝寒氣激我懷歲月有常御我來淹已彌慷慨
憶綢繆此情久已離荏苒經十載誓爲人所羈庭宇翳

餘木倏忽日月虧

我行未云遠回顧慄風涼春燕應節起高飛拂塵梁邊
鴈悲無所代謝歸北鄉離鵲鳴清池涉暑經秋霜愁人
難爲辭遙遙春夜長

集又有一首矧矧松標崖窈窕柔
童子年始三五間喬柯何可倚養

色含精氣粲然有心理
註云東坡和陶無此篇

同前二首

王微

桑妾獨何懷傾筐未盈把自言悲苦多排却不肯捨妾
悲叵陳訴填憂不銷冶寒鴈歸所從半塗失憑假壯情
扑驅馳猛氣捍朝社常懷雲漢慙常欲復周雅重名好
銘勒輕軀願圖寫萬里度沙漠懸師蹈朔野傳聞兵失

利不見來歸者奚處埋於塵何處喪車馬拊心悼恭人
零淚覆面下徒謂久別離不見長孤寡寂寂掩高門寥
寥空廣廈待君竟不歸收顏今就櫝

思婦臨高臺長想憑華軒弄絃不成曲哀歌送苦言箕
帚留江介良人處鴈門詎憶無衣苦但知狐白溫日暗
牛羊下野雀滿空園孟冬寒風起東壁正中昏朱火獨
照人抱景自愁怨誰知心曲亂所思不可論

雜句四首

吳均

晝蟬已傷念夜露復沾衣昔別曾何道今夕螢光飛

錦腰連枝滴一作繡領合歡斜夢中誰不見終成亂眼

花

蜘蛛簷下挂絡緯井邊啼何曾得見子照鏡窻東西
泣聽離夕歌悲銜別時酒自從今日去當復相思否

山中雜詩三首

吳均

山際見來煙竹中窺落日鳥向簷上飛雲從窻裏出
綠竹可克食女蘿可代裙山中自有宅桂樹籠青雲
具區窮地險嵇山萬里餘奈何梁隱士一去無還書

同前

柳惲

雲輕暮色轉草綠晨芳歸山墟罷寒晦園澤閏朝暉春
心多感動睹物情復悲自君之去矣蘭堂罷鳴機徒知

遊宦是不念別離非

雜歌

一作離歌

晨行梓道中梓葉相切磨與君別交中繡如新縑維一作
裂之有餘絲吐之無還期

雜曲二首

王筠

烏還夜已逼蟲飛曉尚賒桂月徒畱影蘭燈空結花
可憐洛城東芳樹搖春風丹霞映白日細雨帶輕虹

古詩類苑卷之八十

終

古詩類苑卷之八十一

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王 頴玄弢叅閱

陳 甲伯子

人部

雜體

離合作郡姓名字詩

孔融

漁父屈節水潛匿方

離魚字

與時進止出行施張

離日字

呂公磯釣闔口涓傍

離口字

九域有聖無土不王

離或字

或全好是正直女回于匡

離子字

海外有截隼逝鷹揚

離當字

乙字恐古文與今文不同合成九也

六翮將奮羽儀未彰

離扇字

蛇龍之螫

俾也可忘

離重字

玳璇隱曜美玉韜光

去玉成文不須合

無名

無譽放言深藏

離與字

按轡安行誰謂路長

離才字合成舉

曹娥碑背上題字

世說新語曰魏武嘗過曹娥碑下楊脩從碑上見題作黃絹幼婦外孫翁曰八字魏武謂脩曰解否答曰解魏武曰卿未可言待我思之行三十里魏武乃曰吾已得令脩別記所

黃絹幼婦外孫翁曰

離合

潘岳

佃漁始化人民穴處意守醇樸音應律呂桑梓被源卉
木在野錫鸞未設金石拂舉害咎蠲消吉德流普谿谷
可安奚作棟宇嫣然以意焉懼外侮熙神委命已求多

古詩類選卷之六

八

二

祐嘆彼季末口出擇語誰能墨識藝文作誠言喪厥所壟私之諺龍潛巖阻妙義崇亂少長失敘思楊容姬難堪

同前

宋孝武帝

霏雲起兮汎濫雨靄昏而不消意氣悄以無樂音塵寂而莫交守邊境以臨敵寸心厲於戎昭閣盈圖記門滿賓僚仲秋始戒中園初凋池育秋蓮水滅寒漂言歸塗以易感日月逝而難要分中心而誰寄人懷念而必謠志容他方

同前

賀道慶

促席宴閑夜足歡不覺疲詠歌無餘願永言終在斯信

作離合

謝靈運

古人怨信次十日眇未央加我懷繾綣口脉情亦傷劇哉歸遊客處子勿相忘別

夜集作離合

謝惠連

四坐嘉賓一客自遠臻九言何所戒十善故宜遵

離合詩二首

前人

放棹遵遙塗方與情人別嘯歌亦何言肅爾凌霜節各夫人皆薄離二友獨懷古思篤子衿詩山當作川何足苦念

字謎三首

鮑照

二形一體四支八頭四八一八飛泉仰流井

頭如刀尾如鈞中央橫廣四角六抽右面負兩刃左邊

雙屬牛龜

乾之一九隻立無偶坤之二六宛然雙宿土

離合詩

何長瑜

宜然悅今會且怨明長別肴軟不能甘有難不可雪

離合詠火

王融

冰容慙遠鑒水質謝明暉是照相思夕早望行人歸火

離合

梁元帝

沈寥雲初一作淨水木儲春光龜定方無遠合浦不難

航寵

離合詩贈尚書令何敬容

蕭巡

南史曰自晉宋以來宰相皆文義自逸敬容獨勤庶務貪俸為時所嗤鄙時蕭琛子巡頗有經濟才因舉其名離合等詩嘲之亦不屑也

伎能本無取支葉復單貧柯條謬承日本石豈知晨狗馬誠難盡犬羊非易馴敬嘖既不似學步孰能真寔由奈朝典是日蠹葵倫俗化於茲鄙人奎自此分何敬容

離合詩贈江藻

沈炯

開門枕芳野井上發紅桃林中藤蔦秀木末風雲高屋室何寥廓至士隱蓬蒿故知人外賞文酒易陶陶友朋

足諧晤又此盛詩騷明月同携手良景共合毫樂巴有
妙術言是神仙曹百年肆偃仰一理詎相勞閑居有樂

離合習字

魏孝文帝

東魏孝文帝宴羣臣酒酣極歡帝因舉卮酒屬羣臣曰

三三橫兩兩縱誰能辨之賜金鍾賜一作賞

御史中尉李彪曰

沽酒老嫗甕注瑰屠兒割肉與稱同一作屠兒所肉與稱同

尚書左丞甄琛曰

吳人浮水自云工妓兒擲袖在虛空一作妓女白目行青空

彭城王綰曰臣始解此是習字高祖即以金鍾賜彪人服彪聰明有習甄琛和之亦速

春日離合二首

庾信

秦青初變曲未有逐琴心明年花樹下月月來相尋春

田家足閑暇士友暫流連三春竹葉酒一曲鷓鴣絃日

詠雪離合

王韶之

霰先集今雪乃零散輝素兮被簷庭曲室寒兮朔風厲

州陸澗今天籟鳴

離合詩

石道慧

好仇華良夜子歡我亦欣昊穹出明月一坐感良晨娛

和蔡黃門口字詠絕句一首

巖巖宮閣路靈靈谷口問誰知名器品語哩各崎嶇

迴文

賀道慶

陽春豔曲麗錦誇文傷情織怨長路懷君惜別同心膺
填思悄碧鳳香殘金屏露曉入夢迢迢抽詞軋軋泣寄
迴波詩緘去札

同前

王融

靜煙臨碧樹殘雪背晴樓冷天侵極戍寒月帶行舟

同前

梁定襄侯

青山映雪含思碧草抽煙繫情屏香夢愁月落棹蘭吟
苦風清零珠淚紅軫促悵雲娥翠杯停聽君唱我離恨
聲悲心悽骨驚

春遊迴文詩

王融

枝分柳塞北葉暗榆關東垂條逐絮轉落葉散花叢池
蓮照曉月幔錦拂朝風低吹雜綸羽薄粉豔粧紅離情
隔遠道嘆結深閨中

後園作迴文詩

前人

此當為梁元帝詩觀簡文諸人和詩可見藝文通名

斜峯繞徑曲聳石帶山連花餘拂戲鳥樹密隱鳴蟬

和湘東王後園迴文詩

梁簡文帝

枝雲間石峯脉水侵山岸池清戲鵠聚樹秋飛葉散

同前

梁邵陵王

燭華臨靜夜香氣入重帟曲度聞歌遠繁絃覺舞遲

同前

庾信

早蓮生竭鑊嫩菊養秋鄰滿池畱浴鳥分橋上戲人

同前

梁定襄侯

危臺出岫迴曲瀾上橋斜池蓮隱弱芰徑篠落藤花

建除詩

鮑照

建旗出燉煌西討屬國羗除去徒與騎戰車羅萬箱滿
山又填谷投鞍合營墻平原亘千里旗鼓轉相望定舍
後未休候騎敕前裝執戈無暫頓彎弧不解張破滅西
零國生虜郵支王危亂悉平蕩萬里置關梁成軍入王

門士女獻壺漿收功在一時歷世荷餘光開壤襲朱紱
左右佩金章閉帷草太玄茲事殆愚狂

同前

范雲

建國負東海衣冠成營丘除道梁淄水結駟登之采蒲
座咸嘉友蘋藻絕時羞平望極聊攝直視盡姑允定交
無恒所同志互相求執手歡高宴舉白窮獻酬破琴豈
重賞臨濠寧再儔危生一朝露螻蟻將見謀成功退不
處爲名自此收收名棄車馬單步及蝸牛開渠納秋水
相土播春疇閉門謝世人何欲復何求

同前

梁宣帝

建國惟神業十世本靈長除苛逾漢祖後后類殷湯滿
盈既虧度否運理還康平階今復覩德星行見祥定寇
資雄畧靜亂屬賢良執訊窮郢魯弔伐徧徐揚破敵勲
庸盛佩紫且懷黃危苗既已竄妖沴亦云亡成功勒雲
社治定理要荒收戟歸農器牧馬恣蒨場開山接梯路
架海擬山梁閉慾同彭老延壽等東皇

同前

沈炯

建章連鳳闕藹藹入雲煙除庭發槐柳冠劔似神仙滿
衢飛玉軼夾道躍金鞭平明塵霧合薄暮風雲騫定交
太學裏射策雲臺邊執事一朝謬朝市忽崩遷破家徒

狗國力弱不扶顛危機空履虎擊惡豈如鷓成師鑿門
去敗績暴尸旋收魂不入斗抱景問穹玄開顏何所說
空憶平生前閉門窮巷里靜掃詠歸田

古兩頭纖纖詩二首

兩頭纖纖月初生半白半黑眼中睛
兩頭纖纖青玉玦半白半黑頭上髮
兩頭纖纖春冰裂
磊磊落落桃初結

兩頭纖纖綺上紋半白半黑鷓翔群
兩頭纖纖膈膈膊膊烏迷矐

奉和兩頭纖纖

王融

兩頭纖纖綺上紋半白半黑鷓翔群
兩頭纖纖膈膈膊膊烏迷矐

磊磊落落玉石分

雙聲詩

前人

園蘅眩紅鵲湖荇燁黃華迴鶴橫淮翰遠越合雲霞

四色詩

前人

赤如城霞起青如松霧澈黑如幽都雲白如瑤池雪

擬古四色詩

范雲

丹如桓公廟青如夕郎門黑如南巖礪白如東山後

四色詩四首

前人

折柳青門外握蘭翠疏中綠蘋騁春日碧渚澹時風
差池朱鷺去繽翻赤鴈歸滉潏丹魚聚聯翻血鳥飛

素鱗颺北渚白水杜南苑獻環潤玉塞歸珠照瓊鞞
烏林葉將實墨池水就乾玄豹藏暮雨黑豹凌夜寒

古五雜組詩

五雜組岡頭草往復還車馬道不獲已人將老

代五雜組

王融

五雜組慶雲發往復還經天月不獲已生胡越

擬古五雜組

范雲

五雜組會塗山往復還兩嶠關不得已孀與鰥

六甲詩

沈炯

甲拆開衆果萬物具敷榮乙飛上危幕雀乳出空城丙

魏舊勲業申韓事刑名丁翼陳詩罷公綏作賦成戊巢
花已秀滿塘草自生已乃忘懷客榮樂尚關情庚庚聞
鳥嘯肅肅望鳧征辛酸多憫惻寂寞少逢迎壬蒸懷太
古覆妙佇無名癸巳空施位詎以召幽貞

六府詩

沈炯

水廣南山暗杖策出蓬門火炬村前發林煙樹下昏金
花散黃蕙蕙草雜芳蓀木蘭露漸落山芝風屢翻土高
行已冒抱甕憶中園穀城定若近當終黃石言

和六府

孔魚

金門朱軌躅吾子盛簪裾木舌無時用萍流復在余水

鄉訪松石蘭澤侶樵漁火洲方可至地肺卽爲居士牛
自知止貞心達毀譽穀稼有時隙乘植望白榆

八音詩

沈炯

金屋貯阿嬌樓閣起迢迢石頭足年少大道跨河橋絲
桐無緩節羅綺自飄飄竹煙生薄晚花色亂春朝匏瓜
詎無匹神女嫁蘇韶土地多妍冶鄉里足塵囂革年未
相識聲論動風飈木桃堪底用寄以答瓊瑤

十二屬詩

前人

鼠迹生塵案牛羊暮下來虎嘯生當作空谷兔月向窓
開龍隰遠青翠蛇柳近徘徊馬蘭方遠摘羊負始春栽

古詩類卷之三
八音
一作
猴栗羞芳果鷄砧引清杯狗其懷物外猪蠶宵悠哉

數名詩

鮑照

一身仕關西家族滿山東二年從車駕齋祭甘泉宮三朝國慶畢休沐還舊邦四牡曜長路輕蓋若飛鴻五侯相餞送高會集新豐六樂陳廣坐組帳揚春風七盤起長袖庭下列歌鍾八珍盈彫俎綺肴紛錯重九族共瞻遲賓友仰徽容十載學無就善宦一朝通

同前

范雲

一鼓有餘氣趨勇正紛紜二廣無遺畧雄虎目為群三河尚擾攘楯櫓起積楹四巡駐青蹕瘞玉曠亭云五十又舒旆旗幟日繽紛六郡良家子慕義輕從軍七獲美前載克俊嘉昔聞八音佇繁律將以安司勳九命既斯復金壁固宜分十難康有道延首望卿雲

同前

虞羲

一去濠水陽連翩遠為客二毛颯已垂家貧無所擇三徑日荒踈遙人心不懌四豪不降意何事黃金百五日來歸者朱輪竟長陌六郡輕薄兒追隨窮日夕七發動音容賓從紛奕奕八表服英嚴光光滿墳籍九流意何以守玄遂成白十載職不移來歸落松栢

星名

王融

眇歎屬辰移端憂臨歲永久慙入漢客每愧尊何影仙
羽誠不退蓬襟良未整誰謂無正心大陵有霜頽

星名從軍詩

張正見

將軍定朔邊刁斗出祁連高柳橫遙塞長榆接遠天井
泉含凍竭烽火照山燃欲知客心斷危旌萬里懸

星名

辛德源

邊禮昏高柳燿火照離宮明堂發三令勾陳集五戎素
扇一作麾全月朱旗引半虹虎落驚氛斂龍城宿霧通
擊鍾張大樂置酒宴群公關山無復阻車書方大同

州名詩

范雲

司春命初鐸青耦肆中樊逸豫誠何事稻梁復宜敦徐
步遵廣隰冀以寫憂源楊柳垂塲圃荆棘生庭門交情
久所見益友能孰存

縣名詩

梁元帝

長陵新市北鄭衛好容儀先過上蘭苑還牽高柳枝薄
粧宜入鏡舒花堪照池蒲州涵水色椒壁雜風吹此時
方夜飲平臺傳羽卮

奉和齊竟陵王郡縣名詩

范雲

撫戈金城外解珮玉門中白馬騰遠雪蒼松壯寒風臨

涇方辯渭安夷始和戎取禾廣田北驅獸飛狐東新城
多雉堞故市絕商工海西舟楫斷雲南煙霧通磬節疇
盛德宣力照武功還飲漁陽水歸應一作轉杜陵蓬

同前

沈約

西都富軒冕南宮溢才彥高闕連朱雉方渠漸游殿廣
川肆河濟長岑繞峭汧曲梁濟危渚平臯騁悠眄青淵
皎澄澈魯山鬱葱雋陽泉濯春藻陰丘聚寒霰西華不
可閤東光促奔箭望都遊子懷臨戎征馬倦既豫平臺
集復齒南皮宴一窺長安城羞言杜陵掾

同前

王融

追芳承荔浦揖道訊虛丘升裾臨廣牧從望盡平洲魚
山臨翠坂方渠緬清流陽臺翻早茂陰館懷名秋歲宴
東光弭景仄西華收端溪慙昔彥測水謝前脩往食曲
阜盛今屬平臺遊燕棠缺初雅鄭衮息遺謳久傾信都
美乃結茂陵儔河間誠可詠南海果難遊

鍼穴名詩

梁元帝

金推五百里日晚唱歸來車轉承光殿步上通天臺釵
臨曲池影扇拂玉堂梅先取中庭入罷逐步廊廻下關
那早閉人迎已復開

姓名詩

前人

征人習水戰辛苦配戈船夜城隨偃月朝軍逐避年龍
吟激水渡虹光入夜圓濤來如陣起星上似烽然經時
事南越還復討朝鮮

和陸慧曉百姓名

沈約

建都望淮海樹闕表衡稽并幹風雲出栢梁星漢齊皇
王臨萬宇惠化覃黔黎吉士服仁義宿昔秉華主庸賢
起幽谷欽言非象犀端委康國步偃息召邦攜舉政方
分策易紀粲金泥伊余沐嘉幸由是別遠畦曾微涓露
答光景遂雲西方隨煉丹子薄暮矯行迷

將軍名詩

梁元帝

虎旅皆成陣龍騎盡能踣鳴鞭俱破虜決勝往長榆細
柳浮輕暗大樹繞栖烏樓船寫退鷁檣鳥狎飛鳧度河
還自許偏與功名俱

相名詩

前人

仙人賣玉杖乘鹿去山林浮杯度池曲摩鏡往河陰井
內書銅板竈裏化黃金妻搖五明扇妾弄一絃琴暫遊
忽千里中天那可尋

宮殿名詩

前人

林間花欲燃竹徑露初圓鬪鷄東道上走馬北塲一作堂
邊合歡依暝卷葡萄向日鮮旗亭覓張放香車迎董賢

定隔天淵水相思夜不眠

張放成
帝幸臣

宮殿名登高臺詩

祖孫登

獨有相思意聊敞鳳凰臺蓮披香稍上月明光正來離

鴿一作鶴

將雲散飛花似雪迴遙思竹林友前窻夜夜開

屋名詩

梁元帝

梁園氣色和斗酒共相過玉柱調新曲畫扇掩餘歌深
潭影菱菜絕壁挂輕蘿木蓮恨花晚薔薇嫌刺多含情
戲芳節徐步待金波

卦名詩

梁簡文帝

櫛比園花蒲徑復水流新離禽時入袖旅谷乍依蘋豐

壺要上客鵠鼎命嘉賓車由泰夏闐馬散咸陽塵蓮舟
雖未濟分密已同人

賦得山卦名

張正見

蓬萊遁羽客巖穴轉蒙籠雲歸仙井暗霧解石橋通影
帶臨峯鶴形隨雜雨風尋師不失路咸欲馭飛鴻

龜兆名詩

梁元帝

土膏春氣生倡女協春情魚遊連北水鵠作遼東鳴折
梅還插鬢盪柱更移聲銀燭含朱火金爐對寶笙百枝
凝夕焰却月隱高城

歌曲名詩

前人

啼鳥怨別偶曙鳥憶離家石闕題書字金燈飄落花東
方曉星没一作度西山晚日斜縠衫迴廣袖團扇掩輕紗
暫借青驄馬來送黃牛車

藥名

王融

重臺信巖敞陵澤乃閑荒石蠹終未蠱垣衣不可裳秦
兄留近詠楚蘅摶遠翔韓原結神草隨庭銜夜光

同前

梁簡文帝

朝風動春草落日照橫塘重臺蕩子妾黃昏獨自傷燭
映合歡被帷飄蘇合香石墨聊書賦鉛華試作粧徒令
惜萱草蔓延蒲空房

奉和藥名詩

庾肩吾

英玉牧荆楚聽訟出池臺督郵稱蝗去亭長說烏來行
塘朱露響當道赤帷開馬鞭聊寫賦竹葉暫傾杯

藥名詩

梁元帝

戍客恒山下常思衣錦歸况看春草歇還見鴈南飛蠟
燭凝花影重臺閉綺扉風吹竹葉袖綢緞流黃機詎信
金城裏繁露曉霑衣

奉和竟陵王藥名詩

沈約

丹草秀朱翹重臺架危岳木蘭露易飲射干枝可結陽
隰採辛夷寒山望積雪玉泉亟周流雲華乍明滅合歡

葉暮捲爵林聲夜切垂景迫連桑思仙慕雲埒荆實剖
丹瓶龍芻汗奔血照握乃夜光盈車非玉屑細柳空歲
蕤水萍終委絕黃符若可挹長生永昭哲

樹名詩

梁元帝

趙李競追隨輕衫露弱枝杏梁始東照柘火未西馳香
因玉釧動珮逐金衣移柳葉生眉上珠璫搖鬢至逢君
桂枝馬車下覓新知

草名詩

前人

胡王迎娉主塗經蒯北遊金錢買含笑銀缸影梳頭初
控游龍馬仍移卷栢舟中江難思切道髮不堪秋况度

菖蒲海落月似懸鈎

船名詩

前人

天際浮雲飛三翼自相追池模白鷓舞檐知青雀歸華
淵通轉塹伏檻跨相磯松澗流星影桂窻斜月暉思君
此無極高樓淚染衣

車名詩

前人

長墟帶江轉連薨映日分佳人坐椒屋接膝對蘭薰繞
砌縈流水邊梁圖畫雲錦色懸殊衆衣香遙出羣日暮
輕帷下黃金妾贈君

鳥名詩

前人

方舟去鳩鵲引欲相要晨鳧移去舸飛燕動歸橈鷄
人憐夜刻鳳女念吹簫雀釵照輕幌翠的繞纖腰復聞
朱鷺曲鈺管雜迴潮

獸名詩

前人

豹韜求秘術虎畧選良臣水涉黃牛浦山過白馬津
摧鋒上狐塞畫像入麒麟果下新花落桃枝芳樹春
王孫及公子熊席復橫陳

出歌

孫楚

茱萸出芳樹顛鯉魚出洛水泉白鹽出河東美豉出魯
川薑桂茶芽出巴蜀椒檟木蘭出高山蓼蘓出溝渠

稗出中田

關

歌


張衡

浩浩陽春發楊柳何依依百鳥自南歸翱翔萃我枝

一作集

古詩類苑卷之八十一

終



古詩類苑卷之八十二

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頴玄駸叅閱

陳 甲伯子

人部

述懷

述志詩二首

仲長統

飛鳥遺跡蟬蛻亡殼騰蛇棄鱗神龍喪角盧谷切至人能
變達士拔俗乘雲無轡騁風無足垂露成幃張霄成幄
沉瀆當餐九陽代燭恒星豔珠朝霞潤玉六合之內恣
心所欲人事可遺何為局促

大道雖夷見幾者寡任意無非適物無可古來繚繞漢書

作繞委曲如瑣百慮何為至要在我寄愁天上埋憂地

下叛散五經滅棄風雅百家雜碎請用從火抗志山棲

一作游心海左元氣為舟微風為柁翱翔太清縱意容

冶初學記載四句云春雲為馬秋風為駟按之不遲勞之不疾

廸志詩

傅毅

漢書曰毅永平中於平陵習章句因作廸志詩

咨爾庶士迨時斯勗日月逾邁豈云旋復哀我經營
力靡及在茲弱冠靡所樹立於赫我祖顯于殷國貳迹
阿衡克光其則武丁興商伊宗室士爰作股肱萬邦是
紀奕世載德迄我顯考保膺淑懿繼修其道漢之中葉
俊乂式序秩彼殷宗光此勲緒伊余小子穢陋靡逮懼
我世烈自茲以墜誰能革濁清我濯漑誰能昭闇啟我
童昧先人有訓我訊我誥訓我嘉務誨我博學爰率朋
友尋此舊則契濶夙夜庶不懈忒秩秩大猷紀綱庶式

匪勤匪昭匪壹匪測農夫不怠越有黍稷誰能云作考
之居息二事敗業多疾我力如彼遵衢則罔所極二志
靡成聿勞我心如彼兼聽則溷於音於戲君子無恒自
逸徂年如流鮮茲暇日行邁屢稅胡能有迄密勿朝夕
聿同始卒

自叙贊

王符

章和二年罷州家居年漸七十時可懸輿仕路隔絕志
窮無如年有不然身有利害髮白齒落日月逾邁疇倫
彌索鮮有恃賴貧無供養志不娛快歷數冉冉庚辛或
際雖懼終徂愚猶沛沛

見志詩二首

酈炎

酈炎字文勝范陽人有文才尚志氣靈帝時
州郡辟命皆不就炎後風病恍惚性至孝遭
母憂病甚發動妻始產而驚死妻
家訟之炎病不能理對竟死獄中

大道夷且長窘路狹且促脩翼無卑棲遠趾不步局舒
吾凌霄羽奮此千里足超邁絕塵驅倏忽誰能逐賢愚
豈常類稟性在清濁富貴有人籍貧賤無天錄通塞苟
由已志士不相卜陳平敖里社韓信釣河曲終居天下
宰食此萬鍾祿德音流千載功名重山嶽

靈芝生河洲動搖因洪波蘭榮一何晚嚴霜瘁其柯哀
哉二芳草不植泰山阿文質道所貴遭時用有嘉絳灌

言卷之六十一 八十五

臨衡宰謂誼崇浮華賢才抑不用遠投荆南沙抱玉乘

龍驥不逢樂與和安得孔仲尼為世陳四科詩品曰文勝託詠靈

芝懷寄不淺

善哉行

曹操

自惜身薄祐夙賤罹孤苦既無三徙教不聞過庭語一解
其窮如抽裂自以思所怙雖懷一介志是時其能與二解
守窮者貧賤惋歎淚如雨泣涕於悲夫乞活要能覩三解
我願於天窮琅邪側傾左雖欲竭忠誠欣公歸其楚四解
快人由為歎抱情不得敘顯行天教人誰知莫不緒五解
我願何時隨此歎亦難處今我將何照於光曜釋銜不

如用

六解○右二曲魏晉樂所奏

步出東西門行

曹操

一曰碣石篇樂志曰碣石魏武帝辭晉以為碣石舞其歌四章一曰觀滄海二曰冬十月三日土不同四曰龜雖壽與此金同但曲前無豔爾

雲行雨步超越九江之臯臨觀異同心意懷遊豫不

知當復何從經過至我碣石心惆悵我東海雲行至此為豔

東臨碣石以觀滄海水河澹澹山島竦峙樹木叢生百

草豐茂秋風蕭瑟洪波一作湧起日月之行若出其中

星漢燦爛若出其裏幸甚至哉歌以詠志一解

右觀滄海

孟冬十月北風徘徊天氣肅清繁霜霏霏鷓鴣晨鳴鴻
鴈南飛鷺鳥潛藏熊羆窟栖錢鏘停置農收積場逆旅
整設以通商賈幸甚至哉歌以詠志

二解

右冬十月

鄉土不同河朔隆寒流澌浮漂舟船行難雖不入地豐
籟深奧水竭不流水堅可蹈士隱者貧勇俠輕非心常
歎怨戚戚多悲幸甚至哉歌以詠志

三解

右土不同

一作河朔寒

神龜雖壽猶有竟時騰蛇乘霧終爲土灰老驥伏櫪志
在千里烈士暮年壯心不已盈縮之期不但在天養怡

始作之福可得永年幸甚至哉歌以詠志

右一曲魏晉樂所奏

右龜雖壽

秋胡行二首

曹操

晨上散關山此道當何難晨上散關山此道當何難牛
頓不起車墮谷聞坐盤石之上彈五絃之琴作爲清角
韻意中迷煩歌以言志晨上散關山

一解

有何三老公卒

來在我傍有何三老公卒來在我傍負揜披裘似非恒
人謂卿云何困苦以自怨徨徨所欲來到此間歌以言

志有何三老公

二解

我居崑崙山所謂者真人我居崑崙

山所謂者真人道深有可得名山歷觀遨遊八極枕石

漱流飲泉沉吟不決遂上升天歌以言志我居崑崙山

三去去不可追長恨相牽攀去去不可追長恨相牽攀

夜夜安得寐惆悵以自憐正而不譎乃一作賦依因經

傳所過西來所傳歌以言志去去不可追四

願登泰華山神人共遠遊願登泰華山神人共遠遊經

歷崑崙山到蓬萊飄飄八極與神人俱思得神樂萬歲

為期歌以言志願登泰華山解天地何長久人道居之

短天地何長久人道居之短世言伯陽殊不知老赤松

王喬亦云得道得之未聞庶以壽考歌以言志天地何

長久二明明日月光何所不光照明明日月光何所不

光昭二儀合聖化貴者獨人不萬國率土莫非王臣仁

義為名禮樂為榮歌以言志明明日月光三四時更逝

去晝夜以成歲四時更逝去晝夜以成歲大人先天而

天弗違不戚年往憂世不治存亡有命慮之為蚩歌以

言志四時更逝去四戚戚欲何念歡笑意所之戚戚欲

何念歡笑意所之壯盛智惠殊不再來愛時進趣將以

惠誰汎汎放逸亦同何為歌以言志戚戚欲何念五解

一曲魏晉樂所奏

言志

魏陳思王

慶雲未時興雲龍潛作魚神鸞失其儔還從燕雀居

矯志詩

前人

芝桂雖芳

今本作芳樹雖香

難以餌烹尸位素餐難以成名磁

石引鐵於金不連大朝舉士愚不聞焉抱壁塗乞無為

貴寶履仁遘禍無為貴道鴛鴦遠害不羞卑棲靈虬避

難不耻污泥都蔗雖甘杖之必折巧言雖美用之必滅

濟濟唐朝萬邦作孚

闕

逢蒙雖巧必得良弓聖

藝文作賢

主

雖知必得

亦待

英雄螳螂見嘆齊士輕戰越王賦蛙

國以死獻道遠知驥世偽知賢覆之疇之順天之矩澤

如凱風惠如時雨口為禁闔舌為發機門機之闔楛矢

不追

述志詩二首

嵇康

潛龍育神軀濯鱗戲蘭池延頸慕大庭寢足俟皇羲慶

雲未垂景盤桓朝陽陂悠悠非吾匹儔肯應俗宜殊類

難徧周鄙議紛流離軼軻丁悔吝雅志不得施耕耨感

甯越馬席激張儀逝將離羣侶杖策追洪崖焦鵬振六

翮羅者安所羈浮遊太清中更求新相知比翼翔雲漢

飲露食瓊枝多念世間人夙駕咸驅馳冲靜得自然榮

華安足為

斥鷃擅蒿林仰笑神鳳飛

一作姿

坎井蟾蛭宅神龜安所

歸恨自用身拙任意多永思遠實與世殊義譽非所希

往事既已謬來者猶可追何爲人事間自令心不夷慷慨思古人夢想見容輝願與知己遇舒憤放其微巖穴多隱逸輕舉求吾師晨登箕拾遺山巔日夕不知飢玄居養營魄千載長自綏

采薪者歌

阮籍

日沒不周西月出丹淵中陽精蔽不見陰光代爲雄亭亭在須臾厭厭將復隆離合雲霧兮往來如飄風富貴俯仰間貧賤何必終留侯起亡虜威武赫荒夷邵平封東陵一旦爲布衣枝葉托根柢死生同盛衰得志從命升失勢與時隕寒暑代征邁變化更相推禍福無常主

何憂身無歸推茲由斯負薪又何哀

大人先生歌

前人

天地解兮六合開星辰隕兮日月頽我騰而上將何懷

詠懷詩三首

前人

阮籍字嗣宗陳留尉氏人司空記室瑀之子容貌瑰傑志氣空放初辟太尉掾進散騎常侍大將軍司馬昭爲其子炎求婚籍乃醉六十日不得言而止後引爲從事中郎籍聞步兵厨多美酒遂求爲步兵校尉縱酒昏酣遺落世事又對人能爲青白眼由是禮法之士深所讐疾大將軍常保持之○詩品曰阮籍詩其源出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會於風雅使人忘其鄙近自致遠大頗多感慨之詞厥旨淵放歸趣難求顏延之注解怯言其志

天地網緼元精代序清陽曜靈和風容與明日映天
露被宇翳鬱高松猗那長楚草蟲哀鳴鶴鷓振羽感時
興思企首延佇於赫帝朝伊衡作輔才非允文器非經
武適彼沅湘託分漁父優哉游哉爰居爰處

月明星稀天高氣寒桂旗翠旌珮玉鳴鸞濯纓醴泉被
服蕙蘭思從二女適彼湘沅靈幽聽微一作誰觀玉顏
灼灼春華綠葉含丹日月逝矣惜爾華繁

清風蕭蕭夜漫漫嘯歌傷懷獨寐寤言臨觴拊膺對
食忘食世無萱草令我哀歎鳴鳥求友谷風刺愆重華
登庸帝命凱元鮑子傾蓋仲父佐桓回瀆嗟虞敢不希

顏志存明規匪慕彈冠我心伊何其芳若蘭

詠懷八十二首

前人

阮嗣宗集傳之既久頗存偽闕世之較錄者
往往肆為補綴作者之旨淆亂甚焉今以諸
本參校其義稍優者為正文互異者分註於
下其舊有闕文疑字而今本竄益者廓其傍
俟再
考正

夜中不能寐起坐彈鳴琴薄帷鑒明月清風吹我衿孤
鴻號外野翔鳥鳴北林徘徊將何見憂思獨傷心
二妃遊江濱逍遙順風翔交甫懷環珮婉孌有芬芳猗
靡情歡愛千載不相忘傾城迷下蔡容好結中腸感激
生憂思萱草樹蘭房膏沐為誰施其雨怨朝陽如何金

石交一旦更離傷

嘉樹下成蹊東園洮與李秋風吹飛藿零落從此始繁
華有憔悴堂上生荆杞驅馬舍之去去上西山趾一身
不自保何況戀妻子凝霜被野草歲暮亦云已

天馬出西北由來從東道春秋非有託富貴焉常保清
露被皐蘭凝霜霑野草朝爲媚五臣作美少年夕暮成醜老
自非王子晉誰能常美好

平生少年時輕薄好絃歌西遊咸陽中趙李相經過娛
樂未終極白日忽蹉跎驅馬復來歸反顧望三河黃金
百鎰盡資用常苦多北臨太行道失路將如何

昔聞東陵瓜近在青門外連畛距阡陌子母相鉤帶五
色曜朝日嘉賓四面會膏火自煎熬多財爲患害布衣
可終身寵祿豈足賴

炎暑惟茲夏三旬將欲移芳樹垂綠葉青雲目逶迤四
時更代謝日月逝參差一作差徘徊空堂上切怛莫我知
願覩卒歡好不見悲別離

灼灼西墮日餘光照我衣迴風吹四壁寒鳥相因依周
周尚銜羽蛩蛩亦念飢如何當路子磬折忘所歸豈爲
夸譽名憔悴使心悲寧與燕雀翔不隨黃鵠飛黃鵠遊
四海中路將安歸

步出上東門北望首陽岑下有采薇士上有嘉樹林良
辰在何許凝霜霑衣襟寒風振山崗玄雲起重陰鳴鴈
飛南征鷓鴣發哀音素質游商聲悽愴傷我心

北里多奇舞濮上有微音輕薄閑遊子俯仰乍浮沉捷
徑從狹路僂俛趨荒淫焉見王子喬乘雲翔鄧林獨有
延年術可以五臣慰我心

湛湛長江水上有楓樹林臯蘭被徑路青驪逝駸駸遠
望令人悲春氣感我心三楚多秀士朝雲進荒淫朱華
振芬芳高蔡相追尋一爲黃雀哀淚下誰能禁

昔日繁華子安陵與龍陽天天桃李花灼灼有輝光悅

懌若九春磬折似秋霜流盼發姿媚言笑吐芬芳攜手
等歡愛宿昔同衣裳願爲雙飛鳥比翼共翱翔丹青著
明誓永世不相忘

登高臨四野北望青山阿松栢翳岡岑飛鳥鳴相過感
慨懷辛酸怨毒常苦多李公悲東門蘇子狹三河求仁
自得仁豈復歎咨嗟

開秋兆涼氣蟋蟀鳴牀帷感物懷殷憂悄悄令心悲多
言焉所告繁辭將訴誰微風吹羅袂明月耀清暉晨鷄
鳴高樹命駕起旋歸

昔年十四五志尚好詩書被褐懷珠玉顏閔相與期開

軒臨四野登高望所思丘墓蔽山岡萬代集一作世同一時

千秋萬歲後榮名安所之乃悟羨門子噉噉令自蚩

徘徊蓬池上還顧望大梁綠水揚洪波曠野莽茫茫走

獸交橫馳飛鳥相隨翔是時鶉火中日月正相望朔風

厲嚴寒陰氣下微霜羈旅集一作匹俛仰懷哀傷小人計

其功君子道其常豈惜終憔悴詠言著斯章

獨坐空堂上誰可與歡者出門臨永路不見行車馬登

高望九州悠悠分曠野孤鳥西北飛離獸東南下日暮

思親友晤言用自寫

懸車在西南羲和將欲傾流光耀四海忽忽至夕冥朝

爲咸池暉濛汜受其榮豈知集一作放窮達士一死不再生

視彼桃李花誰能久熒熒君子在何許嘆息集一作曠世未合

并瞻仰景山松可以慰吾情

西方有佳人皎若白日光被服織羅衣左右珮雙璜脩

容耀姿美順風振微芳登高眺所思舉袂當集一作朝陽

寄顏雲霄間揮集一作凌虛翔飄飄恍惚中流眄顧我傍悅

擇未交接晤言用感傷

揚朱泣岐路墨子悲染絲揖讓長離別飄颻難與期豈

徒燕婉情存亾誠有之蕭索人所悲禍釁不可辭趙女

媚中山謙柔愈見欺嗟嗟塗上士何用自保持

於心懷寸陰羲陽將欲冥揮袂撫長劔仰觀浮雲征雲

間有玄鶴抗志揚哀聲一飛冲青天曠世不再鳴豈與

鷄鷄遊連翩戲中庭

京師曹氏家藏沉步兵詩一卷唐人書與世所傳多異其一篇云

放心懷寸陰羲和將欲冥揮袂撫長劔仰觀浮雲行雲

鷄鷄徒翩翩戲中庭孔宗壽亦有本與此多同

夏后乘靈輿夸父爲鄧林存亾從變化日月有浮沉鳳

凰鳴參差伶倫發其音王子好簫管世世相追尋誰言

不可見青鳥明我心

東南有射山汾水出其陽六龍服氣輿雲蓋切一作天

綱仙者四五人逍遙晏蘭房寢息一純和呼喚成靈寤

沐浴丹淵中炤耀日月光豈安通集作靈臺遊濔去高

翔

殷憂令志結怵惕常若驚逍遙未終晏朱華忽西傾蟋

蟀在戶牖蟋蟀號中庭心腸未相好誰云亮我情願爲

雲間鳥千里一哀鳴三芝延瀛洲遠遊可長生

拔劔臨白刃安能相中傷但畏工言子稱我三江旁飛

泉流玉山懸車栖扶桑日月徑千里素風發微霜勢外編

世路有窮達咨嗟安可長

朝登洪坡顛日夕望西山荆棘被原野羣鳥飛翩翩鸞

鷲時集作栖宿性命有自然建木誰能近射干復嬋娟

古詩類卷之八十一 八印 世 二百七十一本

不見林中葛延蔓相勾連

周鄭天下交街術當三河妖冶間都子煥耀何芬葩玄
髮發一作照朱顏睇眄有光華傾城思一顧遺視來相誇

初學作過願爲三春遊朝陽忽蹉跎盛衰在頃臾離別將如
何

若花一作木耀四海一作西扶桑翳瀛洲日月經天塗明暗

不相讐一作集作窮達自有常得失又何求豈效路上童携

手共遨遊陰陽有變化誰云沉不浮朱鷺躍飛泉夜飛
過吳洲俛仰運天地再撫四海流繫累名利場駑駘同
一輶豈若遺耳目升遐去殷憂

昔余遊大梁登于黃華顛共工宅玄冥高臺造青天幽

荒邈悠悠悽愴懷所憐所憐者誰子明察自照妍一作應自

應龍沉冀州妖女不得眠肆侈一作倖陵世俗豈云永

厥年

驅車出門去意欲遠征行征行安所如背棄夸與名夸
名不在已但願適中情單帷蔽皎日高榭隔微聲讒邪
使交䟽浮雲令晝冥嬾婉同衣裳一顧傾人城從容在
一時繁華不再榮晨朝奄復暮不見所歡形黃鳥東南
飛寄言謝友生

駕言發魏都南向望吹臺簫管有遺音梁王安在哉戰

士食糟糠賢者處蒿萊歌舞曲未終秦兵已復來夾林
非吾有朱宮生塵埃軍敗華陽下身竟爲土灰

朝陽不再盛白日忽西幽去此若俯仰如何似九秋人
生若塵露天道邈悠悠齊景升丘山涕泗紛交流孔聖
臨長川惜逝忽若浮去者余不及來者吾不畱願登太
華山上與松子遊漁父知世患乘流泛輕舟

一日復一夕一夕復一朝顏色改平常精神自損消胃
中懷湯火變化故相招萬事無窮極一作知謀苦不饒
但恐須臾間魂氣隨風飄終身履薄冰誰知我心焦
一日復一朝一昏復一晨容色改平常精神自飄淪臨

觴多哀楚思我故時人對酒不能言悽愴懷酸辛願耕
東臯陽誰與守其真愁苦在一時高行傷微身曲直何
所爲龍蛇爲我隣

世務何繽紛人道苦不遑壯年以時逝朝露待太陽願
攬羲和轡白日不移光天階路殊絕雲漢邈無梁濯髮
賜谷濱遠遊崑岳傍登彼列仙咀採此秋蘭芳時路鳥
足爭太極可翱翔

誰言萬事難逍遙可終生臨堂翳華樹悠悠念無形彷徨
思親友倏忽復至冥寄言東飛鳥可用慰我情

嘉時在今辰零雨灑塵埃臨路望所思日夕復不來人

情有感慨蕩漾焉能排揮涕懷哀傷辛酸誰語哉

炎光延萬里洪川蕩湍瀨彎弓掛扶桑長劍倚天外泰山成砥礪黃河爲裳帶視彼莊周子榮枯何足賴捐身棄中野烏鳶作患害豈若雄傑士功名從此大

壯士何慷慨志欲威八荒驅車遠行役受命念自忘良弓挾烏號明甲有精光臨難不顧生身死魂飛揚豈爲全軀士效命爭戰場忠爲百世榮義使令名彰垂聲謝後世氣節故有常

混元生兩儀四象運衡璣暎日布炎精素月垂景輝晷度有昭回哀哉人命微飄若風塵逝忽若慶雲晞脩齡

適余願光寵非已歲安期步天路松子與世違焉得凌霄翼飄飄登雲湄嗟哉尼父志何爲居九夷

天網彌四野六翮掩不舒隨波紛綸客集作落汎汎若浮

鳧一作鸕生命無期度朝夕有不虞列仙停脩齡養志在

冲虛飄飄雲日間邈與世路殊榮名非已寶聲色焉足娛採藥無旋返神仙志不符逼此良可感令我久躊躇

王業湏良輔建功俟英雄元凱康哉美多士頌聲隆陰陽有舛錯日月不常融天時有否泰人事多盈冲園綺遜南岳伯陽隱西戎保身念道真寵耀焉足崇人誰不善始尠能尠厥終休哉上世士萬載垂清風

鴻鵠相隨飛飛適荒裔雙翮臨長風須臾萬里逝朝
餐琅玕實夕宿丹山際抗身青雲中網羅孰能制豈與
鄉曲士携手共言誓

儔物終始殊脩短各異方琅玕生高山芝英耀朱堂
熒桃李花成蹊將天傷焉敢希千術三春表微光自非
凌風樹憔悴鳥一作有常

幽蘭不可佩朱草爲誰榮脩竹隱山陰射干臨墻城葛
藟延幽谷絲絲瓜瓞生樂極消靈神哀深傷人情竟知
憂無益豈若歸太清

鸞鳩飛桑榆海鳥運天池豈不識宏大羽翼不相宜

搖安可翔不若棲樹枝下集蓬艾間上游園圃籬但爾
亦自足用子爲追隨

生命辰在安憂戚涕沾襟高鳥翔山岡鷺雀棲下林青
雲蔽前庭素琴懷我心崇山有鳴鶴豈可相追尋

鳴鳩嬉庭樹焦明遊浮雲焉見孤翔鳥翩翩無匹群死
生自然理消散何繽紛漢魏詩集合前爲一首

步遊三衢旁惆悵念所思豈爲今朝見恍惚誠有之澤
中生喬松萬世未一作安可期高鳥摩天飛凌雲共遊嬉
豈有孤行士垂涕悲故時

清露爲凝霜華草成蒿萊誰云君子賢明達集作自安可

能乘雲招松喬呼喻永矣哉

丹心失恩澤重德喪所宜善言焉可長慈惠未易施不見南飛鸞羽翼正差池高子怨新詩三閭悼垂離何爲混沌氏倏忽體貌隳

十日出暘谷弭節馳萬里經天耀四海倏忽潛濛汜誰言焱炎久遊沒何行俟逝者豈長生亦去荆與杞千歲

猶崇朝一餐聊自己

一作百金子

是非得失間焉足相譏理

計利知術窮哀情遽

一作能止

自然有成理生死道無常智巧萬端出大要不易方如向夸毘子作色懷驕腸乘軒驅良馬憑几向膏梁被服

織羅衣深榭設閑房不見日夕華翩翩飛路傍

夸談快憤懣情

一作情

慵發煩心西北登不周東南望鄧

林曠野彌九州崇山抗高岑一餐度萬世千歲再浮沉

誰云玉石同淚下不可禁

人言願延年延年欲焉之黃鵠呼子安千秋未可期獨

坐山崑中惻愴懷所思王子一何好倚靡相攜持悅懌

猶今辰計校在一時置此明朝事日夕將見欺

今本作潛見安

能處山巖在一時置此明朝事日夕將見欺

貴賤在天命窮達自有時婉孌佞邪子隨利來相欺孤思損惠施但爲讒夫蚩鵠鳴雲中載飛靡所期焉知

傾側士一旦不可持

驚飛振四野迴雲蔭堂隅牀帷爲誰設几杖爲誰扶雖
非明君子豈闇桑與榆世有此聾聵芒芒將焉如翩翩
從風飛悠悠去故居離麾玉山遺棄毀與譽

危冠切浮雲長劍出天外細故何足慮高度跨一世非
子爲我御逍遙遊荒裔顧謝西王母吾將從此逝豈與
蓬戶士彈琴誦言誓

河上有丈人綿簫棄明珠甘彼藜藿食樂是蓬蒿廬豈
效繽紛子良馬騁輕輿朝生衢路傍夕瘞橫術隅歡笑
不終晏俛仰復欷歔鑒茲一三者憤懣從此舒

儒者通六藝

一作義

立志不可干違禮不爲動非法不肯

言渴飲清泉流飢食并

一作廿

一簞歲時無以祀衣服常

苦寒屣履詠南風緼袍笑華軒信道守詩書義不受一

餐烈烈褒貶辭老氏用長嘆

少年學擊刺

集作劍

妙伎過曲城英風截雲霓超世發奇

聲揮劍臨沙漠飲馬九野垆旗幟何翩翩但聞金鼓鳴

軍旅令人悲烈烈有哀情念我平常時悔恨從此生

平書整衣冠思見客與賓賓客者誰子倏忽若飛塵裳

衣佩雲氣言語究靈神須臾相背棄何時見斯人

多慮令志散寂寞使心憂翱翔觀陂

一作彼

澤撫劍登輕

舟但願長閑暇後歲復來遊

朝出上東門遙望首陽基松柏鬱森沉鸚黃相與嬉逍遙九曲間徘徊欲何之念我平居時鬱然思妖姬

王子十五年遊行伊洛濱朱顏茂春華辨慧懷清真焉見浮丘公舉手謝時人輕蕩易恍惚飄颻棄其身飛飛鳴且翔揮翼且酸辛

塞一作寒

門不可出海水焉可浮朱明不相見奄昧獨無

侯持瓜思東陵黃雀誠獨羞失勢在須臾帶劍上吾丘悼彼桑林子涕下自交流假乘汧渭間鞍馬去行遊

洪生資制度被服正有常尊卑設次序事物齊紀綱容

飾整顏色磬折執圭璋堂上置玄酒室中盛稻粱外厲貞素談戶內滅芬芳放口從衷出復說道義方委曲周旋儀恣態愁我腸

北臨乾昧谿西行遊少任遙顧望天津貽蕩樂我心綺靡存亾門一遊不再尋儻遇晨風鳥飛駕出南一作東林漭漭瑤光中忽忽肆荒淫休息晏清都超世又誰禁一作

起坐復誰禁示

人知結交易交友誠獨難險路多疑惑明珠未可干彼求饗太牢我欲并一餐損益生怨毒咄咄復何言

有悲則有情無悲亦無思

集作無情亦無悲

苟非嬰網罟何必

萬里畿翔風拂重霄慶雲招所晞灰心寄枯宅曷顧人
間姿始集作得忘我難焉知嘿自遺

木槿榮丘墓煌煌有光色白日頽林中翩翩零路側蟋
蟀吟戶牖螻蛄鳴荆棘蜉蝣玩三朝采采脩羽翼衣裳
爲誰施俛仰自收拭生命幾何時慷慨各努力

脩塗馳軒車長川載輕舟性命豈自然勢路有所由高
名令志惑重利使心憂親昵懷反側骨肉還相讐更希
毀珠玉可用登遨遊

橫術有奇士黃駿服其箱朝起瀛洲野日夕宿明光再
撫四海外羽翼自飛揚去置世上事豈足愁我腸一去

長離絕千歲復相望

倚歎上世士恬淡志安貧季葉道陵遲馳騫紛垢塵寧
子豈不類楊歌誰肯殉一作栖栖非我偶徬徬非已倫

咄嗟榮辱事去來味道真道真信可娛清潔存精神巢
由抗高節從此適河濱

梁東有芳草一朝再三榮色容豔姿美光華耀傾城豈
爲明哲士妖蠱諂媚生輕薄在一時安知百世名路端
便媚子但恐日月傾焉見冥靈木悠悠竟無形

秋駕作稅駕安可學東野窮路旁綸深魚淵潛矰設鳥
高翔汎汎乘輕舟演漾靡所望吹噓誰以益江湖相捐

忘都治難爲顏脩容是我常茲年在松喬恍惚誠未央

莊子逸篇尹儒學御三年而無所得夜夢受秋駕明日在朝師師曰今將教子以秋駕註曰秋駕法駕也

咄嗟行至老僂俛常苦憂臨川美洪波同始異支流百

年何足言但苦怨與讐讐怨者誰子耳目還相差聲色

爲胡越人請自逼道招彼玄通士去來歸美遊

昔有神仙士乃處射山阿乘雲御飛龍噓噏音机小食也

瓊華可聞不可見慷慨嘆咨嗟自傷非疇類愁苦來相

加下學而上達忽忽將如何

林中有奇鳥自言是鳳凰清朝飲醴泉日夕栖山岡高

鳴徹九州延頸望八荒適逢商風起羽翼自摧藏一去

崑崙西何時復迴翔但恨處非位愴恨使心傷

出門望佳人佳人豈在茲三山招松喬萬世誰與期存

亡一作有長短慷慨將焉知忽忽朝日隕行行將何之

不見季秋草摧折在今時

昔有神仙者羨門及松喬噏習九陽間升遐噏雲霄人

生樂長久百年自言遼白日隕隅谷一夕不再朝豈若

遺世物登明遂飄颻

藹前熒熒者木槿耀朱華榮好未終朝連颺隕其葩豈

若西山草琅玕與丹朮垂影臨增城餘光照九阿寧微

少年子日久難咨嗟

詩類苑卷之八十二

八部

詩類苑卷之八十二

終

國家圖書館. NATIONAL CENTRAL LIBRARY, TAIWAN, R.O.C.



古詩類苑卷之八十三

雲間張之象玄超纂輯

俞顯卿子如補訂

張所敬長與

俞顯謨子昭 校正

王 頰玄弢 叅閱

陳 甲伯子

人部

述懷

言志

何晏



國家圖書館, NATIONAL CENTRAL LIBRARY, TAIWAN, R.O.C.

名士傳曰是時曹爽輔政識者慮有危機晏
有重名與魏姻戚內雖懷憂而無復退也著
五言詩以
言志曰

雙鶴

世說作
鴻鵠

比翼遊群飛戲太清常恐失

世說
作大

網羅憂

禍一旦并豈若集五湖順流唼浮萍逍遙放志意

世說
作未

寧曠
中懷

何為怵惕驚

述懷詩

張載

跋涉山川千里告辭楊子哭岐墨氏感絲雲乖雨絕心
乎愴而

勵志詩九章

張華

大儀幹

鳥括
反

運天迴地游四氣鱗次寒暑環周星火既

夕忽焉素秋涼風振落熠燿宵流

吉士思秋寔感物化日與月與

平聲

荏苒代謝逝者如斯

曾無日夜嗟爾庶士胡寧自舍

去聲

仁道不遐德輔如羽求焉斯至衆鮮克舉大猷玄漠將

抽厥緒先民有作貽我高矩

雖有淑姿放心縱逸出般

音

于游居多暇日如彼梓材

弗勤丹漆雖勞樸斲終負素質

養由矯矢獸號于林蒲蘆縈繳

職畧
反

神感飛禽末伎之

妙動物應心研精耽道安有幽深

安心恬蕩棲志浮雲體之以質彪之以文如彼南畝力

未既勤蔗

鑄音

裝

衣音

致功必有豐殷

水積成川載瀾載清土積成山歆蒸鬱冥山不讓塵川

不辭盈勉爾

志一作

舍弘

以隆德聲

高以下基洪由織起川廣自源成人在始累

上聲

微以著

乃物之理纏

音

牽之長實累

去聲

千里

復禮終朝天下歸仁若金受礪若泥在鈞進德脩業輝
光日新隰朋仰慕予亦何人

隴西行

謝靈運

昔在老子至

志一作

理成扁柱小傾大綆短絕泉鳥之栖

遊林檀是閑韶樂中豈伊攸便胡爲乖枉從表方圓

耿耿僚志慊慊丘園善歌以詠言理成篇

言志

謝惠連

夕坐苦多慮行歌踐閨中房櫳引傾月步檐結春風

辭難潮溝

顏延之

徘徊眷郊甸俛仰引單襟一塗苟不豫百慮畢來侵永
懷交在昔有願誓瑟琴寫言勞者事將用慰亡簪

應令詩

梁簡文帝

微軀多幸接萼嘉運紫幄承慈青衿稟訓傍玉流溫依
蘭染薰百氏旣洽六義乃摘辭河瀉潤高論忘疲翠幙
晨宇朱花夜池牕斜八綺燈懸百支

古詩經卷之三十一
人部
藩難未靜述懷

梁元帝

玉節威雲夢金鉦韻渚宮霜戈臨塹白日羽映流紅單
醪結猛將芳餌引群雄箭擁淇園竹劍聚若溪銅亟覩
周王駿多逢鮑氏驄謀出河南賈威寄隴西馮溪雲連
陣合却月半山空樓前飄密柳井上落疎桐差營逢靈
雨立壘挂長虹

詠懷二首

吳均

僕本報恩人走馬救東秦黃龍暗迢遞青泥寒苦辛野
戰劒鋒盡攻城才智貧唯餘一死在畱持贈主人
元淑勢位卑長卿宦情寡二頃且營田三錢聊飲馬懸

風白雲上挂月青山下心中欲有言未得忘言者

同前三首

張君祖

運形不標異澄懷恬無欲座可栖王侯門可迴金轂風
來詠逾清鱗萃淵不濁斯乃玄中子所以矯逸足何必
翫幽閑青衿表離俗百齡苟未遐昨辰亦非促曩騰望
舒暎曩今迭相燭一世皆逆旅安悼電往速區區雖非
黨兼忘混礫玉恪神罔叢穢要在夷心曲

靈飈起回浪飛雲騰逆鱗苟擢南陽秀固集三造賓緬
懷結寂夜味藻詠終晨延佇時無違誰與拂流塵眇情
寄極眇蕭條獨遨神相忘東溟裏何晞西潮津我崇道

古詩類苑卷之三十一 人部
無廢長謠想義人

遙遜播荆衡杖策憇南郢
遭動透浪迹遇靖恬夷性拊
卷從老語揮綸與莊詠遐眺
獨緬想蕭神飈塵正時無
喜惠偶絕韻將誰聽習一作君
子茂芳標有欣徽音令穎
敷陵霜倩葩熙三春盛拂翮
期霄翔豈與桑榆競我混
不材姿遺情忘雕映雖非嶧
陽椅聊以翮泗磬

和張侍中述懷

庾信

陽窮乃悔吝世季誠屯剥
奔河絕地維折柱傾天角
成群海水飛如雨天星落負
鍾遂移山藏舟終去壑生民
忽已魚君子徒爲鶴疇昔逢
知已生平何恩渥故組竟

無聞程嬰空寂寞永嘉獨流
寓中原唯鼎鑊道險臥櫬
櫬身危累素殼漂流從木梗
風卷隨秋籜張翰不歸吳
陸機猶在洛漢陽錢遂盡長
安米空索時占季主龜乍
販韓康藥伏轅終入絆垂翅
猶離繳徒懷琬琰心空守
黃金諾號郇終無寄齊秦竟
何託大夫唯閔周君子常
思毫寂寥共羈旅蕭條同負
郭農談止穀稼野膳唯藜
藿操樂楚琴悲集作忘憂魯酒薄
渭濱觀坐釣谷口看
秋穫唯有丘明耻無復榮期
樂夷則火星流天根秋水
涸冬嚴日不煖歲晚風多朔
楊浮有恠雲細凌聞災雹
木皮三寸厚涇泥五斗濁雖
忻曲轅樹猶懼雕陵鵲生

古詩類考卷之三十一 八部
涯實有始天道終虛橐且悅善人交無疑朋友數何時
得雲雨復見翔寥廓

率爾成詠

前人

昔日謝安石求爲淮海人彷彿新亭岸猶言洛水濱南
冠今別楚荆玉遂遊秦儻使如楊僕寧爲關外人

慨然成詠

前人

新春光景麗遊子離別情交讓未全死梧桐唯半生值
熱花無氣逢風水不平寶鷄雖有祀何時能更鳴

擬詠懷二十七首

前人

步兵未飲酒中散未彈琴索索無真氣昏昏有俗心涸

鮒常思水驚飛

一作羽

每失林風雲能變色松竹且悲吟

由來不得意何必徃長岑

赭衣居傅巖垂綸在渭川乘舟能上月飛幟欲捫天誰
知志不就空有直如弦洛陽蘇季子連衡遂不連旣無
六國印翻思二頃田

俎豆非所習帷幄復無謀不言班定遠應爲萬里侯燕
客思遼水秦人望隴頭倡家遭強娉質子值仍畱自憐
才智盡空傷年鬢秋

楚材稱晉用秦臣卽趙冠離宮延子產羈旅接陳完寓
衛非所寓安齊獨未安雪泣悲去魯悽然憶相韓唯彼

古詩類苑卷之三十一
八部
途窮慟知余行路難

惟忠且惟孝爲子復爲臣一朝人事盡身名不足親吳
起常辭魏韓非遂入秦壯情已消歇雄圖不復申移住
華陰下終爲關外人

疇昔國士遇生平知己恩直言珠可吐寧知炭可一作欲

吞一顧重尺璧千金輕一言悲傷劉孺子悽愴史皇孫

無因同武騎歸守灞陵園

榆關斷音信漢使絕經過胡笳落淚曲羌笛斷腸歌孀
腰減束素別淚損橫波恨心終不歇紅顏無復多枯木
期填海青山望斷河

白馬向清波乘冰始渡河置兵須近水移營喜竈多長
坂初垂翼鴻溝遂倒戈的顛於此去虞兮柰若何空營
衛青塚徒聽田橫歌

北臨玄菟郡南戍朱鳶城共此無期別俱知萬里情昔
嘗遊令尹今時事客卿不特貧謝富安知死羨生懷秋
獨悲此平生何謂平

悲歌度燕一作易水弭節出陽關李陵從此去荆卿不復

還故人形影滅音書兩俱絕遙看塞北雲懸想關一作天

山雪遊子河梁上應將蘇武別

搖落秋爲氣淒涼多怨情啼枯湘水竹哭壞杞梁城天

亡遭憤戰日蹙值愁兵直虹朝映壘長星夜落營楚歌
饒恨曲南風多死聲眼前一杯酒誰論身後名

周王逢鄭忿楚后值秦寃梯衝已鶴列冀馬忽雲屯武
安檐瓦振昆陽猛獸奔流星夕照鏡烽火夜燒原古獄
饒寃氣空亭多枉魂天道或可問微兮不忍言

橫流遘屯慝上塲結重氛哭市聞妖獸頽山起恠雲緣
林多散卒清波有敗軍智士今安用忠臣且未聞惜無
萬金產東求滄海君

吉士長爲吉善人終日善大道忽云乖生民隨事蹇有
情何可豁忘懷固難遣麟窮季氏豈虎振周王圈平生

幾種意一旦衝風卷

六國始咆哮縱橫未定交欲競連城玉翻徵縮酒茅折
骸猶換子登爨已懸巢壯冰一作水初開地盲風正折膠
輕雲飄馬足明月動弓梢楚師正圍鞏秦兵未下嶠始
知千載內無復有申包

橫石三五片長松一兩株對君俗人眼真興理當無野
老披荷葉家童掃粟跼竹林千戶封其橘萬頭奴君見
愚公谷真言此谷愚

日晚荒城上蒼茫餘落暉都護樓蘭反將軍踈勒歸馬
有風塵氣人多關塞衣陣雲平不動秋蓬卷欲飛聞道